

Uruunu Ambainjana ta Lukas Ibeede

Sua Sotaaranjana ki Lukas

¹⁻² O biibi tio Teopilus, uraata biibi, ta iur nonoono ma ipet la mazwanda kek. Mi indeenje ta imanga mata popoten mi imar na, wal pakan, zin timbotmbot mi tire kat pa matan. Zin tina ta tipombolmbol ka sua mi tikiskis ka uraata. Mi tizoyaryaara sua tana ma niam amlenj, mi tomtom pakan tibeede ka mbol kek.✧

³⁻⁴ Mi nio ta kembena. Anjwi nanaana zin wal ta tiute kat uraata tana bekena ituŋ anjute la ta uunu mi imar. Mi anpazal ka mbol ma ingeeze kek, ta inŋi anbeede ima bekena nu ute kat ta kembei: Sua ta zin tipaute u pa na, ina nonoono men.✧

Anjela iso pa pepe ki Yoan

⁵ Indeenje ta king Erot imborro lele ta zin Yuda timbotmbot pa na, patoronjana ka tomtom ta, zaana Sakaria, ni imbotmbot. Ni imbot la lupjana ki Abia pa uraata ki patoronjana. Kusiini zaana Elisabet. Mi ni ziru un imar pa Aron. ⁶ Ziru wal ndeenjan pa Anutu mataana. Pai kizin ta munjana men, ta titoto Anutu kaljana mi tutu kini. Mbulu kizin sa isaana som. ⁷ Tamen ziru tipeebe sa som. Pa Elisabet, ni kopo somjana. Mi ziru tiwe kolman kek.✧

✧ **1:1-2:** Nŋo 1:1+; Ibr 2:3; 1Pe 5:1; 1Yo 1:1 ✧ **1:3-4:** 2Tim 3:14; 2Pe 1:16 ✧ **1:7:** Un 16:1

8-9 Aigule ta na, lupņana ki Abia kadoono tila be tikam uraata su Merere kereene uunu. Mi mbulu kizin ta kembei: Sombe tila, tona tikam mbulu sa be tire asiņ ta irao be ineene koronj kuziiniņana isu Anutu mataana. Tana tikam, mi Sakaria zaana ipet. ¹⁰ Tana ni ilela Urum Merere mi ikamam uraata tana. Mi iwal biibi na, timbotmbot mat mi tizunzun.

¹¹ Ni ikamam uraata mi molo som na, Merere aņela kini ipet mi imender su you muriini zilņana ta imbot la ki Sakaria namaana woono na. ¹² Sakaria ire i, to imorsop mi motoņana biibi ikami. ¹³ Tamen aņela iso pini. Iso: “Sakaria, moto pepe. Sunņana ku, ta Merere ileņ kek. Kusim Elisabet, ni kola ipeebe lem pikin tomooto ta. Pikin tana, kozo paata zaana be Yoan. ¹⁴ Nu ko lelem ndabok mi menmeenu biibi pini. Mi nu itum tamen som. Tomtom boozomen ko menmeen zin pini. ¹⁵ Pa ni ko iwe biibi pa Anutu mataana. Mi ni ko irao iwin baen som, yok mbolņana som. * Indeenņe ta ni imbot lela naana kopoono mi ila na, Bubunņana Potomņana ko izeebi.✧

¹⁶ Mi ni ko ikam zin Israel boozomen ma titooro lenen, mi timiili mini ki Merere Anutu kizin. ¹⁷ Ni ko ikam nņar mi mburaana kembei ta Anutu kwoono Iliā, mi imuunņu pa Merere mi iurpe zaala pini. Ko itooro zin kolman ma lenen ila ki lutun bizin mini, mi ikam zin wal zorzooroņan ma tito nņar ambaiņana kizin wal ndeenņan. Naso

* **1:15:** Yoan ko ito mbulu kizin Nasiri. Zin Nasiri na, wal ta tisombe tiwe Anutu lene kat. Tana tinņaseksekat zitun pa mbulu pakan kembei yok mbolņana winņana mi ute ruunu pupņana.

✧ **1:15:** Nam 6:1+

ikam zin tomtom ma tiurpe zitun, mi tizza Merere kizin tabe imar i.”✧

¹⁸ Sakaria isu to iwi aņela. Iso: “Sua ku tana, ko aņurla be parei? Pa iņgi niamru waenņbi amwe kolman kek.”✧

¹⁹ Aņela ipekel kwoono ma iso: “Iņgi nio Gabriel tau. Nio aņmendernder su Anutu kereene uunu. Mi ni itunu ta iņgo yo ma aņmar i, bekenā aņso sua pu mi aņkam uruunu ambaiņana ti pu.”✧

²⁰ Mi leņ. Sua tio ti kola iur ņonoono. Tamen nu urla som. Tana ko irao so sua som, mi kwom imun ma irao sua ti iur ņonoono.”

²¹ Sakaria imbot ma molo lela urum leleene. Tabe zin iwal tinaami ma som mi tikam ņgar boozo pini. ²² Beso ni iyooto ma ipet na, irao be iso sua pizin mini som. Iurur namaana men. Paso, kwoono imun kek. Tabe ikam ma tomtom tiso Anutu ko ikam mbulu sa pini lela urum leleene ma iņgi.

²³ Imbotmbot ma uraata kini imap, tona imiili ma ila pa kar kini. ²⁴ Timbotmbot ma waenebi Elisabet kopoono. To imbot ruumu men pa puulu lamata. ²⁵ Mi iso: “Iņgi ko tomtom matan pasom yo mini som. Pa Merere mataana iņgal yo, mi ikam uraata ti pio.”✧

Aņela isotaara Maria pa pepe ki Yesu.

²⁶ Elisabet puulu kini iwe lamata mi ta, to Anutu iņgo aņela Gabriel ma ila kar Nasaret, ta imbot lele pakaana ki Galilea na, ²⁷ mi ila ipet ki moori metet ta, zaana Maria. Moori tana, tiroogi kek pa

✧ **1:17:** Mal 3:1, 4:5+; Mt 3:3; Mk 9:12 ✧ **1:18:** Un 18:11 ✧ **1:19:** Dan 8:16, 9:21; Ibr 1:14 ✧ **1:25:** Un 30:23

tomtom ta, zaana Yosep. Yosep tana, ni uunu imar pa king Dabit.✠

²⁸ Tana aņela ila ipet ki Maria, mi iso pini ta kembei. Iso: “Maria, aigule ambainana. Merere, ni leleene pu mi ikampe u biibi kat. Mi ni imbotmbot raamu.”

²⁹ Maria ileņ sua tana na, ikam nęar boožo pa. Iso: “Wai, sua tinęi ka uunu be parei?”

³⁰ Tona aņela iso pini: “Maria, moto pepe. Pa kampaņana ki Anutu, ta ise ku kek. ³¹ Leņ. Nu ko kopom, mi peebe pikin tomooto ta. Kozo paata zaana be Yesu.✠

³² Lutum tana ko iwe tomtom zaanaņana, mi tipaati be Anutu kor kana Lutuunu. Ni, Merere Anutu ko iuri be ikam tumbuunu Dabit muriini peeze kana.✠

³³ Mi peeze kini ko irao imap na som. Ko imboro Yakop wal kini ma alok.”✠

³⁴ Tona Maria iso pa aņela: “Inęi ko mbulu tana ipet pio be parei? Pa nio niamru tomooto sa amkeene zen.”

³⁵ To aņela ipekel kwoono ma iso: “Bubuņana Potomņana ko imar ise ku, mi Anutu kor kana mburaana ko isalakaalu. Tana pikin tabe peebe i, na ni potomņana. Mi ko tipaati be Anutu Lutuunu.✠

³⁶ Mi leņ. Nom musaana Elisabet ta iwe kolmanan kek mi muņęu tiwatwaati be kopo somņana na, ni tomini kopoono, mi inęi ka puulu iwe

✠ **1:27:** Mt 1:6+; Lu 2:5 ✠ **1:31:** Yesa 7:14; Mt 1:21; Lu 2:21

✠ **1:32:** Mbo 2:6+, 89:26+; Yesa 9:6+; Mk 5:7 ✠ **1:33:** Dan 2:44, 7:14; Ibr 1:8 ✠ **1:35:** Mt 1:18+; Mk 5:7, 15:39

lamata mi ta kek. ³⁷ Pa Anutu, ni itat pa kosa sa na som.”✠

³⁸ To Maria iso: “Ambai, nio inḡi mbesoonḡo sorok ki Merere. Sombe sua ku tana iur ḡonoono pio, ina ta tina.” To aḡela izemi mi ila.

Maria ilou Elisabet

³⁹ Aigule pakan ilae, to Maria imaḡa, mi karau ma ila pa kar ta, ta imbot la lele abalabalḡana ki Yudea. ⁴⁰ To ilela ruumu ki Sakaria mi ikam aigule ambaiḡana pa Elisabet. ⁴¹ Indeeḡe Elisabet ileḡ Maria kalḡaana na, pikin imuzik lela kopoono mi Bubunḡana Potomḡana izeebe Elisabet.✠

⁴² To kalḡaana biibi ma iso: “O Maria, kampeḡana biibi ki Anutu ta isalakaalu ma lip pa moori ta boozomen. Mi kampeḡana kini ko imbotmbot se ki pikin tabe peebi na. ⁴³ Nio pareiḡoḡ, ta Merere tio naana imar ma ilou yo? ⁴⁴ Pa re. Indeeḡe ta aḡleḡ kalḡom na, pikin ta imbot koponḡ leleene i, imuzik raama menmeeni. ⁴⁵ Kampeḡana ki Merere ko ise ku. Pa nu urla kembei sua ta ni iso pu, inako iur ḡonoono.”

Maria mboe kini (1Sam 2:1-10)

⁴⁶⁻⁴⁷ Tona Maria isu mi iso:
“Merere, ni biibi ḡonoono ta ilip pa koronḡ ta boozomen.

Tana nio leleḡ imap ipakuri.

Nio menmeen yo pa Anutu. Pa ni ulaaḡa tio.✠

⁴⁸ Pa nio mbesoonḡo kini sorokḡoḡ tau.

Tamen ni mataana inḡal yo mi ipakur yo.

✠ **1:37:** Un 18:14; Mt 19:26; Ro 4:21 ✠ **1:41:** Lu 1:15 ✠ **1:46-47:** Mbo 34:2+; 1Tim 2:3, 4:10

Tana koozi mi ila na, tomtom boozomen ko tizzo pa kampeņana ki Merere ta ise tio.✠

49 Pa ni mbura keskezeņana. Mi zaana na, potomņana.

Mi imbel uraata biibi kat pio.✠

50 Zin tomtom ta timototo i mi tileņļeņ la kalņaana na, muņaiņana kini imbotmbot se kizin, mi iseņņe iseņņe ma ila.✠

51 Ni iswe mburaana mi ikam uraata bibip.

Pa zin tomtom ta tipakurkur zitun na, ni iyangwiiri zin ma timbot leņaleņ.✠

52 Mi zin bibip ta tikamam peeze na, ni itatke zin pa murin peeze kana, mi tisu ma tiwe paņaeņae sorok.

Tamen zin wal sorrokņan ta tikototo zitun mi tipase pini na, ni ipakur zin.✠

53 Wal ta petel zin na, ni itunu ikam koronj ambaimbaiņan boozomen pizin, mi tikan ma tirao.

Mi zin ta len koronj boozo na, ni iser zin ma naman men mi tila len.✠

54-55 Muņgu ikam sua mbukņana pa tumbundu bizin ta kembei: Ni ko imuņai Abaraam mi zin popoņana kini, mi iseņņe iseņņe ma ila.

Tanata mataana iņgal zin mbesoonjo kini Israel, mi imuņai zin mi iuulu zin.”✠

56 Maria imbotmbot ki Elisabet ma irao puulu tel ma iņgi, mana imiili ma ila kar kini mini.

✠ **1:48:** Mbo 138:6; Lu 11:27 ✠ **1:49:** Mbo 71:19, 111:9, 126:2+

✠ **1:50:** Kam 20:6; Mbo 103:13-18 ✠ **1:51:** Lu 18:9+; 1Pe 5:5

✠ **1:52:** Mbo 113:7, 147:6; Mt 23:12; Kol 2:15 ✠ **1:53:** Mbo 34:10,

107:9; Lu 6:21 ✠ **1:54-55:** Un 17:7; Mbo 98:3; Mika 7:20; Ro 11:28;

Ga 3:16

Pepe ki Yoan

⁵⁷ Indeeŋe Elisabet ikam tomtom na, ipeebe pikin tomooto ta. ⁵⁸ Mi toŋmatiziŋ kini mi wal ta tigarau i na, tire kampeŋana biibi ta Merere ikam pini, to zin ta boozomen ziŋan Elisabet menmeen zin. ⁵⁹ Aigule iwe lamata mi tel pa na, zin timar be tireete pikin tina. Mi tiso tipaata tamaana zaana Sakaria pini.✧

⁶⁰ Tamen naana iso: “Som! Ni zaana Yoan.”

⁶¹ To tiso pini. Tiso: “Ina ambai. Mi nu um bizin mi imar na, kawatwaata pisis tana?”

⁶² Tana tiurur naman pa tamaana be tire: Ko ni iur pikin zaana asiŋ. ⁶³ To Sakaria iso pizin ma tikam koron ki bude imar, be ni ibeede. Beso ibeede na, ibeede ta kembei: Ni zaana Yoan. Tabe zin wal tikam ŋgar boozo. ⁶⁴ To molo som mi Sakaria kwoono ikam kak, miaana igolok, mi ipakurkur Anutu. ⁶⁵ Tabe iwal biibi ta kar kan i motoŋana ikam zin pa mbulu ta ipet na. Mi tiso ka sua ma irao lele abalabalŋana ta boozomen ki Yudea. ⁶⁶ Mi wal boozomen ta tilen na, tikam ŋgar boozo pa ma tiso: “Wai, pikin ti, kaimer ko pareiŋana?” Pa tire kembei Anutu mburaana imbotmbot se kini.

Sakaria mboe kini

⁶⁷ Bubunŋana Potomŋana izeebe pikin tamaana Sakaria, to iwe Anutu kwoono, mi iso kalŋaana ta kembei:

⁶⁸ “Iti tapakur Merere Anutu ki Israel.

Pa ni imar kek be itatke wal kini pa pataŋana kizin.✧

69 Ingi be ipamender lende ulaaŋa mburaanaŋana mi ipakuri.

Ulaaŋa tana ko ipet la uunu ki mbesooŋo kini Dabit.✧

70 Mi ina ito sua ta muŋgu kat ni iswe la kizin wal potomŋan ta tiwe ni kwoono na.

Pa iso ta kembei. Iso.✧

71 Ni ko ikamke iti pa kanda koi bizin mi wal boozomen ta tiurur koi piti na.✧

72-73 Pa muŋgu ni imbuk sua pa tumbundu Abaraam mi ipombol sua tana ma imbol kat. Sua ta kembei:

Ni ziru ko tiparlup zin ma tiwe tamen, mi imuŋaiŋai Abaraam popoŋana kini ma alok.

Mi ingi ni mataana ingalŋgal sua mbukŋana potomŋana tana ta ikam pa tumbundu bizin na,✧

74 be itatke iti la kanda koi bizin naman.

Naso toмотo mini som, mi tembesmbeeze pini.✧

75 Mi takam mbulu ta potomŋana mi ndeenŋana men pa ni mataana ma irao swondo.”✧

76 To Sakaria iso pa lutuunu ta kembei:

“O lutuŋ ri, nu tana ko tipaatu be Anutu kor kana kwoono.

Paso, nu ko muŋgu pa Merere, mi urpe zaala pini.✧

77 Mi ko pei ŋgar kizin wal kini pa zaala tabe ni ireege sanaana kizin pa i.

✧ **1:69:** 1Sam 2:1; Mbo 18:2, 89:17 ✧ **1:70:** Ro 1:2; Tit 1:2

✧ **1:71:** Mbo 106:10 ✧ **1:72-73:** Un 17:1+, 22:16+; Mbo 105:8+;

Ibr 6:13+ ✧ **1:74:** Ro 6:18,22; 1Yo 4:17+; Ibr 9:14 ✧ **1:75:** Ep

4:24; 2Tim 1:9; Tit 2:11+; 1Pe 1:15; 2Pe 1:4 ✧ **1:76:** Yesa 40:3; Mal

3:1, 4:5; Mt 3:3, 11:9

Naso ikamke zin ma timbot ambai.✠

78 Pa Anutu kiti, ni leleene itanjan piti mi imunjanai iti.

Tana ni ko ikam azunja kini saamba kana ma iyaara su piti, kembei ta zon pok ma ise.

79 Mi iur mat piti iwal ta zugut izukkaala iti mi tombot la zaala ki meetenana na.

Mi ipazal pai kiti be tapa pa zaala kini.

Naso itijan Anutu taparlup ti ma tewe tamen, mi tombot ambai.”✠

80 Tana pikin tana itumtum raama Bubunana mburaana ma iwe tomtom. To ila imbotmbot su lele bilimjana ma irao imanja pa uraata kini ila zin Israel matan.✠

2

Pepe ki Yesu (Mt 1:18-25)

1 Indeeje mazwaana tana na, Kaisa Augustus iur sua be wal boozomen ta timbot la Rom kopo mbarmaana na, timap ma tila be tikam zan se ro.

2 Ingi zan urnana mataana kana ta ipet indeeje Kirinius ikamam peeze pa lele pakaana ki Siria na.

3 Tana iwal timap ma tilala pa kar kizin kizin be tiur zan.

4 Mi Yosep tomini, ni izem kar Nasaret ta imbot Galilea na, mi isala pa kar ki Dabit, zaana Betelem, ta imbot Yudea na. Paso, ni uunu ipet la ki Dabit.✠

5-6 Tana ni ziru Maria ta tiroogi pini be iwooli na, tila be tiur zan. Indeeje ziru timbotmbot Betelem

✠ **1:77:** Yer 31:34; Mt 1:21; Lu 3:3 ✠ **1:79:** Yesa 9:1+; Mt 4:16; Yo 8:12; Ngo 26:18 ✠ **1:80:** Lu 2:40,52 ✠ **2:4:** 1Sam 16:1; Yo 7:42

na, Maria kopoono iwe ronron kana be ikam tomtom. ⁷ Mi ipeebe pikin tomooto mungamunga, to izuki pa kawaala, mi ipegeeni sula koror ta imbot la mbili murin na. Tana timbotmbot raama zin mbili. Paso, len murin toro sa be timbot pa i som.

Anjela tipet kizin mboronjan kizin sipsip

⁸ Kar zilnjaana na, mboronjan pakan timborro sipsip kizin pa mbej. ⁹ Molo som na, anjela ki Merere ipet kizin. To azunka ki Merere iyaara su ma iliu zin. Tabe motojana biibi ikam zin ma tisaana kat. ¹⁰ Tamen anjela iso pizin. Iso: “Komoto pepe. Kelenj. Nio anjmar be anso yom pa uruunu ambainjana tabe ikam yom ta munjana men ma menmeen yom biibi.✧

¹¹ Mbej ta koozi, Ulaanja tiom, ni tipeebi isu kar ki Dabit kek. Ni Mesia, mi ni Merere tiom.✧

¹² Mi koronj tingi ko iwe kilalan piom: Kala, to ko kere pikin ta tizuki pa kawaala, mi ikenne sula koror ta imbot la mbili murin na.”

¹³ Molo som na, iwal munjana men ki kar saamba timeke ma tisu, mi tigaaba anjela tana ma tipakur Anutu pa mboe ta kembei. Tiso:

¹⁴ “Tapakur Anutu ta imbot kor a. Pa ni zaana biibi.

Wal ta so ni leleene pizin, nako lelen ndabok.

Pa ingi sua luumujana * isu toono kek.”✧

¹⁵ Tona zin anjela tizem zin, mi timiili ma tisala saamba mini. Mi zin mboronjan tiparso pizin ma

✧ **2:10:** Ngo 13:52; Ro 15:13 ✧ **2:11:** Yesa 9:6; Mt 1:16,21; Ngo 2:36; Yo 3:17; 1Yo 4:14 * **2:14:** Sua luumujana ti na, ka uunu ta kembei: Zaala tabe itijan Anutu taparlup ti ma tewe tamen na Yesu tau. ✧ **2:14:** Yesa 57:19; Lu 19:38; Yo 14:27; Ro 5:1; Ep 2:14

tiso: “Ou, tamanga ta buri mi tala Betelem be tere koron ta Merere iso piti pa na.”

¹⁶ Tana loŋa men mi tila. Mi tindeenje Maria ziru Yosep, mi pikin ta ikenne sula koror. ¹⁷ Tila ma tire i, tona tipit mbol pa sua ta aŋela iso pa pikin tana.

¹⁸ Mi zin tomtom ta tileŋ sua kizin mboronjan na, timap timurur pa. ¹⁹ Tamen Maria ikam ngar pa mbulu ta boozomen tana ma iur se ndomoono.✧

²⁰ Kaimer na, zin mboronjan timiili ma tila, mi tipakurkur Anutu mi tiwidit uruunu pa uraata boozomen ta tileŋ mi tire na. Paso, ila itoptop kat la aŋela kalŋaana tau.

Maria ziru Yosep tikam Yesu ma ila Urum Merere be tireeti

²¹ Aigule lamata mi tel ilae, to reetejana ka nol ipet. Mi tipaata zaana be Yesu. Pisis tana, Maria kopoono zen mi aŋela iso la kini.✧

²² Timbotmbot ma irao nol tabe tiurpe zitun ma tiŋgeze mini pa Anutu mataana kembei ta tutu ki Mose iso na, to tikam pikin tina, mi tisala pa Yerusalem be tiuri ma iwe Merere lene.✧

²³ Pa ka sua tibeede ila Merere tutu kini pataaŋa kek ta kembei:

Pikin tomooto boozomen ta muŋgamuŋga na, bela kakam zin ma tiwe Merere lene.✧

²⁴ Tana ziru tila tiur pikin ma iwe Merere lene, mi tipatoron Merere pa mbalmbal munmun ru, bekena Maria iŋgeze mini pa Anutu mataana. Tito tutu ta Merere iso na.✧

✧ **2:19:** Lu 2:51 ✧ **2:21:** Un 17:10; Mt 1:21,25 ✧ **2:22:** Wkp 12:2+ ✧ **2:23:** Kam 13:2,12 ✧ **2:24:** Wkp 12:8

Mboe mi sua ki Simeon

²⁵ Tomtom ta, zaana Simeon, ni imbotmbot Yerusalem. Ni tomtom ndeeŋeŋana mi imoto Anutu mi ileŋleŋ la kalŋaana. Mi iurur mataana pa mazwaana tabe Anutu ikam zin Israel ma timbot ambai mini. Mi Bubunana Potomŋana imbotmbot raami.✠

²⁶ Mi Bubunana Potomŋana iso i kek ta kembei: Ni ko imbotmbot mi ire Mesia ki Merere, mana imeete. ²⁷ Yesu naana ma tamaana tikami ma tilela Urum Merere be tikam pini kembei ta tutu iso na. Mi indeeŋe tana, Bubunana ipaŋgutŋguutu Simeon ma imbotmbot lela Urum Merere leleene kek. ²⁸ Tana ni ire pikin, to ikami mi imbaraari. Mi ipakur Anutu ma iso:

²⁹ “O Merere, sua ta nu mbuk pa mbesooŋo ku, ta iŋgi iur ŋonoono kek.

Tana sombe aŋmeete, na aŋmeete lak. Nio ko aŋma raama leleŋ ambai.✠

³⁰⁻³¹ Pa Ulaaŋa ta ŋgo i ma imar be ikamke zin tomtom i,

ta swe i pizin tomtom ma tire i kek.

Mi ituŋ aŋre kati tomini.✠

³² Ni ta ko iur mat pizin wal ta Yuda somŋan i.

Mi ikam zin wal ku Israel ma zan iwe biibi.”✠

³³ Yesu tamaana ziru naana tileŋ sua ta Simeon iso pa lutun na, tikam ŋgar boozo pa. ³⁴⁻³⁵ Tona Simeon ipombol ziru tomini, mi iso pa Yesu naana Maria ta kembei: “Leŋ. Pikin taiŋgi ko iwe uunu pizin Israel boozomen ma titoptop. Mi boozomen na, ni ko iwe zaala pizin be Anutu iwit zin. Pa

✠ **2:25:** Yesa 40:1 ✠ **2:29:** Un 46:30; Pil 1:23 ✠ **2:30-31:** Yesa 40:5, 52:10; Lu 3:6 ✠ **2:32:** Yesa 42:6, 49:6; Ŋgo 13:47, 26:23

ni ta ko iswe kat Anutu mbulu kini pizin tomtom, mi ikam ma ngar ta imbot la lelen na ipet mat. Tamen tomtom ko tikam sua boozo pini. Mi nu tomini ko yamaana kembei buza mataanañana ingal lelem.”✧

Merere kwoono Ana izzo Yesu ka sua

³⁶ Mi Anutu kwoono moori ta, ni imbotmbot urum lene tomini. Ni zaana Ana, mi tamaana Panuel. Uunu ipet la ki Aser. Ni ra, iwe kolmanan kek. Mungu ziru waene timbot irao ndaama lamata mi ru men, to waene imeete. ³⁷ Tabe ni iwe nora ma imbotmbot mi ingi ndaama kini irao tomtom pañ kwoono pañ (84). Mi ni imbesm-beeze pa Anutu lela urum lene ikot mbeñ ma aigule. Izemzem som. Mi inğalseksek itunu pa kini kanjana pa aigule pakan mi izunjun men.✧

³⁸ Indeeñe kat ta Yosep bizin timbotmbot urum lene na, Ana imare kizin, to ipakur Anutu mi izzo pikin tana ka sua ila kizin iwal ta tiurur matan pa Anutu be ikamke Yerusalem na.✧

³⁹ Yosep ziru Maria tikam uraata boozomen ta tutu ki Merere iso na makin to, timiili ma tila pa kar kizin Nasaret ta imbot Galilea na.✧

⁴⁰ Mi pikin itum ma iwe kaibinjana mi ikam ngar ambainjana ki Anutu ma imbol pini. Mi kampenjana ki Anutu imbotmbot se kini.✧

Yesu nanğanğana mi ila Urum Merere

✧ **2:34-35:** Yesa 8:14; Mt 21:42+; Yo 19:25; Ro 9:32+; 1Kor 1:23; 2Kor 2:16; 1Pe 2:7+ ✧ **2:37:** 1Tim 5:5 ✧ **2:38:** Yesa 52:9; Lu 1:68 ✧ **2:39:** Mt 2:23 ✧ **2:40:** Lu 1:80, 2:52

41 Ndaama ta boozomen Yesu naana ma tamaana tilala Yerusalem pa lupņana biibi ki Pasoba.✧

42 Indeeņe Yesu ndaama kini iwe laamuru mi ru na, ni ziņan tito mbulu tana mi tisala pa Yerusalem. 43-44 Lupņana imap, tona Yosep ziru Maria timaņga be timiili pa kar kizin. Mi Yesu, ni imborene su Yerusalem. Mi tamaana ma naana tiute som. Tindemeere ma tiso ko ni ziņan wal pakan timuunģu ma tila kek. Tiwwa ma tila mi rou na, tikir mataana. Tabe tila ki toņmatiziņ kizin ma tiwi zin pini. 45 Tamen tindeenģi som. Tana timiili ma tila mini pa Yerusalem be tiru i. 46 Tiru i ma aigule iwe tel pa i, to tindeenģi lela Urum Merere leleene. Ni ziņan zin wal ta tikamam sua pizin tomtom i timbutultul, mi ilenģenģ zin mi ikamam wiņana pizin. 47 Mi zin wal ta tileņģ i na, kwon itaanda pa ņgar kini mi pekelnana kini.✧

48 Beso tamaana ma naana tire i na, timurur. Mi naana ila ma iso pini. Iso: “Wai lutuņ, parei ta kam mbulu ta kembei pa niamru tomom? Kopoyam rru pu ma ambel ruņom kek.”

49 To ni iso: “Wa, kuru yo paso? Niom kuute som? Nio bela aņbot lela Tamaņ urum kini mi aņgaabi pa uraata kini.”✧

50 Tamen ziru tikam ņgar pa sua kini tina som.✧

51 To ziņan timaņga, mi timiili ma tila pa Nasaret. Mi ni ilenģenģ la kalņan men. Mi mbulu ta boozomen tana na, naana ikam ņgar pa ma iur se ndomoono.✧

✧ **2:41:** Kam 23:14+ ✧ **2:47:** Mt 7:28 ✧ **2:49:** Yo 2:16

✧ **2:50:** Mk 9:32; Lu 9:45, 18:34 ✧ **2:51:** Kam 20:12; Lu 2:19

⁵² Mi Yesu itumtum, mi n̄gar kini ize pa koron ki Anutu. Tana Anutu leleene ndabok pini. Mi zin tomtom ta kembena. Lelen ndabok pini.✧

3

Yoan, tomtom ki yok kam̄jana
(Mt 3:1-12; Mk 1:1-8; Yo 1:19-28)

¹ Indeeñe ta Kaisa Tiberius ikamam peeze pa toono biibi ki Rom ma irao ka ndaama lamoro mata i, na Pontius Pilatus ni gabana ki lele pakaana ki Yudea, mi Erot imborro lele pakaana ki Galilea, mi toono Pilip imborro lele pakaana ki Iturea ma Trakonitis, mi Lisanius imborro lele pakaana ki Abilene. ² Mi Anas ziru Kaipas ta bibip kizin patoron̄jana kan.✧ Indeeñe mazwaana tana, Yoan ta Sakaria lutuunu na, imbotmbot lele bilim̄jana mi Anutu kal̄jana imar kini. ³ Tana Yoan imañga ma iwwa pa lele boozomen ta timbot tigarau yok Yordan na, mi izzoyaryaara sua pizin iwal be titooro lenen mi tikam yok. Naso Anutu ireege sanaana kizin.✧

⁴ Tana sua ki Anutu kwoono Yesaya ta tibeede se ro na, iur n̄onoono. Sua ta kembei:

Kal̄jana ta iboboobo su lele bilim̄jana ma iso:

Kuurpe zaala pa Merere!

Kapazal zaala pini.

⁵ Lele ngolobloobon̄an ta boozomen na, bela timun.

Mi abal ma lele dogodogon̄an ta boozomen na,
kataara zin ma raraate.

Zaala kokoogon̄an na, kapazal zin.

Mi zaala sanann̄an na, kuurpe ma ambai.

✧ **2:52:** Lu 2:40 ✧ **3:2:** Mt 26:3; Yo 18:13; N̄go 4:6 ✧ **3:3:** N̄go 22:16; 1Pe 3:21

⁶ Mi tomtom ta boozomen ko tire uraata biibi tabe Anutu ikam bekena ikamke zin tomtom pa i.✠

⁷ Zin iwal biibi ta timar kini be ikam yok pizin na, ni izzo pizin ta kembei: “Niom tina sananjoyom kat kembei mooto sananjana lutu-unu bizin! Lak, asiŋ iso yom, ta iŋgi kamar ti be koko pa Anutu kete malmaljana kini?✠

⁸ Kozobe kotooro kat leleyom, so kipiyooto ka mbulu ambaimbaijan pakan. Mi iŋgi som. Niom kozzo Abaraam popoŋana kini ta niom. Ambai. Mi kapase pa koron tana pepe. Pa nio anso kat piom: Anutu, ni irao iso pizin pat iŋgi ma timanŋa mi tiwe Abaraam popoŋana kini.✠

⁹ Mi kere. Ke boozomen ta tipiyotyooto nonon ambaimbaijan som na, iŋgi be nakabasi ikan zin ma tisu len be tisala you.”✠

¹⁰ To zin iwal tiwi i. Tiso: “Wai. Kena ko amkam parei?” ¹¹ Tana Yoan ipekel kaljan ma iso: “Tomtom sa sombe le kawaala ru, na ikam tasa pa tomtom ta lene som na. Mi tomtom ta sombe ka kinjana, na ni ikam ta kembena tomini.”✠

¹² Mi zin wal ta tiyyo takesjan i, timar be tikam yok tomini. Tana tiso pini ma tiso: “Mos katuunu, parei pa niam ti? Ko amkam parei?”✠

¹³ Yoan iso pizin ma iso: “Sombe koyyo takes na, koyyo men ta irao pa kin ta zin bibip tiur piom na. Koyo pakan ma isala ki pepe.”✠

✠ **3:6:** Mbo 98:2; Yesa 40:3-5, 52:10 ✠ **3:7:** Mt 12:34, 23:33

✠ **3:8:** Mt 7:17+; Yo 8:33,39; Ro 2:28+; Ga 3:7 ✠ **3:9:** Mt 7:19

✠ **3:11:** Mt 25:35+; 2Kor 8:14; Yems 2:15+; 1Yo 3:17 ✠ **3:12:** Lu

7:29 ✠ **3:13:** Lu 19:8

14 To malmal kan pakan tomuni tiwi i ma tiso: “Mi niam na, ko amkam parei?” Mi ni iso pizin: “Keseeze tomtom matan mi kapamoto zin mi kapakaam zin be kakam kuumbu pa koronj kizin pepe. Kadoono ta so bibip tiom tikam piom na, leleyom ambai pa. Pa ina irao.”

15 Iwal biibi tiurur matan pa Mesia be imar. Tana tire uraata ki Yoan mi tikam njar boozo ma tiso Yoan ti ko Mesia ma inji. 16 Mi Yoan isu to iso pizin iwal biibi tana ta kembei: “Nio inji anjam yok piom. Mi tomtom ta mburaana ilip kat pio, ta inji be imar i. Nio anre itun kembei anrao pini risa som kat. Uraata sorokjana kembei kumbu keteene ka wooro putkenjana na, ina tomuni, anrao anjam pini na som. Mi ni ta ko ikam Bubunjana Potomjana raama you ma isalakaala yom.”

17 Koronj imbot la namaana keteene kek be ipeleele kini. Ambaimbaijan ko izulla kiri kini mi ikam ma ila ruumu kini. Mi sananjan ramaki musmuuzu, nako ni itun pa you ta irao imap na som.”

18 Yoan ipombolmbol zin tomtom pa sua pakan tomuni, mi izzoyaryaara uruunu ambaijana pizin bekena tilej mi titooro lenen. 19 Kaimer to iyaamba Erot ta imborro lele pakaana ki Galilea na. Paso, ni iwoolo kana toono kusiini Erodias, mi ikamam mbulu sananjan pakan tomuni. 20 To Erot ikam mbulu toro mini ma isala ki, mi izeebe Yoan lela ruumu sanaana.”

*Yesu ikam yok
(Mt 3:13-17; Mk 1:9-11)*

✧ **3:16:** Mt 3:11; Yo 1:33; Ngo 1:5, 2:3 ✧ **3:17:** Mt 13:30 ✧ **3:20:** Mt 14:3+; Mk 6:17+

²¹ Indeeŋe ta zin iwal biibi tikamam yok na, Yesu tomini, ni ila ma ikam yok. Ikam yok makin, mi izunzun ma imbotmbot, to saamba ikaaga,✠

²² mi Bubunana Potomnana iwe kembei mbalm-bal, mi isu ma imbot sala nwaana. To tileŋ kalnana ta imbot saamba mi isu ma isombe: “Nu na, nio lutun nnono. Nio leleŋ ambai pu, mi leleŋ pu ilip.”✠

Yesu uunu bizin ta ipet pa i
(Mt 1:1-17)

²³ Yesu ndaama kini iwe tomoota laamuru, mi imanŋa pa uraata kini. Zin tomtom tire i kembei ni Yosep lutuunu. Mi Yosep, ni tamaana Eli.✠

²⁴ Eli tamaana Matat, Matat tamaana Lebi, Lebi tamaana Melki, Melki tamaana Yana, Yana tamaana Yosep, ²⁵ Yosep tamaana Matatias, Matatias tamaana Amos, Amos tamaana Naum, Naum tamaana Esli, Esli tamaana Nagai, ²⁶ Nagai tamaana Maat, Maat tamaana Matatias, Matatias tamaana Semein, Semein tamaana Yosek, Yosek tamaana Yoda, ²⁷ Yoda tamaana Yoanan, Yoanan tamaana Resa, Resa tamaana Zerubabel, Zerubabel tamaana Sealtiel, Sealtiel tamaana Neri, ²⁸ Neri tamaana Melki, Melki tamaana Adi, Adi tamaana Kosam, Kosam tamaana Elmadam, Elmadam tamaana Er, ²⁹ Er tamaana Yosua, Yosua tamaana Elieser, Elieser tamaana Yorim, Yorim tamaana Matat, Matat tamaana Lebi, ³⁰ Lebi tamaana Simeon, Simeon tamaana Yuda, Yuda tamaana Yosep, Yosep tamaana Yonam, Yonam tamaana Eliakim, ³¹ Eliakim tamaana Melea,

✠ **3:21:** Yo 1:32 ✠ **3:22:** Mbo 2:7; Yesa 42:1; Mt 17:5; Yo 1:32; Nŋo 10:38 ✠ **3:23:** Lu 4:22; Yo 6:42

Melea tamaana Mena, Mena tamaana Matata, Matata tamaana Natan, Natan tamaana Dabit, ³² Dabit tamaana Yesi, Yesi tamaana Obet, Obet tamaana Boas, Boas tamaana Salmon, Salmon tamaana Nason, ☆

³³ Nason tamaana Aminadap, Aminadap tamaana Admin, Admin tamaana Ani, Ani tamaana Ezron, Ezron tamaana Peres, Peres tamaana Yuda, ☆

³⁴ Yuda tamaana Yakop. Yakop tamaana Isak, Isak tamaana Abaraam, Abaraam tamaana Tera, Tera tamaana Naor, ³⁵ Naor tamaana Serug, Serug tamaana Reu, Reu tamaana Peleg, Peleg tamaana Eber, Eber tamaana Sela, ³⁶ Sela tamaana Kainan, Kainan tamaana Apaksad, Apaksad tamaana Sem, Sem tamaana Noa, Noa tamaana Lamek, ³⁷ Lamek tamaana Metusela, Metusela tamaana Enok, Enok tamaana Yaret. Yaret tamaana Malalel, Malalel tamaana Kenan. ³⁸ Kenan tamaana Enos, Enos tamaana Set, Set tamaana Adam, Adam tamaana Anutu. ☆

4

Sadan itoombo Yesu (Mt 4:4-11; Mk 1:12-13)

¹ Bubunjana Potomjana izeebe Yesu, to izem yok Yordan, mi Bubunjana ipangutnguuti ma ila iwwa pa lele bilimjana pa aigule tomtooru. ² Mi Sadan iwedet kini mi itomtoombi. Mazwaana tana, Yesu ikan kini sa som, tabe peteli ma isaana kat.

³ Tana Sadan ipet kini mi iso: “Lak, nu sombe Anutu Lutuunu, na ur sua pizin pat ti, bekena iwe

☆ **3:32:** Rut 4:17-22 ☆ **3:33:** Un 29:35 ☆ **3:38:** Un 1:27

kom kini ma kan.” ⁴ Tamen Yesu ipekel kwoono ma iso: “Sua imbot pataaŋa kek ta kembei: Kini men ko irao ikis tomtom sa ma imbot ndabok na som.”[☆]

⁵ Tona Sadan ikami ma tisala lele ta imbot kor kat. To karau men mi iso i pa lele mi toono ta boozomen ma imap. ⁶⁻⁷ Mi iso pini ma iso: “Re. Koron tau ndabokbokŋan mi zanŋan mi mburanŋan taiŋgi, nio ko anŋkam ma iwe lem. Pa koron ta boozomen taiŋgi imar nomon kek. Tana sombe leleŋ be anŋkam pa tomtom sa, na irao anŋkam pini. Mi nu itum tau. Sombe lek kumbum pio mi pakur yo, na koron taiŋgi ko imap ma iwe lem.”[☆]

⁸ Tamen Yesu ipekel kwoono ma iso: “Sua imbot pataaŋa kek ta kembei: Lek kumbum pa Merere Anutu ku mi mbeeze pa ni itutamen.”[☆]

⁹ Mi Sadan ikam Yesu ma tila Yerusalem, mi tisala pa Urum Merere uteene, to iso lae pa Yesu ma iso: “Sombe nu Anutu Lutuunu, na mbot ti mi lu u ma sula. ¹⁰⁻¹¹ Pa sua imbot pataaŋa kek ta kembei:

Ni ko iur sua pizin aŋela kini be timboro u mi matan pū.

Mi zin ko tisiibu, kokena punu se pat.”[☆]

¹² Tamen Yesu ipekel kwoono ma iso: “Tamen sua lwoono toro iso ta kembei: Nu irao toombo sorok Merere Anutu ku mburaana pepe.”[☆]

☆ **4:4:** Lo 8:3; Yesa 55:1-2 ☆ **4:6-7:** Yo 12:31; 2Kor 4:4; 1Yo 2:15+

☆ **4:8:** Lo 6:13, 10:20 ☆ **4:10-11:** Mbo 91:11+ ☆ **4:12:** Lo 6:16; 1Kor 10:9

13 Tana Sadan itoombo Yesu pa zaala ta boozomen ma som, to izemi ma imbot nana ri.✠

*Yesu imanga pa uraata kini isu Galilea
(Mt 4:12-17; Mk 1:14-15)*

14 Toombonana tana imap na, Bubunana Potomnana mburaana izeebe kat Yesu. To imanga mi imiili ma ila pa Galilea. Mi uruunu irak ma irao lele. 15 Ni ikamam sua pizin tomtom isu lupnana muriini kizin kizin, mi iwal biibi ta tilen sua kini na, tiwidit uruunu.

*Zin Nasaret kan tiurla ki Yesu som mi tirepiili i
(Mt 13:53-58; Mk 6:1-6)*

16 Yesu ila kar kini Nasaret. Indeenje ta ni musaana mi imar na, imbotmbot kar ta tana. Mi indeenje aigule potomnana tabe keten su pa i na, ilela lupnana muriini. Pa mbulu kini ta kembeanana. Ni ilela, to imanga mi imender la iwal biibi matan be ipaata sua.✠

17 Mi tisara ro ta sua ki Anutu kwoono Yesaya imbot se na ila kini, to ipeelee ma indeenje sua ta iso ta kembei. Isombe:

18-19 Merere Bubunana mburaana ise tio kek.

Pa ni iroogo yo mi iur yo be anla ansoyaara uruunu ambainana pizin tomtom ta timbot noobona.

Mi ingo yo be anso pizin wal ta timbot la kan koi bizin naman na ta kembei:

“Koyooto ma kala. Kosa sa ipakaala yom mini som.”

Mi zin wal ta matan pisnan na, ingi be matan peere.

✠ 4:13: Ibr 2:18, 4:15 ✠ 4:16: Mt 2:23

Mi zin wal ta tomtom tiseezeze matan mi tikototo zin na, nio anmar be anjatke zin pa patajana kizin.

Mi anmar be ansoyara sua pizin tomtom ta kembei: Nol tabe Merere iswe kat kampejana kini i, ta ipet kek.”✧

²⁰ Yesu ipaata sua ma imap, to ilek ro mi iur la ki urum tuunu. Tona mbuleene su be iso ka ngar pizin. Tabe zin iwal ta timbot tina tikor matan pini. ²¹ Mi ni imanga pa sua ta kembei: “Sua ta kelenlen i, koozi iur nonono kek.”

²² Iwal biibi tilenlen sua ta ni izzo pa kampejana ki Anutu na, tiwit uruunu mi tikam ngar boozo pa. To tisu na tiparzzo pizin. Tiso: “Wai, to ti, ni Yosep lutuunu tau. Mi parei ta ni irao izzo sua ta kembei?”✧

²³ Tana Yesu iso pizin ta kembei: “Nio anjute. Niom ingi be koso yo pa sua ta gorgori tizzo na ma kosombe: ‘Nu tomtom ta urpewe zin tomtom pa mete kizin na, motom ingal be urpe itum mungu. Mbulu ta amlen nu kamam su kar Kapenaum na, parei ta kam su tingi som? Pa ingi sa itum kar ku na.’”✧

²⁴ To Yesu iseenge sua kini mini ma iso: “Nio anso kat piom: Tomtom ta so iwe Anutu kwoono, na itunu wal kini ko tiur lenen pini som.”✧

²⁵ Mbulu ta ipet mungu na, motoyom ingal som? Indeeje gorgor ki Anutu kwoono Ila na, yan isu som pa ndaama tel mi pakaana. Tana peteele biibi

✧ **4:18-19:** Yesa 61:1+; Yo 3:34; 2Kor 6:2 ✧ **4:22:** Mk 1:22; Yo 6:42, 7:15 ✧ **4:23:** Mk 1:21+ ✧ **4:24:** Mt 13:57; Yo 4:44

ikam zin. Mi Israel nan na, noroŋa boozomen timbotmbot.✧

²⁶ Tamen Anutu inŋo Ilia ma ila be iuulu kizin tasa na som. Ni inŋo i ma ila ki nora ta, ta imbot su kar Sarapet ta imbot lele pakaana ki Sidon na.✧

²⁷ Mi indeeŋe gorgor ki Anutu kwoono Elisa tomini na, zin Israel tomtom kizin boozomen ta mbetmbeete sananŋana ikam zin. Tamen Elisa iurpe tomtom kizin tasa som. Iurpe Naeman itutamen ma mete iko pini. Naeman tana tomini, tomtom ki lele pakaana toro zaana Siria.”✧

²⁸ Iwal biibi ta timbotmbot lela lupŋana leleene na, tileŋ Yesu sua kini, to keten ibeleu kat. ²⁹ Tana timaŋga mi tiziiri i pa kar, to tiyaaru tataati ma tisala pa lele ndomoonoŋana ta kar kizin imbot pa na. Mi tisombe tipiri i sula pa lele sipkatŋana.

³⁰ Som, mi ni ipa pa mazwan, mi ibeleu ma imar ila lene.✧

*Yesu iziiri bubuŋana sananŋana pa tomtom ta
(Mk 1:21-28)*

³¹ Yesu imaŋga mi isula pa kar ta ki Galilea, zaana Kapenaum. Mi indeeŋe aigule potomŋana tabe keten su pa i na, ni ikamam sua pizin tomtom.

³² Mi zin tileŋ sua ma kwon itaanda. Pa ni izzo katkat sua raama mburaana kembei ta tomtom ta zaana pa uraata kini.✧

³³ Mi lupŋana muriini leleene na, tomtom ta imbotmbot. Ni, bubuŋana sananŋana izeebi. Tana iboobo mi kaŋaana izalla ma iso: ³⁴ “Aii, Yesu ki Nasaret, nu sombe kam parei piam? Inŋi mar

✧ **4:25:** 1Kin 17:1, 18:1; Yems 5:17+ ✧ **4:26:** 1Kin 17:8+

✧ **4:27:** 2Kin 5:1+ ✧ **4:30:** Yo 8:59, 10:39 ✧ **4:32:** Mt 7:28+;

Yo 7:46

be pambiriizi yam? Nio anjkilaalu kek. Nu Anutu tomtom kini potomɲana.”✠

³⁵ Tamen Yesu inɲasaari ma iso: “Hait, mane mi yooto pini!” Tona bubuɲana sananɲana ipalkeete tomtom tana isu iwal biibi keren uunu mi iyooto pini. Mi ikam kosa sa pini som.

³⁶ Zin iwal biibi tire mbulu tina ma timurur pa Anutu mburaana. To tiparso pizin ma tiso: “Ingi sua ti pareinana? Ingi kembei tomtom tɲingi le mburaana mi zaana be iur sua pizin bubuɲana sananɲan ma tiyooto ma tila len.” ³⁷ Ingi uunu tɲingi tabe Yesu uruunu irak ma irao lele pakaana tina.

Yesu iziiri mete pizin wal boozomen

(Mt 8:14-17; Mk 1:29-34)

³⁸ To Yesu imanɲa ma izem lupɲana muriini tana, mi ilela Simon ruumu kini. Mi Simon rwoono mooribi, ni kuliini ibayou kat ma ikenne. Tabe titaɲroro Yesu be iuuli. ³⁹ Tona Yesu ila ma imender salakaali, mi iyaamba mete tana be iyooto pini. To mooribi tana, burup ma imanɲa, mi ila iurpe kan kini.

⁴⁰ Rou ma zoɲ isula na, zin iwal tiyyo zin tomtom kizin ta mete matakiɲa ikam zin na, ma tilala kini be iuulu zin. Mi ni iur namaana salakaala zin tataɲa, mi iurpe zin ma nin ambai lup. ⁴¹ Mi bubuɲana sananɲan tomini tiyotyooto pizin tomtom, mi kalɲan izalla ta kor a ma tizzo: “Nu Anutu Lutuunu tau.” Tamen ni iyaamba zin mi ipeteke zin be tiswe i pepe. Paso, zin tiute: Ni ta Mesia.✠

✠ **4:34:** Mt 8:29; Mk 1:24; Yems 2:19 ✠ **4:41:** Mk 1:24+, 3:11+

*Yesu izzoyaryaara sua pizin tomtom
(Mk 1:35-39)*

⁴² Mbenbenjana mi Yesu imanga ma ila pa lele ta ka tomtom somjana i bekena itutamen imbot. Mi som. Pa tomtom pakan tiru i ma timar. Beso tindeenji na, tisombe tiruuti. Kokena izem zin.✧

⁴³ Tamen ni imanga mi iso: “Som. Nio bela anla ma ansoyara uruunu ambainjana pa peeze ki Anutu ila kar bibip pakan tomini. Pa Anutu ingo yo pa uraata ta kembei.”✧

⁴⁴ Tana ni iwwa pa lele pakaana ta zin Yuda timbotmbot pa na, mi izzoyaryaara sua lela lupjana muriini kizin kizin.

5

*Yesu iboobo zin nanjanj mataana kan
(Mt 4:18-22; Mk 1:16-20)*

¹ Aigule ta na, Yesu imendernder su peende ki yok tatiliujana Genesaret. Mi zin iwal biibi timokor la kini, mi tiliu i ma sik be tilej len sua ki Anutu. ² Mi ni mataana ila na, ire woongo ru ta tiyaaru sala ma timbotmbot. Pa katuunu bizin tisu ma tila tingurnguuru pu kizin. ³ Woongo ta na, ki Simon. Tana Yesu ila ma iso pini be iyaaru ma isula. To ise mi tikeltapaari ma tiperae jana ri. Tana ni mbuleene sala woongo tana, mi ikam sua pizin iwal biibi.

⁴ Ikam sua pizin ma imap, to iso lae pa Simon: “Kozo ngaltekeere ri mi teperae lijana, to pu tiom isula. Pa inga ye murin.” ⁵ Simon ipekel kaljaana

✧ **4:42:** Mbo 5:3; Mt 14:23; Mk 6:46 ✧ **4:43:** Lu 8:1; 1Kor 9:16

ma iso: “Wai mos katuunu, mbenji amnok amnok ma som. Tamen ingi nu so, tana ko pu isula.” ✧

⁶ Beso timanga pa na, pu be rek. ⁷ To tikoolo lela pa waen bizin be tikam woongo toro ma tipet mi tiuulu zin. Zin timar mi tikinke zin ye pa pu ma tisula woongo ru mabe timonmon.

⁸ Simon Petrus ire mbulu tana na, itop su Yesu kereene uunu mi iso: “Biibi, mbot molo pio. Pa nio tomtom sananjon.” ✧

⁹⁻¹⁰ Ni iso ta kembei paso, zinan waene bizin ta timbot woongo na, tire mbulu ki ye kamjana tana ipa ndel kat. Tabe timurur pa Anutu mburaana. Mi zin men som. Yems mi Yoan ta Zebedi lutuunu bizin mi tigabgaaba Petrus pa uraata na, zin tomini timurur pa.

Tamen Yesu iso pa Petrus ma iso: “Moto pepe. Indeeje ta koozi ma ila na, nu ko kam zin tomtom ta kembei.” ¹¹ Tana tiyaaru woongo kizin ma tisala peende, to tizem koron kizin ta munjaana men ma imborene lup, mi tito i. ✧

Yesu iurpe tomtom ta mbetmbeete sananjana ikami

(Mt 8:2-4; Mk 1:40-45)

¹² Indeeje Yesu imbotmbot kar ta na, tomtom ta, ni mbetmbeete sananjana ikam kati. Imar ma ire Yesu, to itop su kereene uunu, mi itanroro i ma iso: “O biibi, sombe lelem isaana pio, na nu rao ziiri mete tio ti ma kulinj ingeeze mini.”

¹³ Mi Yesu namaana ila ma iteegi, mi iso: “E, nio lelenj be anuulu u. Kulim ambai lak.” To lonja men mi mete tana iko pini ma kuliini ingeeze mini.

✧ **5:5:** Yo 21:3+ ✧ **5:8:** Yesa 6:5; 1Tim 1:15+ ✧ **5:11:** Lu 5:28, 14:33; Pil 3:7+

14 To Yesu ipeteke i be iso tomtom sa pa mbulu tana pepe. Mi iso pini. Iso: “La ma pamaala itum pa patoronjana ka tomtom sa mungu. To kam patoronjana pa kulim ta ingeeze na, kembei ta tutu ki Mose iso na. Naso ipombol zin patoronjana kan be tiurla tio.” ☆

15 Tamen uraata kini uruunu irak ma iwe biibi ma ilala, tabe zin iwal timekewe ma tilala kini be tilenleji mibe iurpewe zin pa mete kizin. 16 Mi lwoono pakan na, ni izemzem zin iwal, mi ilala pa lele bilimjana be izunzun. ☆

*Yesu iurpe tomtom narapejana ta
(Mt 9:1-8; Mk 2:1-12)*

17 Aigule ta na, Yesu ikamam sua pizin tomtom. Mi zin tutu kan mi ngarjan pakan ki tutu, ta ziñan timbotmbot. Wal tana, pakan timar pa kar ta boozomen ki Galilea, pakan timar pa Yudea, mi pakan timar pa Yerusalem. Mi Merere mburaana imbot se ki Yesu, tana ni irao be iurpe zin metenjan.

18 Timbotmbot mi wal pakan tisiñ tomtom narapejana ta ma timar. Mi tirru zaala be tikami ma tilela ruumu mi tiuri su Yesu kereene uunu.

19 Tamen zalan sa som. Pa iwal biibi mete. Tana tikami ma tisala pa ruumu uteene, to tipetepis ruumu uteene, mi titu i ma isula ma indeenje kat Yesu ziñan iwal biibi keren uunu.

20 Yesu ire wal tina urlanana kizin imbol kat. Tana iso pa tomtom narapejana tina ma iso: “Tiziñ, sanaana ku ta anreege pu ma ila ne kek.” ☆

21 Tabe zin tutu kan mi zin ngarjan ki tutu tisu mi tiparzzo pizin. Tiso: “Ingi so tomtom ta

☆ 5:14: Wkp 14:1+; Lu 17:14 ☆ 5:16: Mt 14:23; Mk 1:35, 6:46

☆ 5:20: Lu 7:48

ipasansaana sua pa Anutu i? Tomtom sa irao be ireege sanaana? Anutu itutamen ta irao.” ✧

²² Mi Yesu, ni iute n̄gar kizin kek. Tana ipekel kwon ma iso pizin. Iso: “Wai, parei ta leleyom iurur mi kakamam n̄gar boozo? ²³⁻²⁴ Sua tan̄goi ta imarra be an̄so? An̄so pa tomtom taiñgi be an̄reege sanaana kini, som an̄so pini be burup ma iman̄ga mi ipa? Mi lelej be niom kuute kat ta kembei: Tomtom Lutuunu, ni zaana be ireege sanaana kizin tomtom isu toono.” Iso sua tana ma imap, to iso pa tomtom narapeñana tana ta kembei: “Nio an̄so pu: Man̄ga, lek mi ku, mi la pa ruumu ku.” ✧

²⁵ To wal ta boozomen tikor matan pa nara-peñana tina, mi ni iman̄ga ma ilek mi kini, mi iwidit Anutu uruunu mi ila pa ruumu kini. ²⁶ Mi zin iwal ta tire mos tana na, timurur pa Anutu mburaana mi tipakur zaana. Mi motoñana biibi ikam zin ma tiso ta kembei: “Wai, mbulu ta koozi tere na, ipa ndel kat. Takam n̄gar pa ma tarao som.”

Yesu iso pa Lebi ma ito i
(Mt 9:9-13; Mk 2:13-17)

²⁷ Yesu izem kar tina, mi ila, to ire tomtom ta iyyo takes ñana i, zaana Lebi. Ni imbutultul su uraata kini muriini. Yesu ila to iso pini. Iso: “Mar to yo!” ²⁸ To Lebi iman̄ga ma izem koron̄ kini ta munñaana men ma imborene, mi ito Yesu. ✧

²⁹ Kaimer to Lebi ikam kini biibi pa Yesu isu ta ruumu kini a. Mi wal boozo ta tiyyo takesñan i, ziñan zin tomtom pakan timar ma ziñan timbotm-bot mi tikanan kini. ³⁰ Wal tutu kan pakan ziñan

✧ **5:21:** Mbo 32:5; Yesa 43:25; Mika 7:18; Lu 7:49 ✧ **5:23-24:** Yo 5:8 ✧ **5:28:** Lu 5:11, 14:33; Pil 3:7+

gaabaŋan kizin ta len ŋgar biibi pa tutu i tire mbulu tana, to timaŋga mi tikam ŋunuŋunuŋ pa. Mi tiso pizin naŋgaŋ ki Yesu ma tiso: “Wai, parei ta niom tina kagabgaaba zin wal ta tiyyo takesŋan i mi zin wal sananŋan ma niomŋan kakanan mi kiwinin la mbata?” ☆

³¹ Yesu ipekel kwon ma iso: “Parei? Tomtom ta iurpewe zin metenjan i, ko ila pizin wal ta nin ambaimbaiŋan? Som. Ni ilala be iuulu zin metenjan.

³² Mi nio ta kembena. Aŋmar be aŋboobo zin wal ndeenjan na som. Aŋmar be aŋboobo zin wal sananjan bekeno titooro lelen mi tizem mbulu kizin sananjanana.” ☆

*Wiŋana pa mbulu ki kini ŋgalsekŋana
(Mt 9:14-15; Mk 2:18-20)*

³³ To zin tiso: “Zin naŋgaŋ ki Yoan na, tiŋgalseksek zitun pa kini kanjanana bekeno matan iŋgal Anutu mi tikamam sunjanana. Mi zin tutu kan tomini, naŋgaŋ kizin tikamam ta kembei. Tamen nu ku na, som. Tikanan ma tiwinin pa aigule ta boozomen.”

³⁴ Tona Yesu ipekel kwon ma iso: “Ambai. Mi ta sombe tikam kini biibi pa ula popoŋana sa, mi ni ziŋan toroono bizin timbotmbot, ko kuur ŋgalseki pizin pa kini kanjanana? Som. ☆

³⁵ Mi kaimeŋ, ma sombe wal sa timar mi tikam tomtom ta iwoolo popoŋana na ma izem zin, tona toroono bizin tana ko lelen ipata mi tiŋgalsek zitun pa kini kanjanana.”

Zaala munḡuḡana irao igaaba zaala popoḡana na som

(Mt 9:16-17; Mk 2:21-22)

³⁶ Yesu iso makinḡ, mi ikam sua tooroḡana taiḡḡi pizin tomimi: Isombe: “Lak, ko teyembut kawaala popoḡana pakaana mi tesesekaala la ki kawaala munḡuḡana? Som. Kokena ipasaana kawaala popoḡana. Mi tomimi, kawaala popoḡana tana, ko raraate pa munḡuḡana som. ³⁷ Mi yok baen popoḡana ta kembena. Ko tilinḡ sula baen putuunu munḡuḡana? Inako som tomimi. Kokena baen popoḡana iti putuunu munḡuḡana, to imapaala mi baen borok su lene. To baen raama putuunu tisaana lup. ³⁸ Som. Baen popoḡana bela isula putuunu popoḡana. ☆

³⁹ Mi zin wal ta tiwinin baen munḡuḡana na, lelen pa popoḡana som. Pa ina kola tiso ta kembei: ‘E-e, kanda munḡuḡana men imar. Pa ina ambai.’” ☆

6

Yesu ta imborro aigule potomḡana

(Mt 12:1-8; Mk 2:23-28)

¹ Indeeḡe aigule potomḡana ta kizin Yuda tabe keten su pa i, na Yesu zinḡan nanḡaḡ kini tiwwa pa zaala ta ila pa wit lene. Mi nanḡaḡ kini tiwwa ma tila, mi tikewe ḡonon ma timbulmbuulu se naman be kulin ikam pokpok mi tikanan. ☆

² Mi tutu kan pakan tire zin, to tiwi zin. Tiso: “Ai, inḡi sa aigule potomḡana tabe ketende su pa i.

☆ **5:38:** Ngo 15:1+; Ro 10:4; Ibr 8:13 ☆ **5:39:** Ro 10:16 ☆ **6:1:** Lo 23:25

Kekewe wit ŋonon paso? Pa mbulu ta kembei na, tutu ŋgalsek pa.”✧

³ Yesu isu to ipekel kwon ma iso: “Sua ta iso pa mazwaana ta king Dabit ziŋan wal kini petel zin ma tiru zalan na, niom kapaata som? ⁴ Sua tana iso ta kembei: Mazwaana tana, Dabit ilela beeze ki Anutu, mi ikam narabu potomŋana ta tiurur la Anutu kereene uunu na. Narabu tana, ka ŋgalsekiŋana. Pa tutu iso zin patoronŋana kan men ta tirao be tikan. Mi som. Dabit ikam ma ikan, mi ikam pizin wal kini ma tikan tomini. Mi ka sua sa som.”✧ ⁵ To Yesu iseŋge sua kini ma iso: “Aigule potomŋana tabe ketende su pa i, na Tomtom Lutuuunu ta imborro.”✧

Yesu iurpe tomtom nama kaamaŋana pa aigule potomŋana

(Mt 12:9-14; Mk 3:1-6)

⁶ Indeeŋe aigule potomŋana toro tabe keten su pa i na, Yesu ilela lupŋana muriini ta, mi ikamam sua ki Anutu pizin tomtom. Mi tomtom ta imbotnbot lela lupŋana tana. Ni namaana woono ikaama. ⁷ Mi zin ŋgarŋan ki tutu ziŋan zin tutu kan pakan tireudut Yesu, beso ni iurpe tomtom tina pa aigule potomŋana, tonabe iwe le uunu be tiŋgal mataana pa. ⁸ Tamen Yesu, ni ikam la ŋgar kizin kek. Tana iso pa tomtom nama kaamaŋana tina ma isombe: “Manga mi mender la iwal biibi matan.” To ni imanga ma imender.

⁹ Mi Yesu iwi zin ma iso: “Lak. Anwi yom. Mbulu pareiŋana ta ito kat aigule potomŋana ka tutu.

✧ **6:2:** Kam 20:10, 34:21 ✧ **6:4:** Wkp 24:5+; 1Sam 21:1+ ✧ **6:5:** Kol 2:16+

Takam mbulu ambainjama, som mbulu sanannjama? Tu'uulu zin tomtom, som tapasaana zin?"

¹⁰ Mi mataana ikam zin iwal makinj, to iso pa tomtom tana. Iso: "Swooro nomom." Beso iswooro namaana na, ambai. ¹¹ Tabe zin tutu kan keten ibeleu kat mi tiparso pizin ma tiso: "Ingi kozo ko takam parei pini?"

*Yesu ipeikat nanjaj laamuru mi ru ma tiwe lene
(Mt 10:1-4; Mk 3:13-19)*

¹² Mbenj ta na, Yesu isala abal ta be isunj pa Anutu. Izunzunj ma ila berek, ¹³ to iboobo zin nanjaj kini ma timar, mi ipeikat tomtom kizin laamuru mi ru, mi iur zin pa uraata be tiwe le njonjama. ¹⁴ Wal tina zan ta kembei: Simon (ni, Yesu ipaata zaana toro be Petrus) mi tiziini Andreas, Yems ma Yoan, Pilip, Batolomai, ¹⁵ Matai, Tomas, Yems ta Alpai lutuunu i, Simon (ni igabgaaba zin wal ta tisombe tikam malmal pa Rom mi tiziiri zin na), ¹⁶ Yudas ta Yems lutuunu, mi Yudas Iskariot ta kaimer iur Yesu ila ka koi bizin naman.

*Yesu ikam sua pizin tomtom mi iurpe zin metenjan
(Mk 3:7-12)*

¹⁷ To Yesu zinan nanjaj kini tisula ma timender su lele keteenenjama. Lele tina, ina zin iwal biibi timar timbot. Zin wal ta titoto i na, zinan wal boozo kat ki Yudea, Yerusalem, mi zin sousou uunu kan ki Tiro mi Sidon tomini. ¹⁸ Zin timar be tilenji, mibe iurpe zin pa mete kizin. Mi zin tau bubunjama sanannjan tipasansaana zin na, ni izirziiri bubunjan tana pizin. ¹⁹ Mi zin iwal biibi tana tiliu i ma titomtombo be titeegi men tau.

Paso, mburaana biibi iyotyooto pini, mi ikamam ma tomtom boozomen nin ambai mini.

Zin wal tabe menmeen zin
(Mt 5:1-12)

²⁰ Yesu mataana ila kizin nanḡaḡ kini, mi iso ta kembei:

“Niom wal ta leynom koron somḡoyom na, leleyom ambai pa kampeḡana ki Anutu ta imbotmbot se tiom.

Pa inḡi kombot lela peeze ki Anutu kek.✧

²¹ Mi niom ta koozi petel yom i, na leleyom ambai, pa kampeḡana ki Anutu ta imbotmbot se tiom.

Pa ni ko ikam koyom kini mi karao kat.

Mi niom ta koozi leleyom ipata mi katanḡaḡ i, na leleyom ambai pa kampeḡana ki Anutu ta imbotmbot se tiom.

Pa niom ko leleyom ambai kat mi keseḡḡe.✧

²² “Mi niom ta so kototo Tomtom Lutuunu, mi ikam ma tomtom tiur koi piom, mi tiziiri yom pa lupḡana kizin, mi tipiri sua repiilinḡana piom, mi tipasaana zoyom ma tire yom kembei wal sananḡoyom kat, na leleyom ambai pa kampeḡana ki Anutu ta imbotmbot se tiom.✧

²³ Leleyom ambai mi kululu yom raama menmeen yom biibi. Pa kadoono tiom biibi, ta izza yom ta saamba a. Kere. Mbulu tana poponḡana som. Munḡu tumbun bizin tomini, tikamam mbulu raraate men pa Anutu kwoono bizin.✧

Zin wal tabe lenen ipata

✧ **6:20:** Mt 25:34; Yems 2:5 ✧ **6:21:** Mbo 126:5+; Yesa 55:1+; Tur 7:16+ ✧ **6:22:** Yo 15:19, 16:2; 1Pe 4:14 ✧ **6:23:** Ngo 5:41, 7:52; 1Tes 2:15

24 “Aiss, niom ta koozi leynom koronj boozo ma karao kat, na ra, tembel yom kek.

Pa koronj tiom ambainjana ta kakam pataanja kek.✧

25 Mi niom ta koozi karao kat pa koyom kini, na ra, tembel yom kek.

Pa niom ko petel yom ma kombot njoobo.

Mi niom ta koozi leynom ambai kat mi kezenzeenge, na ra, tembel yom kek.

Pa niom ko leynom ipata, mi kataj ma keyeryer.✧

26 “Mi niom ta wal boozomen tiwidit uruyom na, tembel yom kek. Pa munju zin wal ta tipakamkaam ma tiso sorok be zin tiwe Anutu kwoono bizin na, tumbuyom bizin tipakurkur zin ta kembena.✧

Tuur lelende pa kanda koi bizin

(Mt 5:38-48)

27 “Niom ta kelenlej yo i, nio anso piom ta kemberi: Kuur lelyom pa koyom koi bizin, mi kakam mam mbulu ambainjana men pizin wal ta tiurur koi piom.✧

28 Zin wal ta so tiwirri sua sananjana piom na, kuzunzun Merere be ikampe zin. Mi zin tomtom ta so tikamam mbulu sananjana piom na, kuzunzun pizin.✧

29 Sombe tomtom sa ipeeze ponjom, na pekel namaana pepe. Tooru mi ipeeze pakaana tomini. Mi sombe tomtom sa ikam mburu ku kor kana, na kam meleebe kana ma ila pini tomini. Ruutu pepe.✧

✧ **6:24:** Lu 16:25; Yems 5:1 ✧ **6:25:** Yesa 65:13 ✧ **6:26:** Yo 15:19; 1Yo 4:5; Yems 4:4 ✧ **6:27:** Ro 12:20 ✧ **6:28:** Lu 23:34; Njo 7:60 ✧ **6:29:** 1Kor 6:7

³⁰ Zin tomtom ta sombe tisuŋu pa len koronj, na kam pizin. Mi sombe tomtom sa ikam koronj ku sa, na so pini be ipimiili pepe.✧

³¹ Mbulu ta niom leleyom be zin wal tikam piom, na niom kupumuŋgu pizin.✧

³² “Niom sombe kuurur leleyom pizin wal ta lelen piom men, na asiŋ ko ipakur yom? Som. Pa zin wal sananjan tikamam ta kembena tomini.

³³ Mi sombe kakampe zin wal ta tikampe yom men, na asiŋ ko ipakur yom? Som. Pa ina, zin wal sananjan tikamam ta kembena tomini. ³⁴ Mi niom sombe kakamam koronj tiom ilala pizin tomtom ta niom kuute zin tirao be tipekel, na asiŋ ko ipakur yom? Som. Pa ina, zin wal sananjan tikamam ta kembena tomini. Pa bela tiute kembei zin ko tikam len pekeljana ta ikot kat koronj kizin, tona tiyok pizin tomtom be tikam koronj kizin.

³⁵ Tamen niom na, kuur leleyom pa koyom koi bizin, mi kakampe zin. Kakam koronj pizin raama leleyom. Mi kuur motoyom pa leyom pekeljana sa pepe. Naso kakam mbulu ki Tomoyom Anutu kor kana, mi ni ikam leyom kadoono biibi. Pa zin wal sananjan mi zin wal ta matan mbeleele pa kampejana kini na, ni ikampewe zin men.✧

³⁶ Tana leleyom izanzaana pizin tomtom, mi ku'uluulu zin kembei Tomoyom Anutu ikamam.

*Tere waende bizin kembei wal sananjan pepe
(Mt 7:1-6)*

³⁷ “Kere waeyom bizin mi loja koso zin sananjan pepe. Kokena Anutu ire yom tomini kembei wal sananjoyom. Mi kanjal waeyom

✧ **6:30:** Lo 15:7+; 1Yo 3:17 ✧ **6:31:** Mt 7:12 ✧ **6:35:** Ro 5:8

bizin matan pepe. Kokena niom tomini, Anutu ingal motoyom. Tana kumuñai waeyom bizin, mi kezem ngar pa sanaana kizin. Naso Anutu imuñai yom tomini mi ireege sanaana tiom.*

38 “Ku'uluulu zin tomtom. Naso kendeenje leyom ulaña pakan tomini. Pa mbulu mi koronj ambaimbainjan ta so kakam pizin tomtom, inako kere ka pekeljana ta ilip ma ilip kat. Pa mbulu mi koronj ta so kakam pizin tomtom, ta ko imiili piom.”*

39 Yesu ikam sua tooronjana taiñgi pizin tomini. Iso: “Parei? Sombe tomtom mata pisjana tasa imuñgu mi iso waene toro ta mata pisjana i pa zaala, ko ziru titop sula naala som? Som. Ko titop.*

40 Mi nanjan ta buri ikamam ngar i, ko irao be ilip pa kolman ta ipaute i? Som. Tamen nanjan tana, sombe ikam kat ngar, inako iwe kembei ta kolman ta ipaute i na.*

41-42 “Re. Ke pakaana biibi ta imbot la motom na, yamaana som? Kena parei ta loña kwom la pa ke tipiini ri ta imbot la tonmatizij ku mataana na, mi su ma so pini: ‘A barau, ke tipiini ri ta imbot la motom na, nio anjsombe anjuulu u mi anpai ma isu lene.’ Ina nu kam pakaamjana! Pai nu ku ta biibi na ma isu muñgu. Naso re kat tipiini ta imbot la tonmatizij ku tana mataana na, mi irao pai ma isu lene.*

*Ke ñonoono ta iswe ke pareijana
(Mt 7:16-18, 12:33-35)*

* 6:37: Mt 6:14; Ro 2:1; Yems 2:13 * 6:38: Tut 19:17; Mk 4:24; Ga 6:7+ * 6:39: Mt 15:14 * 6:40: Mt 10:24+; Yo 13:16, 15:20
* 6:41-42: Ro 2:1+

43 “Ke ambaiɲana ko irao ipiyooto ɲonoono sananɲana sa na som. Mi ke sananɲana ta kemberena. Ko irao ipiyooto ɲonoono ambaiɲana sa na som. 44 Tana iti tere la pa ke ɲonoono, tona tikilaala. Ke ambaiɲana, som sananɲana. Parei, ko worwooro matanmatanɲana ipiyooto kanda ɲonoono ambaiɲana sa be teke? Som. 45 Ina raraate men pizin tomtom. Wal ambaimbaiɲan na, tipiyotyooto mbulu ambaimbaiɲan ta imbotmbot la lelen na. Mi wal sananɲan na, tipiyotyooto mbulu sananɲan ta imbotmbot la lelen na. Pa ɲgar ta lelende bok pa, ta iwedet pa kwondo.

Tomtom ru tipo ruumu
(Mt 7:24-27)

46 “Parei ta niom kawatwaata yo be Merere, Merere, tamen kototo sua tio som?✧

47 Tomtom ta so imar tio mi ilenɲenɲ la sua tio mi itoto na, tomtom tina, ni pareiɲana? Ko aɲso yom pini.✧

48 Ni kembei tomtom ta iso ipo ruumu, mi ikel kitiimbi muriini ma isula kat ta raɲ na. Beso yaɲ mosoolo isu ma wo ipet mi itok ruumu tana, na irao imuzu na som. Paso, tomtom tana, ni ipo ruumu mbolɲana kat. 49 Tamen tomtom ta ni ilenɲenɲ sorok kalɲonɲ, mi itoto som, ni kembei tomtom ta ipo ruumu pa ke kaskas, mi iur sorok su toono. Tabe indeeɲe yaɲ biibi ma wo ipet, to loɲa men mi ruumu tana borok su lene, mi ka mburu ta boozomen porokporok ma imap.”

✧ 6:46: Yems 2:26 ✧ 6:47: Ro 2:13; Yems 1:22

7

*Yesu iurpe mbesoŋo ta ki biibi kizin malmal kan
(Mt 8:5-13)*

¹ Yesu ikam sua tana pizin tomtom ma imap, to imanġa ma ila pa kar Kapenaum. ² Mi tomtom ta ki Rom, ta imborro zin wal malmal kan tomtom lamata na, ni imbotmbot. Mi ni le mbesoŋo ambainġana ta, ta ni leleene pini ilip. Mi mbesoŋo tina, ni mete biibi ikami mabe imeete. ³ Tana indeeŋe biibi tana ileŋ Yesu uruunu, tona inġo zin kolman pakan kizin Yuda ma tila be tiso pa Yesu ma imar be iurpe mbesoŋo kini ma niini ambai. ⁴ Tana timar ki Yesu, mi titaŋroro i ma tiso: “Ou, ko irao be mar mi uulu tomtom tinġa. Pa ni tomtom ambainġana. ⁵ Ni iur kat leleene piti Yuda, mi ipo leyam lupġana muriini ta.”

⁶ To zinġan Yesu timanġa ma tila. Tigarau ruumu, mi biibi kizin malmal kan inġo wal kini pakan ma tila tiso pa Yesu. Tisombe: “Merere, biibi tiam iso pu ta kembei. Iso: ‘Mbuulu itum pa pai pepe. Pa nio tomtom ambainġoŋ som. Tana leleŋ be nu mar ruumu tio pepe. ⁷ Uunu tinġi tabe re, ituŋ irao aŋma som. Mi nio aŋurla ta kembei: Nu sombe ur sua men, na mbesoŋo tio ko niini ndabok. ⁸ Pa nio aŋute pa ituŋ. Nio ti aŋbot la zin bibip pakan kopon mbarman. Mi zin malmal kan pakan timbot la nio kopon mbarmaana. Tana sombe aŋso pa tinġi ma aŋso: ‘La!’ nako ila. Mi sombe aŋso pa tinġa: ‘Mar!’ nako imar. Mi sombe aŋso pa mbesoŋo tio: ‘Kam ta kembei.’ nako ikam.’ ”

⁹ Yesu ileŋ sua kizin tana na, imurur pa. To itoori mi iso pizin iwal ta titoto i na. Iso: “Nio aŋso kat

piom. Nio andeenje tomtom sa ki Israel ta urlanana kini imbol kembei wal taingi biibi kizin na som.”✠

¹⁰ Tona zin wal ta biibi tana ingo zin ma tila na, timiili ma timar ruumu. Tipet ruumu na, tire mbe-soonjo ki biibi tau, ni niini ambai ma imbotmbot.

Yesu ipei nora ta lutuunu ma imanga mini

¹¹ Aigule toro na, Yesu imanga ma ila pa kar Nain. Mi zin nanjan kini zinan zin iwal biibi tito i ma tila. ¹² Tila ma tigarau zaala kwoono ki kar, to tire wal pakan tisiņ uri ta ma tizem kar mi timar. Tomtom meetenana tana, ina ra, nora lutuunu ta itutamennana. Tabe iwal biibi ki kar tina, tigaabi mi zinan tipa ma timar.

¹³ Merere ire nora tana ma leleene isaana pini. To iso lae pini. Iso: “A barau, tan pepe!” ¹⁴ Mi ipa ma ila ma iteege ke ponana ta uri imbot sala na, to zin tomtom ta tisiņi na tun ma timbotmbot. Mi Yesu iso: “Nanjan, nio anso pu: Manga!”✠

¹⁵ To tomtom meetenana tana burup ma imanga, mi imbutul mi izzo sua. To Yesu ikami mi iuri ila ki naana.✠

¹⁶ Tabe motojana biibi ikam zin iwal, mi ti-wit Anutu uruunu ma tiso: “Wai, ingi ko Anutu kwoono zaananana ta imbotmbot mazwanda i. Ingi Anutu mataana ingal iti wal kini mi iuulu iti kek.”✠

¹⁷ Tana Yesu uruunu irak ma irao toono ta boozomen kizin Yuda mi kar zilhanzilhan tommini.

*Yoan ingo nanjan kini ma tila ki Yesu
(Mt 11:2-19)*

✠ **7:9:** Mt 15:28 ✠ **7:14:** Lu 8:54; Ngo 9:40 ✠ **7:15:** 1Kin 17:17+; 2Kin 4:32+ ✠ **7:16:** Lu 1:68,76, 24:19; Yo 4:19

¹⁸ Yoan nanḡaḡ kini tila ma tiso Yoan pa mbulu boozomen ta Yesu ikamam na. Tabe Yoan iboobo nanḡaḡ kini ru, ¹⁹ mi inḡo zin ma tila ki Merere be tiwi i ta kembei: “Ulaaḡa tabe imar i, ina nu tau? Som amsa tomtom toro sa?”

²⁰ Tana ziru tila ma tipet ki Yesu, to tiso: “Yoan ta yok kamḡana tomtom na, inḡo yam ma amar be amwi u: Ulaaḡa tabe imar i, nu tau? Som amsa tomtom toro sa?”✧

²¹ Indeeḡe mazwaana tana Yesu, ni iurpewe zin tomtom boozomen ta mete matakiḡa ikam zin na. Mi izirziiri bubuḡana sananḡan, mi iurpewe tomtom boozomen ta matan piḡḡan na, ma tire lele mini. ²² Tana Yesu ipekel wiḡana kizin ma isombe: “Uraata ta kerre mi sua ta keleeḡeḡe i, kimiili ma kala, to koso Yoan pa. Koso pini: Matan piḡḡan tire lele, mi narapeḡan tipa, kulin mbetmbeeteḡan na, kulin inḡeeze mini, talḡan munḡan tileḡe sua, meeteḡan timanḡa, mi uruunu ambaiḡana ilala pizin wal ta timbot ḡoobo na. ²³ Mi tomtom ta so leleene iwe ru pio som, mi ikiskis urlaḡana kini, nako menmeeni pa kampeḡana ki Anutu tabe ise kini i.”✧

²⁴⁻²⁵ Yoan ḡoḡana kini timiili ma tila, to Yesu iso pizin iwal biibi pa Yoan. Iso: “Indeeḡe ta niom kala lele bilimḡana be kere Yoan na, koso ko kere sokorei? Me wiini ta miiri ipamirri i? Som tomtom sa ta iru pa mburu ambaimbaiḡan? Ina som! Pa zin wal ta tirru pa mburu ambaimbaiḡan ta kadon bibip i, mi zin mbio uunu na, zin timbotmbot ruumu kizin king. Mi irao tizem murin ambaimbaiḡan tana na som. ²⁶ Lak! Kena kala be

✧ **7:20:** Mal 3:1 ✧ **7:23:** Yesa 29:18+, 35:5+, 61:1; Lu 4:18

kere sokorei? Anutu kwoono sa, na? Mi kelenj. Nio anso kat piom: Yoan tina, ni zaana ruk ten nana pa Anutu kwoono bizin ta boozomen. ²⁷ Ina ni ta tibeede ka sua pataanja kek ta kembei: ‘Re. Nio ko anso tomtom tasa be iwe kwonj. Mi ni ko imuungu mi iurpe zaala pu.’[☆]

²⁸ Nio anso kat piom. Wal boozomen ta nan bizin tipeebe zin su toono ti na, tasa zaana biibi ma ilip pa Yoan na som. Tamen tomtom sorokjana sa, isombe ikilaala kat peeze ki Anutu mi imbot lela, na ni ilip pa Yoan.”

²⁹ Tomtom ta munjana men zijan zin wal ta tiyyo takesjan i, tilen sua tana na, tikam ngar pa mi tiso: “O Anutu, mbulu kini, ina indeenje men.” Pa zin tiurla sua ki Yoan mi tikam yok kek.[☆]

³⁰ Tamen zin tutu kan mi zin ngarjan ki tutu na, titit uraata ta Anutu isombe ikam pizin. Pa tiurla sua ki Yoan som, tana tikam yok som.[☆]

³¹ Yesu ikam sua tooronana ma iso: “Ingi ko anso parei pizin wal ta koozi timbotmbot i? Wal ti pareijan? ³² Zin kembei pikin ta timbutultul isu kar keteene, mi tiboboobo la pa waen bizin ma tiso:

‘Niam amse kombom piom,
mi niom karak som.
Mi ambo lelanj,
mi niom katanj som.’

³³ “Pa Yoan, ta yok kamjana ka tomtom na, ni imar na iwinin baen som mi igabgaaba zin tomtom pa kini biibi kanjana som. Mi niom leleyom

[☆] 7:27: Mal 3:1; Mk 1:2 [☆] 7:29: Lu 3:12 [☆] 7:30: Mt 21:32

pini som, mi kosombe ni bubuᅇana sananᅇana izeebi. ³⁴To Tomtom Lutuunu imar mi ikanan ma iwini. Tamen niom leleyom pini som tomini, mi kosombe: ‘Inᅇi to tau igabgaaba zin wal sananᅇan mi zin tau tiyyo takesᅇan i, mi ziᅇan timbel kini kanᅇana mi baen winᅇana’.*

³⁵Tamen Anutu ᅇgar kini, ina biibi mi indeeᅇe men. Tana zin tomtom ta titoto ᅇgar ki Anutu na, zin tikilaala kembei ᅇgar tana, ina indeeᅇe men.”

Mbulu ta tomtom tutu kana ta mi moori sananᅇana ta tikam pa Yesu

³⁶Zin tutu kan, tomtom kizin ta, zaana Simon, iso pa Yesu be ila ruumu kini ma ziᅇan tikan kini. Yesu ila ma ziᅇan mbulen su pa kini kanᅇana.*

³⁷Moori ta ki kar tana, ni moori sananᅇana. Ileᅇ kembei Yesu imbotmbot la ruumu ki tomtom tana pa kini kanᅇana, to ikam ᅇgere kuziiniᅇana mi ila.

³⁸Ila to mbuleene isu ta Yesu kumbuunu uunu, mi itanᅇan ma mata luluunu itoptop se Yesu kumbuunu. Mana imus pa ute ruunu, mi imbeᅇbeᅇe pini. To isu na, iliᅇ ᅇgere kuziiniᅇana ise Yesu kumbuunu.

³⁹Ruumu katuunu ta iboobo Yesu ma ila na, ni ire mbulu tina, to iso pa itunu. Iso: “Wai, sombe tomtom tiᅇi, ni Anutu kwoono ᅇonoono, so ikilaala moori ta itekteegi na kek. Pa ni sa moori sananᅇana na.” ⁴⁰Yesu isu mi iso: “Simon, nio leᅇ sua ri tabe anᅇo pu.”

Simon iso: “Mos katuunu, so lak!”

⁴¹To Yesu iso: “Tomtom ru tila ki tomtom ta, mi tikam mbun la kini. Ta ikam pius tomtooru laamuru, toro ikam pius lamata. ⁴²Tamen kaimer

* **7:34:** Lu 5:29+, 15:1+ * **7:36:** Lu 11:37

ziru len pat sa be tikot som. To tomtom tana imuᅇai ziᅇ, mi iyembut mbun kizin ma imborene. Lak, wal ru tana, iᅇgoi ko leleene pa tomtom tana ilip?”

⁴³ Simon iso: “Inako tomtom ta ikam mbun biibi mi koron katuunu imuᅇai i na.” Mi Yesu iso: “Ambai, nu so kat.”

⁴⁴ To itoori ma kereene ila ki moori tau, mi iso pa Simon: “Lak, nu so pio, ta aᅇmar ruumu ku ti. Tamen nu kam leᅇ yok sa be aᅇguuru kumbuᅇ? Som. Mi re moori ti. Ni iᅇguuru kumbuᅇ pa mata luluunu mi imus pa ute ruunu.”

⁴⁵ Mi nu mbenᅇbeeᅇ pio som. Mi ni na, imbeli. Pa indeeᅇ ta aᅇle aᅇbot ti na, ni imbenᅇbeeᅇ pa kumbuᅇ mi inoknok men i. ⁴⁶ Mi nu liᅇ ᅇgere risa isala uteᅇ som. Tamen ni na, iliᅇ ᅇgere kuziiniᅇana ise kumbuᅇ.”

⁴⁷ “Tana nio aᅇso pu. Nonoono, moori ti sanaana kini biibi. Tamen sanaana kini ta boozomen, nio aᅇreege ma imap lup. Tanata ni iur kat leleene pio. Mi ni ta indemeere ma isombe le sanaana musaari, inako iur kat leleene pio som.”

⁴⁸ To Yesu iso pa moori tana: “Sanaana ku ta boozomen, nio aᅇreege kek.”

⁴⁹ Tabe wal ta ziᅇan tikanan na, tikam ᅇgar boozo ma tiso: “To ti, ni asiᅇ ta iso ni irao be ireege sanaana?”

⁵⁰ Mi Yesu iso pa moori: “Urlaᅇana ku ta ikamke u kek. La raama lelem ambai.”

☆ **7:44:** Un 18:4 ☆ **7:46:** Mbo 23:5 ☆ **7:47:** Mbo 32:1 ☆ **7:48:** Mt 9:2; Mk 2:5+; Lu 5:20+ ☆ **7:49:** Mt 9:3; Mk 2:7 ☆ **7:50:** Mt 9:22; Mk 10:52; Lu 17:19, 18:42

8

Zin moori ta tigabgaaba Yesu bizin ma ziŋan tiwwa

¹ Kaimer mana, Yesu imanŋa pa pai mini. Ila kar ta, ikam uruunu ambainŋana pizin pa peeze ki Anutu maŋiŋ, to ila kar toro. Ta kembei mi iwwa pa kar bibip mi kar munmun ta boozomen, mi izzo zin pa uruunu ambainŋana. Mi nanŋaŋ kini laamuru mi ru, ² ziŋan zin moori pakan ta Yesu iziiri bubuŋana sananŋan mi mete ma iko pizin na, tigabgaabi ma ziŋan tila. Zin moori tana zan ta kembei: Maria ki Magdala (ni ta Yesu iziiri bubuŋana sananŋan lamata mi ru ma tiko pini na), ³ Yoana ta kusiini Kuza na (Kuza tana, ni iuluulu Erot pa uraata pakan), to Susana, mi zin pakan tomini. Zin moori tana ra, tiuluulu Yesu ziŋan nanŋaŋ kini pa kan kini ma len koronŋ pakan.✧

*Sua tooronŋana pa kini iweniwen tiyaaranŋana
(Mt 13:1-9; Mk 4:1-9)*

⁴ Mazwaana ta, iwal biibi kizin karkari timar-mar ki Yesu be tilenŋ sua. Mi ni ikam sua tooronŋana taŋgi pizin. Isombe:

⁵ “Lwoono ta na, tomtom ta, ni ikam kini iweniwen mi ila mokleene kini be itiyaara. Itiyaryaara ma ila na, pakan titoptop su zaala keteene ma tomtom tipadagdaaga, mi man timar ma tire su pa, to tiŋa kan ma tila. ⁶ Mi pakan titoptop su toono ta ranŋ biibi imbot meleebe na. Tabe tindom ma tise ma timetmeete. Pa toono kerekereŋana mi ka yok somŋana. ⁷ Mi pakan na, titoptop su lele ta worwooro matanmatanŋan tindomdom pa

✧ 8:3: Mt 27:55

i. Beso worwooro tindom na, tikaukau kini tana ma isaana kat. ⁸ Mi pakan na, titoptop su toono ambainjana. Tana titum ma tise mi tipiyooto nonon boozo kat kembei tomtolamataja.”

Yesu ikam sua toorojana tana makin, to kaljana biibi ma isombe: “Niom so talnoyom, na kelej sua ti mi kakam ngar pa.”

⁹ To nanjan kini tiwi i pa sua toorojana tinji unu.

*Unu ta Yesu ikamam sua ila sua toorojan
(Mt 13:10-17; Mk 4:10-12)*

¹⁰ Mi Yesu iso: “Peeze ki Anutu na, ka unu turkenjana. Mi inji Anutu isombe ipeeze ngar tana ma imbot mat piom. Mi zin pakan na, tilenjen sua kini la sua toorojana men. Tabe Matan irre, mi tikilaala som. Mi taljan ilenjen, tamen tikam kat ngar pa ka unu som.✧

*Yesu ipeeze sua ta ni itooro pa kini iweniwen
tiyaaranana
(Mt 13:18-23; Mk 4:13-20)*

¹¹ “Mi sua toorojana tinji, ina ka unu ta kembei: Kini iweniwen, ina Anutu sua kini.✧

¹² Mi iweniwen ta titoptop su zaala keteene na, ina ise kizin wal ta tilen sua. To Sadan lonja imar mi itatke sua ta imbot la lelen na. Kokena tiurla, to Anutu ikamke zin. ¹³ Mi pakan ta titoptop su toono ta ran biibi imbot meleebe na, ina ise kizin wal ta tilen sua ki Anutu, mi nin se mi menmeen zin pa. Tamen sua tina isula kat lelen som. Tana tiurla pa mazwaana rimen, mi sombe

✧ **8:10:** Yesa 6:9+; Ngo 28:26; Ro 11:8 ✧ **8:11:** 1Pe 1:23

toombonjana sa indeenje zin, to karau men mi tizem urlanana kizin. ¹⁴ Mi kini iweniwen ta titoptop su lele ta worwooro matanmatanjan tindomdom pa i, ina ise ki zin wal ta tileŋ sua ki Anutu, mi tamen tikam nŋar biibi mete pa patajana ta izze kizin i, mi koron matakiŋa ki toono ipalpaala matan. Tabe koron soroksorok tina ikaukau zin, ma urlanana kizin ipiyooto nŋonoono ambainjana sa som.✠

¹⁵ Mi iweniwen ta titoptop su toono ambainjana, ina zin tomtom ta lelen ngeezenan. Tana tileŋ sua ki Anutu, mi tiur kat lelen pa, tikiskis ma imbol pizin, mi timender mboljana, mi tipiyooto ka nŋonoono.”✠

Sua tooronjana pa lam
(Mk 4:21-25)

¹⁶ Yesu iseenge sua kini ma iso: “Parei, sombe tutun lam sa, ko tukutunkaala pa kuuru, som tuur lela mbalia kopo mbarmaana? Som. Iti tuurur se kor. Naso iur mat pizin tomtom ta tile ruumu na.✠

¹⁷ Pa koron zukŋan ta boozomen, inako kaimer tipeeze ma borok su. Mi koron turkenan ta boozomen, ko tiswe ma timbot mat lup.✠

¹⁸ Tana kunŋun talŋoyom kat mi kakam nŋar pa sua ta kelenleŋ i. Paso, tomtom ta sombe ikam nŋar pa sua ki Anutu mi ikam ka uraata, nako Anutu ikam le nŋar pakan ma isala ki. Tamen tomtom ta sombe indemeere sorok kembei ni irao pa sua ki Anutu, mi ikam ka uraata som, ina nŋar kini

✠ **8:14:** 1Tim 6:9-17; 2Tim 4:10 ✠ **8:15:** 1br 10:36; Yems 1:25

✠ **8:16:** Mt 5:15; Lu 11:33 ✠ **8:17:** Mt 10:26; Lu 12:2

musaari tina, Anutu kola itatke pini, mi ni imbot sorok.”☆

Yesu naana mi toŋmatiziŋ kini

(Mt 12:46-50; Mk 3:31-35)

¹⁹ Indeeŋe tana, Yesu naana mi tiziini bizin timar mi tisombe tire i. Tamen iwal biibi mete. ²⁰ Tabe wal pakan tila, to tisotaari. Tiso: “Ai, nom ma tizim bizin ta timendernder mat a, mi lelen be tire u.”

²¹ Yesu ipekel kwon ma iso: “Nio nanŋoŋ bizin mi tiziŋ bizin, ina zin wal tiŋgi ta tilenlen Anutu sua kini mi titoto ka mbulu.”☆

Yesu ipunmeete miiri ma duubu

(Mt 8:23-27; Mk 4:35-41)

²² Aigule ta na, Yesu isu to iso pa nanŋaŋ kini. Iso: “Ouo, tamanga mi takam woŋgo mi talae mbaaga.” Tana baram sala woŋgo ta, mi tipet ma tila. ²³ Tiyaara ma tila, mi Yesu mata ŋenŋeene. Tabe isu ma ikeene. Tilala mi molo som na, miiri ipol. To ipei duubu ma lele isaana kat. Mi tai borokborok sula woŋgo leleene mabe timon.

²⁴ Tabe nanŋaŋ kini tila ma tipai Yesu. Tiso: “Wai biibi, iŋgi be tusula lende i.” To Yesu imanga, mi iŋasaara la pa miiri ma duubu. To taun isu. ²⁵ Mi Yesu isu to iso pizin nanŋaŋ kini. Iso: “Parei ta niom loŋa mi kezem urlaŋana tiom?”

Mi nanŋaŋ kini, motoŋana biibi ikam zin mi tikam ngar boozo. To tiparwwi zin ma tiso: “Wai, tomtom tiŋgi, ni pareiŋana, ta iur sua, mi miiri ma duubu tomini tilenlen la kalŋaana.”☆

☆ **8:18:** Mt 13:12, 25:29 ☆ **8:21:** Yo 15:14+; Ro 8:29; Ibr 2:11+

☆ **8:25:** Mbo 65:7, 89:9, 107:29

*Yesu iziiri bubuḡana sananḡana pa tomtom ta
(Mt 8:28-34; Mk 5:1-20)*

²⁶ Tona le isala mini, mi tiyaara ma tila tipet lele pakaana ki Gerasa, ta imbot la tai Galilea pakaana mbaaga na. ²⁷ Tila ma sor lela, to Yesu ilu i su peende ma ila. To tomtom ta ki kar tana ikonḡuru i ma imar. Tomtom tana, ni bubuḡana sananḡan tizeebi ta muḡgu kek mi imar. Ni irru pa mburu som, mi imbotmbot la ruumu som. Mi muriini na, raḡ sumbunsumbun ta tiurur zin wal meeteḡan tilelala na.

²⁸⁻²⁹ Ire Yesu, to iyak mi ila itop su Yesu kereene uunu. Tona Yesu iur sua pa bubuḡana tana be iyooto pini. Mi ni kalḡaana izalla ma iso: “Aii, Yesu, Anutu kor kana Lutuunu, inḡi ko kam parei pio? Nio aḡtaḡroro u. Seeze motoḡ pepe.” Tomtom tana, gorgori ta sombe bubuḡana sananḡana imaḡa pini, to tomtom tiwwo kumbuunu ma namaana pa re mi sen be tikisi ma iur niini. Tamen ni inin koronḡ tana som. Iyatutut ma tizzu len, mi bubuḡana sananḡana ipirie i ma ikowo ma ila ne pa lele bilimḡana.✧

³⁰ To Yesu iwi i. Iso: “Ai, nu zom asiḡ?” Ni ipekel ma iso: “Nio zonḡ Legion. Pa inḡi niam iwal kat.” Ni iso ta kembei paso, bubuḡana sananḡan ta tiloondo pini na, wal sorok som. ³¹ To titaḡroro Yesu be iziiri zin ma tila timbot sula naala ta usomḡana i pepe.✧

³² Lele tina na, ḡe uunu biibi kat ta tikanan sala abal zilḡaana ma timbotmbot. Tana bubuḡana sananḡan tina titaḡroro Yesu be iyok pizin, mibe tila tiru pizin ḡe. ³³ Ni iyok pizin, to tiyooto pa

✧ **8:28-29:** Mt 25:41; Yems 2:19 ✧ **8:31:** Tur 9:2

tomtom tana, mi tila ma tiru pizin nge. To nge tana tiparkamtoto zin ma tila pa yok tatiliuḡana kezeene, to tizirir pa dogo ma tisula, mi tiwin katkat yok ma timetmeete lup.

³⁴ Zin wal ta timborro ngeḡan i, tire mbulu tina, to tiko ma tila mi tizzo uruunu pizin tomtom ta boozomen ma irao kar ma ila. ³⁵ Tabe tomtom timeke ma timar be tire kat mbulu ta ipet na. Tipet ki Yesu na, tire tomtom ta bubuḡana sananḡan tiko pini na, nḡar kini ambai mini, mi izeebi pa mburu, mi imbutultul su Yesu kumbuunu uunu ma imbotmbot. Wal tina tire i na, motoḡana ikam zin. ³⁶ To zin wal ta timbotmbot mi tire kat mbulu tana pa matan na, tipit mbol pa uraata ta Yesu ikam pa tomtom tana ma iwal tileḡ. ³⁷ To zin tomtom ki lele tana, motoḡana biibi kat ikam zin lup. Tana timanḡan Yesu be izem zin mi ila ne. Tana Yesu ziḡan nanḡan kini tisula ma tise woongḡo be timiili ma tila.

³⁸ Som, mi tomtom ta zin bubuḡana sananḡan tiko pini na, imar to ikam biluunḡu be ziḡan Yesu tila. Tamen Yesu iyok pini som, mi iso pini ta kembei. Iso: ³⁹ “Som. Miili ma la kar ku, mi so zin pa uraata biibi ta Anutu ikam pu na.” Tana ni imiili ma ila, mi izzo uraata ta Yesu ikam pini na, uruunu ma irao kar.

Yesu iurpe moori ta, mi ipei Yairus lutuunu moori ma imanḡa mini

(Mt 9:18-26; Mk 5:21-43)

⁴⁰ Zin iwal biibi tire Yesu imiili, to menmeen zin biibi mi tikami. Pa tizza i tau. ⁴¹ Mi molo som na, tomtom ta imborro lupḡana muriini na, zaana Yairus, ni imar ma itop su Yesu kumbuunu uunu,

mi itañroro i be ziru tila ruumu kini. ⁴² Pa lutuunu moori ikamam be imeete. Lutuunu moori tana, ni itutamenjana, mi ndaama kini irao kembei laamuru mi ru.

Yesu iwwa ma ila, mi iwal biibi tikuuti mi tiparzalla pizin ma zijañ tila. ⁴³ Tiwwa ma tila mi tindeene moori ta. Ni mete kizin moori ikisi pa ndaama laamuru mi ru kek, mi tomtom sa irao be iuuli i na som. ⁴⁴ Tana ni itokelkeele Yesu ma ila, mi iteege lae pa mburu kini kwopiriini. To loña men mi mete kini imap.

⁴⁵ To Yesu iwi zin. “Wai, asiñ iteege yo?” Mi zin tiso: “E-e, niam som.” To Petrus isu ma iso: “Mos katuunu, ina tomtom sa ko isala pu ma ingi. Pa ingi iti iwal biibi.”

⁴⁶ Tamen Yesu iso: “Soom. Tomtom sa iteege yo kek. Pa anyamaana kembei mburoñ ri izem yo.”

⁴⁷ Tana moori ire kembei le zaala sa be iwatkaala itunu na som. Tabe kete kutkut mi ila, to itop su Yesu kumbuunu uunu, mi iso pa uunu ta ni iteege ma zin iwal tileñ. Mi iso zin tomini pa Yesu mburaana tau ikam ma mete kini loña men mi imap. ⁴⁸ To Yesu isu na iso pini. Iso: “Luñri, urlañana ku ta iuulu u ma nim ambai. La raama lelem ambai.”

⁴⁹ Yesu izzo sua pini ma imbotmbot, mi tomtom ta, ni imbot ruumu ki Yairus mi imar. To iso lae pa Yairus ma iso: “Ou kolman, segeede sorok tomtom biibi tana ma ila ruumu ku pepe. Pa lutum moori ipas kek.” ⁵⁰ Yesu ileñ na, iso lae pa Yairus: Iso: “Moto pepe. Kis urlañana ku. Lutum moori ko imañga mini. Pa nio añbotmbot.”

⁵¹ Tila tipet ruumu ki Yairus, to Yesu iziiri zin wal ma tiyooto lup, mi ikam Petrus, Yoan, Yems,

mi pikin tamaana ma naana. Ina zin men ta zinan tilela ruumu. ⁵² Indeeŋe tana na, tiŋiizi isu ma isaana pa morri tau. Yesu isu to iso pizin. Iso: “Kataŋ pepe. Ni imeete som. Inga sa ikeene na.”✧

⁵³ Tileŋ sua kini tana na, tiseeŋge pini. Pa zin tiute ni ipas kek. ⁵⁴ Mi Yesu ila, to iteege su pa namaana, mi kalŋaana biibi ma iso: “Morri, maŋga.”✧

⁵⁵ To bubuŋana iru pini mini, mi burup ma imanŋa pataaŋa. Mi Yesu iso pizin be tikam ka kini ma ikan. ⁵⁶ Morri tana naana ma tamaana tire uraata tana ma ŋgar kizin imap. Tamen Yesu inŋalsek pizin be tiso uruunu pizin tomtom ma tileŋ pepe.✧

9

Yesu inŋo zin nanŋaŋ kini laamuru mi ru pa uraata

(Mt 10:1-15; Mk 6:7-13)

¹ Kaimer mana Yesu ilup zin nanŋaŋ kini laamuru mi ru, mi iur zin pa uraata, mi ikam len mburan be tiziiri bubuŋana sananŋan ta boozomen mi tiurpe zin tomtom pa mete kizin.

² Mi inŋo zin ma tila be tisoyaara sua pizin tomtom pa peeze ki Anutu, mibe tiurpe zin metenŋan ma nin ndabok. ✧

³ Mi iso pizin ta kembei: “Kala, na kapa raama mburu boozo pepe. Tana koron kembei tete, pelpeele, kini, pat, mi mburu keeneŋana na, kakam pepe. ✧

✧ **8:52:** Yo 11:11+ ✧ **8:54:** Yo 5:21, 11:43; Ro 4:17 ✧ **8:56:** Lu 5:14 ✧ **9:2:** Mt 28:19+; Mk 16:15+ ✧ **9:3:** Lu 10:4

⁴ Mi sombe kala pa kar sa mi tiur yom pa ruumu tasa, na kombotmbot ruumu tina men ma irao kezem kar tana. ⁵ Mi sombe kar sa tikam yom som, mi titit yom, na kitirke ululu kizin pa kumbuyom ma isu lene, mi kezem zin ma kala leyom. Naso iwe kilalan pizin pa sanaana kizin.” ✧

⁶ Iso pizin makin, to tila ma tiwwa pa kar ta boozomen, mi tizzoyaryaara uruunu ambainjana pizin tomtom, mi tiurpewe zin pa mete kizin.

Erot ikam ngar boozo pa Yesu

(Mt 14:1-2; Mk 6:14-16)

⁷ Erot, biibi ta imboro lele pakaana ki Galilea na, ileŋ Yesu uruunu pa uraata ta ni ikamam na, to ikam ngar boozo pa. Pa tomtom pakan tiso ta kembei: “Inga Yoan ta imeete ma ila, ta ko burup ma imanga mini a.” ⁸ Mi pakan tiso: “Soom. Inga Anutu kwoono Ilia ta ipet mini a.” Mi pakan tisombe: “E-e. Inga ko Anutu kwoono toro sa ta imeete munŋu kek mi imanga mini a.” ⁹ Tamen Erot itunu iso: “Yoan na, nio anyembut ngureene ma put kek. Mi inŋi asiŋ toro mini ta anlenlen uruunu i?” Tabe irru zaala be ire i. ✧

Yesu iputu tomtom munjana lamata (5,000)

(2Kin 4:42-44; Mt 14:13-21; Mk 6:30-44; Yo 6:1-13)

¹⁰ Kaimer to Yesu ngojana kini timiili ma zinan Yesu tilup mini, mi tiwidit mbol pa uraata boozomen ta tikamam na. Tona ni ikam zin ma zinan tiko ma tila pa lele pakaana ki kar Betsaida bekena zin men timbotmbot. ¹¹ Tamen iwal biibi tilen urun, to tito zin. Mi Yesu, ni leleene ambai

✧ 9:5: Lu 10:4+; Ngo 13:51 ✧ 9:9: Lu 23:8

pizin iwal biibi tana, mi izzo zin pa peeze ki Anutu, mi iurpe zin metenjan kizin ma nin ndabok.

¹² Timbotmbot ma lele ikamam be rou, to nanganj kini tila kini mi tiso pini. Tiso: “Biibi o, so pizin iwal ti be tila pizin kar ta kolouloungan ti, ma tiru kan kini mi tiru murin be tikeene. Pa re. Ingi tombot lele ta ka kini somnana i.”

¹³ Mi Yesu iso pizin. Iso: “Soom. Niom ituyom kakam kan kini ma tikan.”

To tiso: “Wai, niam ti amrao be amputu zin iwal tingi? Wal ti sorok? Niam ingi narabu tiam zaraaba lamata men, raama ye luluunu ta. Parei, nu sombe amla mi amgiimi kan kini?” ¹⁴ Tiso ta kembei paso, wal tana, tinin zin tomooto men ma irao kembei munnaana lamata (5,000).

Tona Yesu iso pizin: “Kuur zin tomtom ma irao tomtooru laamuruja pa uunu uunu.”

¹⁵ Tana tila ma tiur zin makinj, tona tiso pizin iwal biibi tana ma mbulen su. ¹⁶ To Yesu ikamam ye luluunu ta mi narabu zaraaba lamata tana, mi mataana isala kor, mi isunj. To itete mi izarra la kizin nanganj kini, mi tila ma tirai pizin tomtom.

¹⁷ Mi zin iwal tikan ma kopon isaana. Mi surun-surun ta imbotmbot na, nanganj kini tiyo sula kiri laamuru mi ru ma bokbok.

*Petrus iswe kat kembei Yesu ni Mesia
(Mt 16:13-20; Mk 8:27-30)*

¹⁸ Aigule ta na, Yesu itutamen ikamam sunnana kini. Mi nanganj kini na, timbotmbot raami. To isu na iwi zin: “Lak, nio ti, tomtom tikam ngar pio be parei?”

¹⁹ Nanganj kini tipekel kalnaana ma tiso: “Wal pakan tisombe nu Yoan ta munju ikamam yok

pizin tomtom na. Mi pakan tisombe nu Anutu kwoono Iliia. Mi pakan tisombe nu Anutu kwoono toro sa ta munġu imeete ma ila kek, mi ingi imanja mini.” ✧

²⁰ To Yesu iwi zin mini mi iso: “Mi niom na, koso nio asiġ?” Petrus imanja ma ipekel kaljaana ma iso: “Nu Mesia tau. Anutu inġo u ta mar.” ✧

²¹ Tana Yesu isu to kwoono imbol pizin be tiswe i la ki tomtom toro sa pepe.

Yesu iso pa meetenana kini
(Mt 16:21-23; Mk 8:31-33)

²² Tona Yesu iso: “Tomtom Lutuunu, ni bela ibaada patajana boozo mi ire yoyoujana biibi. Pa zin peeze kan, zinan zin bibip kizin patoronjana kan, mi zin ngarjan ki tutu, ko tititi. Mi ko tipuni ma imeete. Tamen mbenj iwe tel pa, to Anutu ipei i ma burup ma imanja mini.”

Zaala tabe toto Yesu pa
(Mt 16:24-28; Mk 8:34-9:1)

²³ Mi Yesu iso pizin iwal ta kembei. Iso: “Tomtom sa isombe igaaba yo ma iwe lej, na bela ikoto itunu, mi ikwaara ke pambaaranjana kini pa aigule ta boozomen, mi ito yo.” ✧

²⁴ Pa tomtom sa isombe ikam ngar biibi pa itunu kuliini men, inako ikam mbotjana njoono ta ki Anutu i som. Mi tomtom sa isombe izem kat itunu pio, inako ikam mbotjana njoono ta ki Anutu i. ✧

²⁵ Mi parei? Sombe tomtom sa ikam koron toono kana ta munjaana men ma imap, mi tamen itunu kunuunu ila lene, ko ambai? Som.

✧ **9:19:** Lu 9:7+ ✧ **9:20:** Yo 6:68+, 11:27 ✧ **9:23:** Mt 10:38; Lu 14:27 ✧ **9:24:** Mt 10:39; Lu 17:33; Yo 12:24+

26 “Tomtom sa sombe imoto, mi iwatkaala nio zoŋ mi sua tio ila tomtom matan, na indeeje ta so Tomtom Lutuunu ziŋan zin aŋela mburanŋan timiili, mi iswe itunu mburaana mi azuŋka kini biibi, ramaki Tamaana mburaana ma ipet mat, na ni ko iwatkaala tomtom tana zaana tomini. ☆

27 “Mi kelenj. Nio aŋso kat piom: Tomtom tiom pakan ta itiŋan tombotmbot i, ko kemeete zen, mi kere Anutu peeze kini ipet mat.”

*Yesu ruŋguunu itooro ma iwe milmilŋana
(Mt 17:1-8; Mk 9:2-8)*

28 Yesu iso sua tana ma imap, mi aigule lamata mi tel ilae, to ikam Petrus, Yoan, mi Yems ma ziŋan tisala pa abal be tisunj. 29 Yesu izuŋzuŋ ma ilala, mi ruŋguunu itooro mi mburu kini iwe kokouŋana mi imilmil kat. 30-31 To molo som mi tomtom ru, Mose mi Ilia, tipet kini raama azuŋka. Mi ziŋan tizzo pa uraata ta Anutu iur pini be ikam su Yerusalem mi zaala tabe izem toono ma isala mini pa saamba i. ☆

32 Mi Petrus ziŋan waene bizin na, matan ikam sanaana zin ma tikeenemeete. To timaŋga ma matan ikam pak na, tire azuŋka ki Yesu, mi wal ru ta ziŋan Yesu timendernder na. ☆

33 Timbotmbot mi wal ru tana tikamam be tizem Yesu to, Petrus imaŋga mi iso la pa Yesu. Iso: “Wai mos katuunu, iŋgi ambai kat. Pa itiŋan ta tombotmbot i. Mi parei, ko ampo beeze tel sa? Ta pu, ta pa Mose, mi ta pa Ilia?” Sua ti ni iso sorok.

☆ **9:26:** Mt 10:33; Lu 12:9; 2Tim 2:12 ☆ **9:30-31:** Lu 9:22, 13:33

☆ **9:32:** Kam 34:29; Yo 1:14; 2Pe 1:16+

³⁴ Petrus izzo sua, mi miiri tieene isu ma izukkaala zin. Tabe motonjana biibi ikam zin. ☆

³⁵ To tileŋ kalŋaana ta imbot lela miiri tieene mi imar ma iso ta kembei. Iso: “Lutuŋ tamen ŋonoono ta aŋroogi mi aŋuri pa uraata ta tina. Kelen la kalŋaana!” ☆

³⁶ Sua tana imap, mi zin naŋgaŋ matan ila na, tire Yesu itutamem imbotmbot. Mi uraata biibi ta tire na, loŋa mi tiso uruunu pa tomtom sa som. Timbotmbot ma kaimer mana tiso.

*Yesu iziiri bubuŋana sananŋana pa naŋgaŋ ta
(Mt 17:14-20; Mk 9:14-29)*

³⁷ Timbotmbot ma aigule toro, to tizem abal mi timiili mini ma tisula. Mi tise kizin iwal biibi ta timar be tire i. ³⁸ To tomtom ta, ta imbotmbot la iwal biibi tina lelen na, ni itaŋroro Yesu ma iso: “Mos katuunu, re. Ingi lutuŋ tamen ŋonoono ta ti. ³⁹ Ni, bubuŋana sananŋana ikamami. Re beso koron tana imanŋa pini, to ipalkeeti su toono, mi iyakyak ma biibi. Mi ikadat mi ka toptoobo izzu. Tana ipasaana kati. Mi izemzemi som. ⁴⁰ Tana aŋtaŋroro zin naŋgaŋ ku be tiziiri bubuŋana tana ma ila ne. Tamen titoombo ma tirao som.”

⁴¹ To Yesu iso: “Aiss, niom wal ta koozi kombotmbot i, ko som kat! Leyom urlaŋana sa som. Niom zorzooroŋoyom kat. Itiŋan tembel mbotŋana kek. Tana aŋso ko ŋgar tiom ipet risa? Mi inŋi som. Ambai. Kam lutum ma niomru kamar.”

⁴² Naŋgaŋ tana iwwa ma imar, mi bubuŋana sananŋana tana imanŋa pini mini ma ipalkeeti su toono mi ikadat. Mi Yesu inŋasaara bubuŋana sananŋana tana, to izem naŋgaŋ tana mi iyooto. Mi

☆ 9:34: Kam 40:34+ ☆ 9:35: Mbo 2:7; Yesa 42:1; Lu 3:22

ni iurpe i ma niini ndabok, mi iuri la ki tamaana mini. ⁴³ Tabe ikam ma zin iwal sua kizin imap. Pa timurur pa Anutu mburaana tau.

*Yesu iso mini pa meetejana kini ma iwe ru pa
(Mt 17:22-23; Mk 9:30-32)*

Zin iwal tikamam ngar boozo pa uraata ta Yesu ikamam na, mi Yesu iso pizin nanganj kini ta kembei. Iso: ⁴⁴ “Kozo kopo sua tio ti ise ndomoyom. Tomtom Lutuuu, ni ko tikami ma tiuri la tomtom pakan naman be tipuni ma imeete.” ☆

⁴⁵ Tamen nanganj kini, tikilaala sua kini tana ka uunu som. Pa ike pizin. Mi lelen be tiwi i som. Pa timoto. ☆

*Asinj ta ni zaana biibi ma ilip?
(Mt 18:1-5; Mk 9:33-37)*

⁴⁶ Timbotmbot mi nanganj kini timanga na, tiparzooro pa kizin asinj ta ko zaana biibi ma ilip. ☆

⁴⁷ Mi Yesu ikam la pa ngar kizin kek. Tana ikam nanganj musaana ta ma imar imender su ziljaana uunu, ⁴⁸ mi iso pizin: “Tomtom sa isombe ikam pikin tingi mi imbeeze pini pa nio zon, na ni imbeeze pio tau. Mi tomtom ta sombe imbeeze pio, na ni imbeeze pa Ni ta ingo yo ma anjar i tomini. Tana tiom tasa isombe ikoto itunu ma iwe kembei mbesoojo sorok, ina ni ta zaana biibi kat.” ☆

*Tomtom ta so iwe kanda koi som, na ni iwe
gaabananda
(Mk 9:38-40)*

☆ **9:44:** Lu 9:22 ☆ **9:45:** Lu 18:34 ☆ **9:46:** Mk 10:35+; Lu 22:24+ ☆ **9:48:** Mt 10:40; Lu 10:16; Yo 13:20

49 Yoan ileŋ sua tana to iso: “Biibi, niam amre tomtom ta, ni izirziiri bubuŋana sananŋan pa nu zom. Mi ni igabgaaba iti som. Tana ampeteke i.”

50 Tamen Yesu iso pini: “E-e, kepeteke i pepe. Pa tomtom ta sombe iwe koyom koi som, na ni gaabanjoyom.” ✧

Zin Samaria kan tipizil ndemen pa Yesu

51 Yesu ka nol igarau kek be Anutu ikami ma isala pa kar saamba. Tabe leleene imet kat be isala pa Yerusalem. ✧

52 Mi iŋgo zin tomtom pakan ma timuŋgu ma tila kar ta ki Samaria be tiurpe koron pini.

53 Tamen zin tomtom ki kar tana lelen be tikami som. Paso, ni isombe isala pa Yerusalem. ✧

54 Mi nanŋaŋ kini ru, Yems mi Yoan tileŋ, to timanŋa mi tiso: “Merere, parei? Ko amso pa you ma isu pa saamba mi ikan wal tana?” ✧

55 Tamen Yesu itoori mi iyaamba lae pizin.

56 Tona ziŋan nanŋaŋ kini timanŋa mi tipa ma tila pa kar toro.

Wal pakan ta tiso tito Yesu

(Mt 8:19-22)

57 Tiwwa pa zaala, mi tomtom ta isu na iso pa Yesu. Iso: “Biibi, lele sa ta nu so la pa i, na nio ko anŋto u men.”

58 Mi Yesu iso pini: “Me sanŋanŋan na, len murin ta toono sumbuunu. Mi man na, len ŋgini. Tamen Tomtom Lutuuu, ni le muriini sa be imbot pa mi keteene su na som.” ✧

✧ 9:50: Mt 12:30; Lu 11:23; 1Kor 3:1-9 ✧ 9:51: Nŋo 21:12+

✧ 9:53: Yo 4:9 ✧ 9:54: 2Kin 1:10+; Mk 3:17 ✧ 9:58: 2Kor 8:9; Pil 2:6+

59 Mi tomtom toro imar, to Yesu iso pini. Iso: “To yo.”

Tamen ni iso: “Biibi, parei? Ko irao anmiili, ma anjurke taman mataana munju, mana anjo u?”

60 Tamen Yesu iso pini: “Na som. Zin wal ta timbot la zaala ki meetejanana na, zin irao titwi zin meetejan. Mi nu la, mi soyaara sua pizin tomtom pa peeze ki Anutu.”

61 To tomtom toro imar kini mi iso: “Biibi, nio lelej be anjo u. Tamen anso anla ma ansotaara zin wal tio, mi niamjan amparteeye nomoyam munju, tonabe anmar anjo u.”

62 Tamen Yesu iso pini: “Som. Tomtom sa isombe iteeye peeze pa woongo, mi mataana imilmiili, inako woongo irao iko kat som. Tomtom ta kembei, ni irao be ikam uraata pa peeze ki Anutu na som.” ✧

10

Yesu ingo zin nanjanj tomtom tel laamuru mi ru (72)

1 Kaimer to Yesu ipeikat tomtom tomtom tel laamuru mi ru (72) tomen, mi iur zin se runja pa uraata be timuungu ma tila pa kar boozomen ta ni isombe ila pa i. ✧

2 Mi iso pizin ta kembei: “Kere. Kini metmetjana na, biibi kat. Tamen wal uraata kan tabe tikam na, zin rimen. Tana kusunj pa kini katuunu be ingo zin uraata kan pakan ma tila pa kini ngaamanana. ✧

✧ **9:62:** Lu 17:32; Pil 3:13+ ✧ **10:1:** Mk 6:7; Ngo 13:2, 15:39+

✧ **10:2:** Mt 9:37+; Yo 4:35

³ Niom kembei sipsip ta inġi be anġo yom ma kala kombot la me malmalġan mazwan. Tana sombe kala, na motoyom inġal ituyom.✠

⁴ Mi kapa raama kautu, som pelpeele, som kumbuyom keteene sa pepe. Mi sombe kese kizin tomtom su zaala lwoono, na koyo kwoyom pa sua boozo pepe.✠

⁵ “Mi ruumu ta sombe kala pa, na loġa mi kupumuunġu sua luumuġana pa ruumu katuunu bizin ma koso: ‘Anutu ko imboro yom ma kombot ambai.’ ⁶ Mi sombe ruumu katuunu ni tomtom ambaiġana, to pombolġana tiom ko imbotmbot se kini. Mi sombe som, nako imiili ma ima tiom mini. ⁷ Mi ruumu ta so kala pa, na kombotmbot men ruumu ta tina. Kapa pa ruumu pakan pepe. Mi kini ma yok ta so tikam piom, inako iwe leyom kadoono. Kakan mi kiwin men. Pa niom kakam uraata pizin tau.✠

⁸ Tana sombe kala kar sa, mi tikampe yom mi tikam koyom kini, na kepeleele pepe. Kakan men.✠

⁹ Mi kuurpe zin metenġan ki kar tina ma nin ndabok, mi koso pizin ta kembei. Koso: ‘Inġi peeze ki Anutu imar igarau yom kek!’ ¹⁰⁻¹¹ Tamen, sombe kala kepet kar sa mi tikam yom som, to kala kar keteene mi kitirke ululu ki kar tana pa kumbuyom, mi koso pizin: ‘Kere. Ululu tiom ta imbot la kumbuyam, ta inġi amtirke leyom koronġ ma isu lup. Pa inġi peeze ki Anutu imar piom, tamen kitit.’ ”✠

✠ **10:3:** Mt 10:16; Nġo 20:29; 1Kor 15:32 ✠ **10:4:** 2Kin 4:29; Lu 9:3+ ✠ **10:7:** Mt 10:10; 1Kor 9:11+; 1Tim 5:18 ✠ **10:8:** 1Kor 10:27 ✠ **10:10-11:** Lu 9:5; Nġo 13:51, 18:6

¹² To Yesu iseenge sua ma iso ta kembei: “Nio anso kat piom: Kar sa tisombe tikam ta kembei, na mbenj kaimer zin kola tikam patanjana ma ilip kat pa kar Sodom.”✠

*Yesu iyaamba zin kar ta tiurla kini som
(Mt 11:20-24)*

¹³ “Oora, niom Korazin koyom mi Betsaida koyom na, tembel yom kek! Mos bibip ta tipet su kar tiom na, kozobe zin wal matan munjan ki kar Tiro ma Sidon tire koronj ta kembei, so lelen ipata pa sanaana kizin ma tingun muungu pa, mi titooro lelen ta alok kek. ¹⁴Nio anso piom: Indeeje mbenj kaimer ma sombe Anutu iur kadoono pizin tomtom, na ni ko leleene imiili ri pizin. Tamen niom, nako som kat. ¹⁵Mi niom Kapenaum koyom na, niom kosombe Anutu ko iwit yom ma kasala kar saamba? Som!

Niom ko kusula kat ta kar sanaana a.”✠

¹⁶ “Niom wal ta kewe ngonjana tio na, tomtom sa isombe ilej la sua tiom, na ni ilej la sua tio. Mi tomtom ta so itit yom, na ni itit yo tau. Mi zin wal ta titit yo, ina zin titit Ni ta injo yo ma anjmar i.”✠

Zin tomtom tel laamuru mi ru timiili

¹⁷ Zin tomtom tomtom tel laamuru mi ru tila tipa pa sua makinj, to timiili ma timar raama lelen ambai mi tiso pa Yesu. Tiso: “Merere, sombe amur sua pizin bubunjana sananjan pa nu zom, na zin tomini tileljenj la kaljnyam!”

✠ **10:12:** Un 19:24+; Mt 10:15 ✠ **10:15:** Yesa 14:13+ ✠ **10:16:** Mt 10:40; Yo 13:20; 1Tes 4:8; 1Yo 4:6

18 Yesu isu to iso pizin. Iso: “Ingi kembei anre Sadan itop pa kar saamba mi isu karau men kembei ta lele ikimit i.”✠

19 Tana kelenj. Nio anjam leyom mburoyom bekena niom karao kapadaaga mooto sananjan mi zirkuumbu, mi kokoto Tomtom Sanaana mburaana. Tana kosa sa ko irao be ipasaana yom kat na som.”✠

20 Tamen niom menmeen yom pa bubunana sananjan ta tilenjen la kalnoyom na pepe. Pa uunu nonono tabe menmeen yom pa i, ina ta kembei: Zoyom tibeede se ro ki kar saamba kek.”✠

21 Yesu iso sua tana makinj, mi Bubunana Potomjana ikami ma leleene ambai ma ambai kat. Tana isu mi iso: “O Tamañ, nu Merere ki saamba mi toono, nio anpakuru. Pa koronj ta nu turke pizin wal ngarjan, ta inji swe pizin wal tau len ngar biibi som ma kembei ta zin pikin i. Tabe zin timbot mat pa. E Tamañ, mi ina nu to itum lelem tau.”✠

22 “Koronj ta munjana men, ta Tamañ iur mar nomonj kek. Tomtom sa kuliini irou kat Lutuunu som. Tamaana itutamen. Mi Tamaana ta kemberena. Tomtom sa kuliini irou kati som. Lutuunu itutamen, mi zin tau Lutuunu ipeikat zin be iswe Tamaana pizin. Ina zin men tina ta tiute i.”✠

23 Tona Yesu itoori ma kereene ila kizin nanjanj kini, mi iso lae pizin ma iso: “Niom ta kerre uraata ti na, leleyom ambai pa kampenjana ki Anutu ta ise tiom na!”✠

✠ **10:18:** Mk 3:27; Yo 12:31; Tur 12:7+, 20:2+ ✠ **10:19:** Mbo 91:13; Mk 16:18; Ro 8:37+; Njo 28:5 ✠ **10:20:** Kam 32:32; Dan 12:1; Mt 7:22; Pil 4:3; Ibr 12:23; Tur 3:5, 20:12, 21:27 ✠ **10:21:** 1Kor 1:20,26+, 3:18+ ✠ **10:22:** Mt 28:18; Yo 1:18, 3:35, 10:15, 17:26 ✠ **10:23:** Mt 13:16+

24 Pa nio anso kat piom: Mungu Anutu kwoono bizin mi zin bibip ki toono boozomen lelen ilip be tire koron ta niom kerre i. Tamen tire som. Mi lelen be tilej koron ta niom kelenjen i. Tamen tilej som.”✠

*Mbulu ambaijana ki tomtom Samaria ta
(Lu 18:18-30)*

25 Tomtom ta, ni le ngar biibi pa tutu, imaŋga mi iso itoombo Yesu. Tana ikam wiŋana pini ma iso: “Mos katuunu, ko ankam parei, to ankam mbotjana mata yaryaaraŋana?” 26 Mi Yesu iso pini. Iso: “Sua ta imbot la tutu na, paata na iso parei?”

27 To tomtom tana iso:
Ur lelem ila ki Merere Anutu ku, raama mburom mi ngar ku ma imap ma iwe ni lene men. Mi ur lelem pa waem bizin kembei ta lelem pa itum.”✠

28 Yesu ilej na iso pini: “Ambai, nu pekel kat. Kozo kamam ta kembena, to Anutu ikam mbotjana mata yaryaaraŋana pu.”✠

29 Tamen tomtom tina, ni leleene be tire i kembei mbulu kini indeenje kat pa tutu tina. Tana iso pa Yesu mini ma iso: “Wai, mi waen bizin zinjoitabe anur lelej pizin i?”

30 Yesu ipekel kwoono ma iso: “Kembei ta tomtom ta. Ni imbot Yerusalem, mi isombe ipa ma isula pa kar Yeriko. Izulla pa zaala lwoono, mi zin kuumbunan tipet kini, to tipun kati ma runguunu isaana, mi imetekat ma isu imbotmbot. Mi tikem mburu kini ta boozomen, mi tiko ma tila len. 31 Molo som na, patoronjana ka tomtom ta, ni ipa

✠ **10:24:** 1Pe 1:10+ ✠ **10:27:** Wkp 19:18; Lo 6:5 ✠ **10:28:** Wkp 18:5; Ezek 20:11+; Ro 13:8+; Ga 3:12

ma isu. Iwwa ma isula, mi ire la pa tomtom ta ikenne su zaala ma imbotmbot. To ipa lae zaala zilñaana, mi izemi ma imar ila lene. ³² Mi urum tu-unu ta, ta kembena. Isu pa zaala tamen tau. Isula na, ire tomtom tana ikenne su ma imbotmbot. To ni tomini ire su pini, mi ipasali mi imar ila. ³³ To tomtom ta ki lele pakaana ki Samaria, ni ipa ma isula pa zaala tina tomini. Iwwa ma isula mi ire tomtom tana, to leleene isaana pini.*

³⁴ Tana ikonjuru i ma ila, mi ilinj ngere ma baen sijini izze zaaba kwon muriini, mi ipo. Tona iwiti se donki kini, mi ikami ma ila ruumu kizin leembe, mi imboro i. ³⁵ Timbotmbot ma aigule toro, to iweene pat denari ru pa kautu kini, mi ikam pa ruumu katuunu ma iso pini. Iso: ‘Pat ru ti ima ku be imboro tomtom ti. Mi sombe pat tina imap, na uluuli ma irao anjar mini, to anjot pat ku.’ ”

³⁶ Yesu iso sua tana makinj, to iwi tomtom ngarjana ki tutu. Iso: “Lak, wal tel tana, nu kam ngar pizin be parei? Tomtom ingoi ta iur kat leleene pa tomtom ta zin kuumbujan tikam zaaba pini na?”

³⁷ Tomtom ngarjana ki tutu iso: “Tomtom ta imunai i na.” Tona Yesu iso pini: “Ta tina. La mi kam mbulu raraate men.”

Yesu ila ilou Mata ma Maria

³⁸ Yesu zinan nanjan kini tiwwa ma tila tipet kar ta. Mi moori ta, ni zaana Mata, ikami ma ila ruumu kini.*

³⁹ Mi Mata tiziini moori Maria, ni mbuleene su Yesu kumbuunu uunu mi ilenlej sua kini.

* **10:33:** Yo 4:9 * **10:38:** Yo 11:1, 12:2+

⁴⁰ Tamen Mata, ni imbesmbeeze pizin leembe. Tana tata ikami, mi izzu ma izze pa uraata. To imanğa na iso: “Merere, nu kam nğar pio risa som? Parei ta nio itun tamen ankamam uraata, mi tizin moori imbomboorene sorok? So pini ma imar iuulu yo lak!”

⁴¹ Merere ipekel kalğaana ma iso: “O Mata, nu zzu ma zze pa uraata, mi kamam nğar pa koron boozo mete. ⁴² Mi koron tamen, ta so kam, ina irao. Maria, ni ikam koron ambainana ma ilip. Mi koron tana na, irao titatke pini na som.”✠

11

*Yesu ipaute nanğan kini pa sunğana ka mbulu
(Mt 6:9-13)*

¹ Aigule ta na, Yesu izunzun su lele ta. Isun makin, mi nanğan kini ta, isu mi iwi lae pini ma iso: “Merere, so yam pa zaala ki sunğana kembei ta Yoan ikam pa nanğan kini na.”

² Tabe Yesu iso pizin. Iso: “Kelen. Sombe kusun, to koso ta kembei:

‘Niam Tomoyam, nu zom iwal ko tipotom pa.

Kam zin tomtom ma tito peeze ku.’✠

³ Ur koyam kini pa aigule ta boozomen.’✠

⁴ Reege sanaana tiam.

Pa niam tommini amzemzem nğar pa sanaana boozomen ta tomtom tikamam piam na.

Mi ziiri toomboğana ma imbot molo piam.’ ”✠

✠ **10:42:** Mbo 27:4, 73:25; Mt 6:33 ✠ **11:2:** 1Kor 15:24+; Tur 11:15 ✠ **11:3:** Mbo 23:1; Pil 4:19; 1Tim 6:8 ✠ **11:4:** Mt 18:21+; Yo 17:15; Ep 4:32; 2Tes 3:3

⁵ Tona Yesu iseenge sua kini ma iso pizin: “Sombe guraaba ku sa imbot lele molo mi ima pa mbeṅ lukutuunu, mi sombe nu kom kosa sa be kam pini som, inako kam so? Nu ko la ki torom sa mi so pini: ‘Ou toroṅ, kam narabu zukṅana tel sa imar be aṅkam ma aṅla. ⁶ Pa guraaba tio ta imbot lele molo mi imar, mi iṅgi koṅ kosa sa be aṅkam pini som!’

⁷ “Tamen takankaana pa. Ko torom tana mburaana som ma iṅgi, mi ipekel kalṅom ma iso: ‘Aiss, pagesges yo paso? Pa niamṅan lutuṅ bizin amkotkaala kataama, mi amsu muriyam kek. Iṅgi be amkeene i. Irao aṅmanga mi aṅkam kosa sa pu na som.’

⁸ “Lak, parei? Sombe ni ipekel ta kembei, ko zemi? Som. Nu ko noknok sua pini. Mi nio aṅso kat piom. Nonoono, torom tana, ni niini gesges. Tamen ni kola ileṅ la kalṅom mi iuulu u pa koronṅ boozomen ta nu ru zaala pa. Pa sombe iuulu u som, to itunu uruunu isaana.✧

Anutu ko ileṅ sunṅana kiti. Pa ni kampeṅana katuunu

(Mt 7:7-11)

⁹ “Tana nio aṅso piom: Kiwi, to kakam. Kuru, to kendeenge. Kutut kataama, to kataama ikaaga piom.✧

¹⁰ Pa sombe tomtom sa iwi, nako ikam. Mi tomtom ta so iru, nako indeenge. Mi tomtom ta so itut kataama, nako kataama ikaaga pini. ¹¹ Parei? Sombe pikin tasa iwi tamaana pa ka ye, ko tamaana ikam ka mooto sa? ¹² O sombe iwi i

✧ **11:8:** Lu 18:1+ ✧ **11:9:** Mk 11:24; Yo 15:7; 1Yo 5:14+

pa ka man kutuluunu, ko ikam ka zirkuumbu sa? Som. ¹³ Lak, niom na sananɲoyom. Tamen mbulu tabe kakam pa lutuyom bizin na, niom kuute. Tanata kakamam koron ambaimbaiɲan pizin. Mi Tomoyom ta imbot saamba a, kampeɲana kini ilip kat piom. Tana zin wal ta so tisun i pa Bubunɲana Potomɲana, na ni ko ikam pizin.”✧

*Tiso Yesu ikam Sadan mburaana
(Mt 12:22-30; Mk 3:22-27)*

¹⁴ Tomtom ta, ni bubunɲana sananɲana ikami ma kwoono imun. Mi Yesu iziiri bubunɲana sananɲana tana ma iyooto pini, to tomtom tana iso sua. Tabe iwal biibi tire mi kwon itaanda pa. ¹⁵ Tamen tomtom pakan timanɲa mi tiso: “Inɲa sa Belsebul, biibi kizin bubunɲana sananɲan ta ipombolmboli. Tanata le mburaana be iziiri zin bubunɲana sananɲan ma tiyooto.” ¹⁶ Mi pakan na, tiso titoombo Yesu. Tisombe ni itooro mos sa tabe iswe kembei ni iwwa raama saamba mburaana, to tiurla kini.✧

¹⁷ Mi Yesu, ni iute nɲar kizin kek. Tana iso pizin: “Parei, lele sa, sombe ka tomtom bizin tibalak zitun mi tiparkam malmal pizin, ko timbot ambai? Som. Ko tiparkazas zin ma lele tana bilim. Mi ruumu tomini. Sombe ka tomtom bizin tikam ta kembei, inako tireege ruumu ma borok su lene.✧

¹⁸ “Mi Sadan ta kembena. Sombe zin wal ta ni ikamam peeze pizin i, tibalak zitun mi tiparkam malmal pizin, nako peeze kini imbol be parei? Kere. Niom tina kosombe Belsebul ta ipombolmbol yo, mi anɲirziiri zin bubunɲana sananɲan

✧ **11:13:** Yo 4:10, 7:38+, 14:16+; Nɲo 2:38 ✧ **11:16:** Mt 12:38, 16:1; Mk 8:11 ✧ **11:17:** Mt 9:4

ma tiyotyooto. ¹⁹ Kena parei pa nanḡaḡ tiom ta tizirziiri zin na? Asinḡ ipombolmbol zin? Sua ta kipiri pio, ta imiili pa ituyom ma iswe nḡar tiom sananḡana. ²⁰ Tamen sombe Anutu mburaana ta ipombolmbol yo mi anḡzirziiri zin bubuḡana sananḡan, ina iswe kembei peeze ki Anutu ipet mat ma imbot la mazwoyom kek.✠

²¹ “Mi tomtom sa ta ni mburaanḡana i, sombe iur mburu kini malmal kana ila niini lup, mi imenderkalkaala ruumu kini mbolḡana, nako koronḡ kini boozomen imbot ambai. ²² Tamen, sombe tomtom toro sa, ta mburaana ilip kat na, imar mi ziru tikam malmal, inako ilip pini. Tonabe iyo mburu malmal kana boozomen ta tomtom mataana kana ipase pa na, mi iyo le koronḡ kini pakan tomini, mi irai ma irao waene bizin.✠

²³ “Tomtom ta so igabgaaba yo som, ina ni iwe koḡ koi. Mi sombe tomtom sa, iuluulu yo be anḡluplup zin tomtom som, na ni kembei iyanḡwirḡwiiri zin.”✠

Sua tooronḡana pa bubuḡana sananḡana ta ila mi imiili mini
(Mt 12:43-45)

²⁴⁻²⁵ Yesu iseeḡe sua kini mini ma iso: “Bubuḡana sananḡana sa, sombe iru pa tomtom sa mi iyooto mini, inako iwwa le sorok pa lele bilimḡana, mi iru muriini be imbot pa mi keteene su. Mi sombe iru ma som, nako iso: ‘A, nio inḡi ko anḡmiili ma anḡla anḡlou muriḡ munḡuḡana mini.’ Mi so imiili ma ila muriini munḡuḡana tana, mi ire

✠ **11:20:** Kam 8:19; Lu 17:21 ✠ **11:22:** Kol 2:15; 1Yo 3:8, 4:4; Tur 20:2 ✠ **11:23:** Mk 9:40; Lu 9:50

kembe'i tisiiri ma inġeeze kek, ²⁶ nako ila mini mi iyo waene bizin lamata mi ru tomen ta tilip pini pa mbulu sananġana na, ma zinġan timar mi tiru pa tomtom tana ma timbotmbot. Tabe ni isaana kat. Muġgu na pe som, mi inġi isaana ma isaana kat."☆

²⁷ Yesu izzo sua tana, mi moori ta imbot lela iwal biibi mazwan, ni imanġa to iso la pini ma iso: "Moori ta ipeebu mi ipiwinu pa tui na, ni ikam kampenġana biibi!"☆

²⁸ Tamen Yesu iso: "Ina nġonoono. Tamen zin wal ta tikan la sua ki Anutu mi titoto, ina zin tomini tikam kampenġana biibi."☆

Yona iwe kilalan
(Mt 12:38-42)

²⁹ Tomtom boozo timarmar, to Yesu imanġa mi ikam sua pizin. Iso: "Wal ta koozi timbotmbot i, zin sananġan kat. Pa tiso tire mos sa pa matan, to tiurla. Mi mos tamen kembei ta muġgu ipet pa Anutu kwoono Yona na, mos tamen tina ta ko Anutu ikam pizin. ³⁰ Pa muġgu Yona iwe kilalan pizin tomtom ki Ninibe, mi ipei nġar kizin pa mbulu kizin sananġan. Mi Tomtom Lutuunu ko ikam mbulu raraate men pizin tomtom ta koozi timbotmbot i."☆

³¹ Indeeġe mbej kaimer ma Anutu iso iur kadoono pizin tomtom na, moori zaananġana ta muġgu ikamam peeze pa lele pakaana ta mbuleene kat na, ni tomini zinġan zin tomtom ta koozi timbotmbot i, ko timanġa. Mi ni ko inġal

☆ **11:26:** Yo 5:14; Ibr 6:4+; 2Pe 2:20+ ☆ **11:27:** Lu 1:28,42,48

☆ **11:28:** Lu 8:15,21; Yo 14:21; Yems 1:25 ☆ **11:30:** Yona 1:17, 2:10, 3:4

matan pa zoroŋana kizin. Paso, ni iute Anutu som, tamen imbel pai pa lele molo mi imar, bekena ileŋ ŋgar ta Anutu ikam pa king Salumo na. Mi inŋi tomtom ta ilip pa Salumo, ta koozi imbotmbot i.✠

³² Mi zin Ninibe kan tommini. Zinŋan zin tomtom ta koozi timbotmbot i, ko timaŋga mi tinŋal matan. Pa muŋgu zin tileŋ sua ki Yona, mi titooro lelen. Mi inŋi tomtom ta ilip pa Yona, ta koozi imbotmbot i.✠

Mat mi zugut

(Mt 5:14-16, 6:22-23)

³³ “Parei, sombe tutun lam sa, ko tuturke? Som. Iti tuur se kor, bekena zin tomtom ta tile na, timbot la mat tommini.✠

³⁴ Iti matanda ta iurur mat piti. Tana sombe matanda ambai, ina iswe kembei mat imbot la lelede kek. Mi sombe matanda isaana, ina iswe kembei tombot la zugut lene men. ³⁵ Tana motom inŋalŋgal itum. Kokena nu ndemeere sorok ma so ko mat imbot la lelem, mi tamen ko zugut ma inŋi. ³⁶ Tana sombe koronŋom sa ikam zugut ka mbulu sa som mi mbotmbot la mat leleene men, nako kembei ta lam iyaara kat pu i.”

Mbulu sananŋana kizin tutu kan mi zin ŋgarŋan ki tutu

(Mt 23:1-36; Mk 12:38-40)

³⁷ Yesu ikamam sua tana, mi tomtom ta kizin wal tutu kan, ni iso pini be ziru tila ma tikan kini la mbata. ³⁸ Tila ma mbulen su pa kini kanŋana.

✠ **11:31:** 1Kin 10:1+; 2Sto 9:1+ ✠ **11:32:** Yona 3:5+ ✠ **11:33:** Mt 5:15; Mk 4:21; Lu 8:16; Pil 2:15+

Mi tomtom tina ire Yesu iŋguuru namaana som, mi ikan kini, tabe ikam ŋgar boozo.✠

39 To Merere iso pini. Iso: “Aiss, niom tutu koyom, kakam ŋgar biibi pa koronj mat kana men kembei ta mbooro ma kuuru ŋguuruŋana. Tamen leleyom na, bok pa kuumbu mi mbulu sananŋan ta boozomen.✠

40 Niom tallinjom kat! Parei, Anutu ikam ŋgar pa koronj mat kana men, mi lelende som?
41 Tamen sombe kuur leleyom pizin wal sor-rokŋan mi ku'uulu zin, nako koronj ta munŋaana men iŋgeeze piom.✠

42 “Niom tutu koyom na, tembel yom kek! Pa motoyom iŋgalŋgal be kikinin zeere tiom soroksorok mataana kana be kakam la ki Anutu. Mi ina ambai. Tamen tutu bibip ŋonoono, ina kakam ŋgar pa som! Tutu ta kembei: Takam mbulu ndeenŋana men, mi tuur kat lelende pa Anutu mi zin tomtom. Niom sombe koto tutu, na bela koto tutu ta boozomen, tona ambai.✠

43 “O niom tutu koyom na, tembel yom kek! Pa sombe kelela lupŋana muriini, na niom leleyom be mbuleyom izze mbalia ta wal zanŋan murin na. Mi sombe tipakur yom isu kar keteene, to leleyom ndabok mi niyom ise.✠

44 Aiss, tembel yom kek! Niom kembei wal lepen ta tomtom tire som, tana tiso ko lele ambaiŋana men, mi tilala mi timarmar pa.”

✠ **11:38:** Mt 15:1+; Mk 7:1+ ✠ **11:39:** Mk 7:4; Tit 1:15 ✠ **11:41:** Yesa 58:6+; Lu 12:33; Tit 1:15; Yems 1:27 ✠ **11:42:** Lo 6:5; Mika 6:8 ✠ **11:43:** Lu 14:7, 20:46

⁴⁵ To tomtom ta, ni zin wal ta ngar kizin ilip pa tutu i, iso pa Yesu. Iso: “Biibi, sua ta piri na, ipamianj yam tomini.”

⁴⁶ Tabe Yesu iso pini. Iso: “Aiss, niom wal ta ngar tiom iliip pa tutu i, niom tomini tembel yom kek! Pa tutu tiom ikamam patajana boozomen pizin tomtom. Nonoono, tutu tana ipata piom som. Mi zin na, ipata pizin. Tamen kuur nomoyom kunuunu risa be ku'uulu zin na som.*

⁴⁷⁻⁴⁸ “Mi Anutu kwoono bizin ta munju tumbuyom bizin tipun zin ma timetmeete lup, ta koozi kuurpewe lepen be ingeeze kat. Tamen mbulu ta kakamam, ina iswe kembei ngar tiom raraate kembei ta tumbuyom bizin, mi koyok pa mbulu kizin sananjana. Tana tembel yom kek.*

⁴⁹ Tanata Anutu iswe ngar kini biibi ma iso ta kembei: ‘Nio ko anjo zin wal ta tiwe nio kwonj na, mi zin ngonjana tio. Mi pakan na, tomtom ko tipun zin ma timetmeete. Mi pakan, nako tiseeze matan.’ ⁵⁰⁻⁵¹ Mi kadoono sananjana kizin wal boozomen ta tipun sorok Anutu kwoono bizin, inako ise tiom. Indeeje ta Anutu iur saamba mi toono, mi meetejana ki Abel, mi imar imar ma meetejana ki Anutu kwoono Sakaria ta tipuni su artaal uunu lela urum lene na, mbulu sananjan ta boozomen tana ka kadoono kola ise kizin tomtom ta koozi timbotmbot i. E, nio anjo piom: Niom ta ko kere kadoono kizin.*

⁵² “O niom wal ta ngar tiom iliip pa tutu i, tembel yom kek! Pa sua ki Anutu ta iwe zaala pizin tomtom be tiute kati na, niom keswe pizin som.

* **11:46:** Ngo 15:10; Ga 5:1 * **11:47-48:** Ngo 7:51+ * **11:50-51:** Un 4:8; 2Sto 24:20+

Mi ituyom kombot lela peeze ki Anutu som, mi zin wal ta tikamam be tilela na, kapakalkaala zaala pizin.”

⁵³ Yesu ikam sua tana ma imap, to imanja be izem zin. Som, mi zin tutu kan mi zin ngarjan ki tutu keten malmal kat pini. Tana timanja mi tikam wiñana boozo pini, ⁵⁴ beso ipekel njoobo ma inji, tona iwe le uunu be tikami.

12

Takam pakaamjana pa urlanjana pepe (Mt 10:26-27, 16:6; Mk 8:15)

¹ Iwal ta munjana ka tieene kat timar tilup zin mi tiparzalla pizin ma timbotmbot. Mi Yesu imanja pa sua kamjana ma iso lae pizin nanjan kini munju. Isombe: “Kozo kere yom pa yis kizin tutu kan. Yis tana, ina pakaamjana ta tikamam pa urlanjana kizin na.✧

² Pa koron zukjan ta boozomen, nako tipeeze ma borok su. Mi koron turkejan ta boozomen, nako kaimer tiswe ma imbot mat.✧

³ Tana sua ta koso la zugut lene, nako tiswe ma ipet mat pa aigule. Mi sua ta kumburumrum pa lela ruumu leleene, inako tisoyaara isu kar keteene.

Komoto pepe (Mt 10:28-31)

⁴ “O toronjan, nio anso piom. Zin tomtom ta tiso tipun yom ma kemetmeete na, komoto zin pepe. Pa sombe tipun yom ma kemeete, ina imap ta tina.

✧ **12:1:** Mt 16:6; Mk 8:15; 1Kor 5:6+; 1Pe 2:1 ✧ **12:2:** Mk 4:22; Ro 2:16; 1Kor 4:5; Ibr 4:13

Kaimer na, zin ko tirao be tikam kosa sa toro piom mini na som.✧

⁵ Mi Anutu, to komoto i. Pa ni mburaana biibi. Irao be ipun tomtom ma imeete. Mi irao iziiri kunuunu tomini ma ila imbot kar sanaana. Tana anso piom: Komoto Anutu itutamen tau.✧

⁶ “Kakam ngar pa man kimbinbin. Ina man sorokjana. Irao tingiimi lamata pa pat sinjsinjan ru. Tamen Anutu, ni mataana mbelelele tasa na som.

⁷ Mi niom na, ndomoyom noyom. Kilip kat pizin man kimbinbin. Uteyom runrun na, Anutu inin ma imap. Tana komoto koyom pepe.✧

⁸ “Nio anso kat piom. Sombe tomtom sa iswe kembei ni iwe lej ila tomtom matan, na Tomtom Lutuunu ko iswe i tomini kembei ni nanjan kini ila zin anjela ki Anutu matan.✧

⁹ Tamen, sombe tomtom sa iwatkaala nio zonj ila tomtom matan, na Tomtom Lutuunu ko iwatkaali tomini ila zin anjela ki Anutu matan.✧

¹⁰ “Tomtom sa, isombe igiibi sua sananjan pa Tomtom Lutuunu, na sanaana kini tina Anutu ko irao ireege pini. Tamen sombe igiibi sua sananjan pa Bubujan Potomjan, nako Anutu ireege pini na som.✧

¹¹ “Mi sombe tikam yom ma tipamender yom lela lupjan muriini, som zin bibip mi zin peeze kan keren uunu, na kopoyom rru mi kuru zaala pa sua pareinana tabe kepekel pa i na pepe.✧

✧ **12:4:** Ibr 13:6 ✧ **12:5:** Ibr 10:31; Yems 4:12 ✧ **12:7:** Lu 21:18; Ngo 27:34 ✧ **12:8:** Tur 3:5 ✧ **12:9:** Mk 8:38; Lu 9:26; 2Tim 2:12; 1Yo 2:23 ✧ **12:10:** Mt 12:31+; Mk 3:28+; Ibr 6:4+, 10:26; 1Yo 5:16 ✧ **12:11:** Mk 13:11; Lu 21:14+

12 Pa mazwaana tana Bubunjana Potomjana itunu ko ikam ngar piom mi iso yom pa sua tabe koso i.”

Sua tooronjana pa mbio uunu ta ni tallijana kat

13 To tomtom ta, ni imbot lela iwal biibi lelen, mi iso la pa Yesu ma iso: “Mos katuunu, so pa aton be ipeete koron ta tomoyam iur piam na ma nio len pakaana.”

14 Tamen Yesu ipekel ma iso: “Wai, asinj iur yo be anjiiri sua tiom mi anjeete koron tiom?”

15 Tona iseenge sua kini, mi iso pizin iwal ta kembei. Isombe: “Motoyom ingal ituyom: Kokena motoyom berber pa koron boozo mi motoyom koronjyom. Pa sombe tomtom sa, ni irao kat pa koron ta boozomen ki toono, na koron tana men ko irao be ikami ma imbot ndabok na som.”☆

16 Tona ni ikam sua tooronjana taingi pizin. Isombe: “Kembei ta mbio uunu ta. Ni toono kini mbuyeene biibi, tabe koron kini boozomen ta iwaswaaza na, titum ma tizze ma nonon ta sorok som kat. 17 To tomtom tana imbot ma som mi ikam ngar. Iso: ‘Wai, ingi kozo ko ankam parei pa kini tio ti? Ko anjur ila parei? Pa muriini tingi na, irao som.’

18 To imanga mi iso pa itunu ta kembei: ‘Oo, ingi ko ankam ta kembei: Ko anjeege diditu munmun tingi, mi anpo bibipjan. Naso andaaba kini ma koron tio ta munjana men lela. 19 Toinabe anmanga mi anso pa itun ma anj sombe: Aa buri, kini ta andaaba lela muriini tingi, ta ko imboro yo ma irao ndaama boozomen. Tana buri be ketej su, mi ankam kat

☆ 12:15: Mbo 62:10; Lu 4:4; 1Tim 6:6-17

mboti ambainana. Ko ankanan ma anwinin, mi anbotmbot men ta kembei.’[☆]

²⁰ “Tamen Anutu iso pini ta kembei: ‘A, nu tana tallinom kat! Mberj ta koozi ko meete. Mi koronj ta ndoundou na, ko asiñ ikam?’ ”[☆]

²¹ Tona Yesu ipemet sua kini ma iso ta kembei. Iso: “Mbulu raraate men, ta ko ipet pizin wal ta tindoundou len koronj boozo su toono, mi tamen koronj nonoona ta ki Anutu i, na zin tirao pa som.”[☆]

Anutu ko mataana piti

(Mt 6:25-34)

²²⁻²³ To Yesu iso pizin nanğanj kini. Isombe: “Tana kopoyom rru pa koyom kini mi leyom mburu pepe. Pa koronj kulindi kana men kembei kini mi mburu, ina irao ikam ti ma tombot ndabok na som.”[☆]

²⁴ Kere. Zin man tiwaswaaza kini, som titoutou kini ma tidabdaaba lela ruumu? Som. Anutu itunu ipututu zin. Mi niom na, kilip kat pizin man. ²⁵ Mi parei? Sombe tiom tasa iru zaala be iseenge itunu swoono ma imbot moloğana ri, ko irao? Som. ²⁶ Mi sombe karao be kakam koronj riğa ta kembei som, na parei ta kopoyom rru pa koronj pakan?

²⁷ “Mi kere aigau boozomen ta tizze na, tika-mam uraata sa? Som. Mi zitun tiurpewe len mburu be tizeebe zin pa i? Som. Mi nio anso kat piom: Munğu, king Salumo, ni izebzeebi pa mburu

[☆] **12:19:** 1Kor 15:32; Yems 5:5 [☆] **12:20:** Mbo 39:4-6, 49:16+, 52:7; Yems 4:14 [☆] **12:21:** Mt 6:19+; 1Tim 6:18+; Yems 2:5

[☆] **12:22-23:** Pil 4:6; Ibr 13:5; 1Pe 5:7

milmilɲan ta ndabokbokɲan kat. Tamen mburu kini sa irao kembei aigau tɲingi na som.✠

²⁸ Mi aigau tɲingi, ɲingi koron sorok. Koozi timbot. Gaaga tila len. Tamen Anutu itunu ta iurpe ma ambai kat. Lak, sombe ni mataana ɲingalɲgal koron sorok sorok ta kembei, nako mataana ɲingalɲgal yom pa leyom mburu tomini. Oo niom, urlaɲana tiom musaari mete!✠

²⁹ Tana kopoyom rru pa koyom kini ma yok mi kakam ɲgar boozo pa pepe. ³⁰ Pa ina, zin karkari ta tiute Anutu som, ta tikamam ɲgar biibi pa koron ta kembei. Tamen niom, sombe kuru zoloyom pa koron sa, na Tomoyom iute kek. ³¹ Tana bela kakam kinkiini pa peeze kini muɲgu, to ni ikam zin koron taingi ma ito ma ima.”✠

*Tupun mburanda pa koron ɲonoono
(Mt 6:19-21)*

³² Yesu iso: “O niom sipsip ki Anutu, niom wal boozonoyom som. Mi komoto pepe. Pa Tomoyom, ni leleene be ikam yom ma kombot lela peeze kini leleene mi kelela kar saamba.✠

³³ Tana koɲgomoono koron tiom, mi karai ka pat pizin wal ta len koron somɲan i. Naso kuurpe leyom kautu ta irao be isaana som, mi imbotmbot ma alok su kar saamba. Mi ina wal kuumbuɲan tirao be tikem som. Mi rap tomini, irao be ipasaana som.✠

³⁴ Pa lele ta so nu re kembei koron ku ɲonoono imbotmbot pa, inako ur lelem imap ma ilala pa lele ta tana.”

✠ **12:27:** 1Kin 10:4+; 2Sto 9:3+ ✠ **12:28:** Mt 10:29 ✠ **12:31:** Mbo 37:4,25; Ro 14:17 ✠ **12:32:** Mt 25:34; Tur 1:6 ✠ **12:33:** Lu 18:22; Ngo 2:45; 1Tim 6:18+

Zin mbesoonjo be tiurur matan pa miilinana ki biibi kizin

(Mt 24:45-51; Mk 13:32-37)

³⁵ “Kutun lam tiom ma ikanan, mi kuurpe ituyom ma kazza.✠

³⁶ Kembei zin mbesoonjo ta tiurur matan pa biibi kizin ta imbot ula uunu na, beso imiili mi itut kataama, na loŋa mi tisol pini. ³⁷ Nio aŋso piom: Zin mbesoonjo ta sombe biibi kizin imar, mi ire zin tiurur matan pini mi tizza i, inako lelen ambai pa kampejana tabe ise kizin i. Nio aŋso kat piom: Biibi kizin ko iselek mburu kini mi iurpe itunu pa uraata, to iso pizin ma mbulen isu be tikan kini, mi itunu imbesmbeeze pizin.✠

³⁸ “Tana sombe biibi kizin imar pa mbenj luku-tuunu, som man itaŋtaŋ, mi ire zin tizza i, inako lelen ambai pa kampejana tabe ise kizin i.

³⁹ “Lak, sombe ruumu katuunu iute nol tabe tomtom kuumbuana imar pa i, ko izem ruumu kini ma imborene sorok mi ila? Som. Ko imenderkaala ruumu kini ma imbotmbot. Kokena tomtom kuumbuana tana ipetepaala ruumu mi ilela.✠

⁴⁰ Tana niom ta kembena. Kozo kuurur moyom ma kombotmbot. Pa nol ki Tomtom Lutunu na, niom kuute som. Ni ko imar kembei ta pamururjana.”✠

⁴¹ To Petrus iso: “Merere, sua toorojana tana, nu so piam men, som so pizin iwal biibi?”

⁴² Merere ipekel kwoono ma iso: “Mbesoonjo ta so ni mata sejana mi le ngar ambainana, nako

✠ **12:35:** Mt 25:1+; Pil 3:20; 1Tes 5:4; 1Pe 1:13 ✠ **12:37:** Yo 13:4

✠ **12:39:** 1Tes 5:2+; 2Pe 3:10; Tur 3:3 ✠ **12:40:** Mk 13:33; Tur 16:15

biibi kini iuri be imboro ruumu ka uraata mibe irre waene bizin pa kan kini. ⁴³ Mi sombe biibi kini ila lele sa, mi imiili ma imar mini, mi indeeje mbesooŋo tana ikamam kat uraata kini, inako mbesooŋo tana leleene ambai pa kampejana tabe ise kini i. ⁴⁴ Nio aŋso kat piom: Biibi kini ko iuri ma iwe mataana be imboro koronj kini ta boozomen.✧

⁴⁵ “Tamen sombe mbesooŋo tana ikam njar ta kembei. Iso: ‘Aa, biibi tio ko loŋa mi imar na zeen.’ To imanja ma ipun sorok zin mbesooŋo pakan, mi igaaba zin winjana kan mi zijan tiwinin ma tigadgaada, na kozo ire i.✧

⁴⁶ Pa biibi kini ko imar ma ipamururi. Tonabe ikam zaaba pini, mi ipiri i ma ila igaaba zin wal ta tiurla som na.

⁴⁷ “Mbesooŋo sa, sombe iute mbulu ta biibi kini leleene pa i, mi tamen iurpe ka uraata som, inako tibalisi ma kuliini berebere.✧

⁴⁸ Mi sombe mbesooŋo sa iute som, mi ikam ŋoobo mbulu, inako biibi kini leleene imiili ri pini mi iseeze kat mataana som. Pa tomtom ta so Anutu ikam le koronj biibi, na ni bela ipimiili ma biibi. Mi sombe tomtom sa, Anutu indemeeri mi iur koronj biibi ila namaana be ikam uraata pa, inako Anutu iur mataana pini be ipimiili ma biibi.✧

Yesu ko iwe uunu pizin tomtom be tiparyapaala zin

(Mt 10:34-36)

⁴⁹ “Nio ti aŋmar be aŋpiri you isu toono. Mi so you tana ikanan pataaŋa, so leleŋ ndabok. ⁵⁰ Tamen

✧ **12:44:** Lu 19:17+ ✧ **12:45:** 2Pe 3:3 ✧ **12:47:** Yems 4:17

✧ **12:48:** Wkp 5:17; Ro 2:12+; 1Tim 1:13

pataņana biibi tabe isalakaala yo i, ina iwwa i. Tana leleņ ipata ma ipata kat. Mi ko aņbotmbot ta kembei ma irao pataņana tana ikam yo, mi aņbaada ma imap.*

⁵¹ Parei? Niom koso ko nio aņmar be aņlup zin tomtom ma lelen iwe tamen? Ina som. Pa nio ko aņwe uunu pizin be tiparyapaala zin ma timbot ndelndelņa. ⁵² Pa indeeņe koozi mi ila na, lupņana kizin toņmatiziņ ko imureege, mi lelen iwe tamen mini som. Sombe zin lamata, nako tel timbot pakaana, ru timbot pakaana. ⁵³ Mi zin kolman ziņan lutun bizin ko tilup zin mini som, mi tiparmbot molo pizin. Mi zin kolmannan ta kembena. Ko ziņan lutun moori bizin tilup zin mini som, mi tiparmbot molo pizin. Mi ziņan rwon moori bizin tomini, ko tikam mbulu raraate men tau.*

*Kilalan
(Mt 16:2-3)*

⁵⁴ Yesu iso pizin iwal mini ma isombe: “Keleņ. Niom sombe kere miiri tieene izukzuk re uunu ri, to loņa mi koso: ‘O, iņgi be yaņ imar i.’ Mi yaņ imar. ⁵⁵ Mi sombe kayamaana miiri iloondo ki iwaara, to kosombe: ‘Iņgi be lele ilomo mini.’ Mi lele ilomo. ⁵⁶ Niom wal ta kakamam pakaamņana pa urlaņana tiom! Pa lele na, niom karao be kikilaala. Mi mbulu ta koozi iwedet i, parei ta karao be kikilaala som?”

*Loņa mi tuurpe lelende pa kanda koi bizin
(Mt 5:25-26)*

* **12:50:** Mk 10:38+; Yo 12:27 * **12:53:** Mika 7:6

kotooro leleyom mi kezem sanaana tiom som, inako kala leynom tomini raraate kembei ta zin.”

Yesu ikam sua tooroŋana pa ke ta ŋono somŋana

⁶ To Yesu ikam sua tooroŋana taiŋgi pizin. Isombe: “Ke fik ta imender la baen lene ki tomtom ta. Ni ila na, mataana izalla pa uteene be iru ka ŋonoono. Mi som. ⁷ To isu na iso pa mbesooŋo kini ta imborro baen lene na ta kembei. Iso: ‘Leŋ! Nio aŋbelmbel lele ti marŋana pa ndaama tel i, be aŋru ke tiŋgi ka ŋonoono. Mi ŋonoono sa som. Tana taara ma isu lene. Kokena ikam sorok toono mbuyeene.’[✧]

⁸ Tamen tomtom ta imborro baen lene na, iso pini ta kembei: ‘O biibi, pasaana paso? Imbotm-bot mi aŋtoombo ma aŋkamam toono ila uunu pa ndaama tasa.’[✧]

⁹ Mi ndaama toro, to tere. Sombe ŋonoono, inako kena. Mi so som, inako tataara ma isu lene.’ ”

Yesu iurpe moori ta pa aigule potomŋana

¹⁰ Indeeŋe aigule potomŋana ta na, Yesu ni ikamam sua pizin tomtom ilela lupŋana muriini. ¹¹ Mi moori ta, ni bubuŋana sananŋana ipasaani ma ikunkun ki pai ma irao ndaama lamoro mata mi tel kek. Irao iswooro ndemeene riŋa som. ¹²⁻¹³ Mi Yesu ire i, to iboobi ma ila kini, mi iur namaana isalakaali mi iso pini. Iso: “Moori, mete ku ko ikisu mini som.” To loŋa men iswooro ndemeene, mi imender kat mi ipakur Anutu.

¹⁴ Tamen tomtom ta imborro lupŋana muriini na, ni keteene malmal. Pa Yesu iurpe moori tana pa aigule potomŋana tau. Tanata iso pizin iwal ma

✧ 13:7: Mt 3:10, 7:19; Yo 15:2,6 ✧ 13:8: Ro 2:4; 2Pe 3:9,15

isombe: “Aiss, parei ta niom kamar be iurpe yom pa uraata lene som? Ingi sa aigule potomjana tabe ketende su pa i.”✠

15 Tabe Merere iso: “Niom wal pakamkaamjoyom! Niom ta boozomen kuputkewe mbili tiom, mi kakamam zin ma tilala tiwinin kan yok pa aigule potomjana.”✠

16 Mi moori ti, ni Abaraam popojana kini. Tamen Sadan ikisi pa ndaama lamoro mata mi tel kek. Parei? Ko irao tatatke i pa patajana kini pa aigule potomjana som?”✠

17 Yesu ka koi bizin tilenj pekeljana kini na, kan mianj. Mi zin iwal biibi na, menmeen zin pa uraata mburanjan mi ndabokbokjan ta ni ikamam na.

*Yesu itooro sua pa zeere mastet
(Mt 13:31-32; Mk 4:30-32)*

18 To Yesu iso: “Peeze ki Anutu na, ka mbulu pareijana? Ko anso se ki sokorei, to kakam ngar pa? 19 Ina kembei mastet iweene musaari kat ta tomtom ikam, mi ila ipaaza sula mokleene kini. Mi kaimer to indom ma iwe biibi kembei ta ke i, mi iur namannaman boozo. Tana zin man tila ma tipo len ngini isala.”✠

*Sua toorojana pa yis
(Mt 13:33)*

20 To Yesu iso mini. Iso: “Peeze ki Anutu ka mbulu, nako anso se ki sokorei toro? 21 Ina kembei ta yis. Sombe moori sa ikam mi itooro raama palawa biibi, to koroj ri tana irao izil pa palawa biibi tana ma imap.”

✠ **13:14:** Kam 20:8+ ✠ **13:15:** Lu 14:5; Yo 7:22+ ✠ **13:16:** Yesa 58:6+; Lu 6:9 ✠ **13:19:** Mt 24:14

*Zaala ta ila pa kar saamba na, kwoono musaana
(Mt 7:13, 14:21-23)*

²² Yesu isombe isala pa Yerusalem. Ni ipa ma ila, beso indeenje kar tasa, to ikam sua pizin, mi imanja mini ma ila. Ta kembei kembei mi ila.

²³ Mi tomtom ta, isu to iwi i. Iso: “Merere, parei? Wal tabe Anutu ikamke zin i, ko rimen nonono?”

²⁴ Yesu iso pizin ma iso: “Kar saamba na, ka kataama musaari. Tana kakam kinkiini be kelela. Pa tomtom boozomen ko titoombo be tilela ma tirao som.✧

²⁵ “Tana kere. Pa kaimer ruumu katuunu ko imanja mi ikotkaala kataama. Indeenje tana, niom sombe kombotmbot mat mi kutut kataama ma koso: ‘Merere, sol kataama piam lak!’, nako ni ipekel ma iso: ‘Niom zinjoi? Nio ankankaana piom.’✧

²⁶ Tona niom ko kamanja mi koso: ‘Wai, parei ta nu kankaana piam? Munju itinjan takanan ma tiwinin, mi nu kamam sua piam isu kar tiam na.’

²⁷ Tamen ni ko iso piom mini ma isombe: ‘Nio ankankaana piom. Niom so kar i? Kala leyom. Pa niom wal sananjoyom.’✧

²⁸ “Mi niom sombe kere Abaraam, Isak, Yakop, mi Anutu kwoono bizin ta boozomen zijan Anutu tilup zin lela kar kini, nako zojoyom njekjek mi katanjan. Paso, niom, nako tipiri yom pera mat kek. Zoyom sa mini som.✧

²⁹ Mi tomtom ko timar pa toono ta boozomen, be mbulen su pa kini kanjana lela Anutu kar kini.✧

✧ **13:24:** 1Kor 9:24+; Pil 2:12+ ✧ **13:25:** Mt 25:10+ ✧ **13:27:** Mt 25:41 ✧ **13:28:** Mt 8:11+, 13:42, 24:51 ✧ **13:29:** Mt 8:11+; Lu 14:15; Tur 19:9

³⁰ Tana kere. Zin wal ta timar kaimer, nako timuunġu. Mi zin tau timuunġu, nako tikemer.”✠

*Yesu leleene isaana pa Yerusalem
(Mt 23:37-39)*

³¹ Indeeġe tana, zin tutu kan pakan timar ki Yesu mi tiso pini. Tiso: “Aa, maġa ma zem lele tiġi, mi ko ma la lem lele toro sa. Pa Erot isombe ipunu.”

³² Yesu ipekel kalġan ma iso: “To ri tana, ni irao kat pa ġgar bozboozo! Kala ma koso pini ta kembei: ‘Nio iġi aġzirziiri bubuġana sananġan mi aġurpewe zin tomtom ta koozi, gaaga, mi ko malama, to aġposop uraata tio ma imap.’” ³³ Tana nio ko aġkam pai ta koozi, gaaga mi malama. Pa sombe tipun Anutu kwoono sa ma imeete, na bela tikam su Yerusalem.”

³⁴ To Yesu iseġeġe sua kini ma iso: “O Yerusalem, Yerusalem! Anutu kwoono bizin ta niom kembel kasġana kek. Mi zin ġgoġana kini ta ni iġo zin piom i, na kupunun zin pa pat ma timetmeete. Mi nio na, gorgori leleġ be aġkokor yom ma kamar kembei ta man ikuubukaala lutuunu bizin. Tamen leleyom pio som.” ³⁵ Tana Anutu ko izem yom ma Urum Merere tiom imborene sorok. Mi nio aġso kat piom ta kembei: Niom ko kere motonġ mini som ma irao ituyom kosombe:✠

‘Merere ko ipombol tomtom ti mi ikampe i.

Pa ni ko ikam ruġuunu ta imar i!’ ”✠

✠ **13:30:** Mt 19:30, 20:16 ✠ **13:35:** Mt 23:37+; Lu 21:20,24

✠ **13:35:** Mbo 118:26

14

Yesu iurpe tomtom metenjana toro pa aigule potomjana

¹ Aigule potomjana toro tabe keten su pa i na, Yesu ila ruumu ki biibi ta kizin wal tutu kan be zijan tikan kini. Mi tomtom pakan ta zijan timbotmbot mi tireuduti. ✧

² Molo som na, tomtom ta, ta kumbuunu mi namaana izarzar na, ni ilela mi imender su Yesu kereene uunu. ³ Tabe Yesu imanja to, iwi lae pizin wal tutu kan zijan zin ngarnjan ki tutu ma iso: “Lak, tutu kiti iso parei? Ko irao tuurpe zin tomtom pa aigule potomjana, som som?” ✧

⁴ Mi zin tipekel sua sa som. Timaane men. To Yesu iteege su pini ma niini ambai, mi iso pini ma ila lene.

⁵ Tona Yesu iso pizin ta kembei. Iso: “Parei, kozobe tiom tasa lutuunu, som mbili kini sa itop sula yok sumbuunu pa aigule potomjana tabe ketende su pa i, ko ire i mi imbotmbot? Som. Ina kola ila karau men, mi imaati ma ise.” ✧

⁶ To sua kizin imap. Pa Yesu ipiri la ma koŋ.

Tapakur itundu pepe. Tokoto itundu

⁷ Yesu ire wal pakan ta timar pa kini kannjana na, tikoŋuru mbalia mataana kana. Tabe ikam sua toorojana tingi pizin. ✧

⁸ Iso: “Sombe tomtom sa iso pu be la mi niomjan kakan kini ula kana, na mbulem isu sorok lele ta tiur pizin bibip i pepe. Pa takankaana pa. Sombe tomtom toro, ta zaana biibi ma ilip pu i, ni ima tomini, ⁹ inako kini tamaana ima mi iso: ‘Ou, manja

✧ **14:1:** Lu 11:37 ✧ **14:3:** Mt 12:10; Lu 6:9 ✧ **14:5:** Mt 12:11; Lu 13:15 ✧ **14:7:** Mt 23:6

mi tomtom ti mbuleene su.’ Tona ko manġa raama kom mianġ, mi miili ma la mbulem su ta kaimer kat. ¹⁰ Tana kam mbulu ta kembei pepe. Sombe sua ikamu be la pa kini kanġana, na mbulem isu mbalia ta kaimer kat. Naso kini tamaana ima, mi iso pu ma iso: ‘O toroġ, manġa mi mar mbulem isu mbalia ambainġana tis.’ Naso kembei ni ipakuru ila iwal biibi matan. ¹¹ Pa tomtom ta sombe ipakur itunu, nako tikoto i. Mi tomtom ta sombe ikototo itunu, inako tipakuri.” ✧

¹² Tona Yesu iso mini pa kini tamaana ta kembei: “Sombe kam kini biibi sa, na boobo zin guraaba ku, som toġmatiziġ ku, som wal ku, som zin mbio uunu ta timbot kolouġana pu na pepe. Pa wal ta kembei, kaimer ko tipekel mbulu ku mi tiboobu pa kini kanġana. Tona lem kadoono ambainġana toro sa pa kaimer i som. ¹³ Tana kam mbulu ta kembei pepe. Sombe kam kini biibi sa, to boobo zin wal sorroġġan, zin kaamaġan, zin narapeġan, mi zin matan pisġan.” ✧

¹⁴ Naso ndeeġe lem kampeġana ambainġana. Pa zin na, tirao be tipekel mbulu ta nu kam pizin na som. Tamen indeeġe mbeġ kaimer mi Anutu isombe ipei zin wal ndeeġeġan ma timanġa mini pa naala, to Anutu itunu ko ikam lem kadoono ambainġana kat.” ✧

Sua tooroġana pa bobi ki Anutu
(Mt 22:1-10)

¹⁵ Timbotmbot ma tikanan kini, mi tomtom ta, ni ileġ sua tana, to isu na iso pa Yesu. Iso: “Waii,

✧ **14:11:** Mt 23:12; Lu 18:14; Yems 4:6; 1Pe 5:5 ✧ **14:13:** Lo 14:29 ✧ **14:14:** Yo 5:29

zin wal ta so tilela ma mbulen su mi tikan kini biibi isu kar ki Anutu, ina zin tina ko lelen ambai mi tindeenje kampenana biibi kat.” ☆

¹⁶ To Yesu ipekel kwoono mi ikam sua tooronana tingi. Iso: “Lwoono ta na, tomtom ta, ni isombe ikam kini biibi. Tabe ikam sua ma ila pizin tomtom boozomen be timar ma ziŋan tikan kini tana.

¹⁷ Tiparaŋraŋ koronj makinj to, kini tamaana inŋo mbesoonjo kini ma ila mini be iso pizin tomtom ta sua ikam zin kek na ta kembei: ‘Ouo, kamar ta buri. Pa koronj ta boozomen amurpe lup kek.’

¹⁸ “Tamen zin tomtom ta mbesoonjo ila pizin na, mburan be tila som. Tabe tiurur sua ila kena, ila kena. Tomtom mataana kana imanŋa na iso: ‘Aiss, nio ti ko irao aŋma na som. Pa buri nonoono ta anŋiimi toono pakaana ta. Tana inŋi be anŋla mi anŋiiri i.’ ¹⁹ Mi toro na iso: ‘Aiss, nio ti tomini irao aŋma som. Pa buri nonoono ta anŋiimi bapalo laamuru. Tana inŋi be anŋla mi anŋtoombo zin pa uraata i.’

²⁰ Mi tomtom toro na iso ta kembei: ‘Nio buri ta anŋwoolo i. Irao aŋma na som.’ ☆

²¹ “Mbesoonjo tana imiili ma ila, mi iso uunu kizin tana ila ki biibi kini ma ilenj. To biibi kini keteene malmal, mi iso pini ma iso: ‘Kena loŋa mi miili ma la pa zaala lwonlwon, mi yo zin wal sorrokŋan, kaamaŋan, narapeŋan, mi matan pisŋan ma timar.’ ☆

²² Tana mbesoonjo tana ila mi iso zin makinj, to imiili ma imar mi iso: ‘Biibi, kalŋom ta anŋla anŋso pizin ma timar kek. Tamen ruumu leleene imbotmbot i. Bok zen.’

☆ **14:15:** Lu 13:29; Tur 19:9 ☆ **14:20:** 1Kor 7:33 ☆ **14:21:** Ep 2:11+

²³ “Tona biibi iso pini ma iso: ‘Kena la mini, mi wwa kinakiŋa pa zaala namannaman ta boozomen, mi maŋmaŋ zin tomtom ma timar bekena ruumu tio bok. ²⁴ Mi keleş. Nio aŋso kat piom ta kembei. Zin tomtom ta muŋgu bobi tio ıla pizin mi mburan som na, kizin tasa ko irao kwoono iteege kini tio tiŋgi na som. Som ma som kat!’ ” ✧

Bela takam kat ŋgar muŋgu, mana tewe naŋgaŋ ki Yesu

(Mt 10:37-38)

²⁵ Iwal biibi ta titoto Yesu ma ziŋan tila. To Yesu itoori ma iso pizin. Iso: ²⁶ “Tomtom sa, sombe leleene be ito yo, mi tamen ikam ŋgar biibi mete pa tamaana ma naana, som kusiini ma lutuunu bizin, som toŋmatiziŋ kini, som ikam ŋgar biibi mete pa itunu kuliini, inako irao be iwe naŋgaŋ tio na som. ²⁷ Mi sombe tomtom sa leleene be ito yo, tamen ikwaara ke pambaaraŋana kini som, inako ni tomini irao be iwe naŋgaŋ tio na som. ✧

²⁸ “Kembei ta niom, sombe tomtom tiom sa leleene iur be ipo ruumu ta uteene molo, nako mbuleene isu mi mataana iurur pa pat ma ire pat irao be ruumu imun, tonabe imaŋga pa ka uraata. ²⁹ Kokena kitiimbi men isula, mana kaimer ni irao be iposop som. Tona tomtom tire i mi matan pasom i. ³⁰ Mi tiso pini ma tisombe: ‘To tana, imaŋmaŋ pa ruumu poŋana ta ipo ma isala kek?’

³¹ “Mi king ta so ikam malmal pa king toro, na ta kembena. Ko mataana su pa wal kini muŋgu ma ire. Sombe ni le malmal kan muŋaana laamuru

✧ **14:24:** Mt 21:43; Nĵo 13:46 ✧ **14:27:** Mt 16:24+; Lu 9:23+; Yo 16:33; 2Tim 3:12

men, mi king toro ni le malmal kan munjaana tomoota, ko ni irao pini, som som? ³² Beso som, inako loŋa men mi inŋo tomtom kini pakan ma tila be tipunmeete malmal.” ☆

³³ Tona Yesu iposop sua kini mi iso: “Mi niom ta kembena. Bela kezem koron tiom ta munjaana men ma imborene, tona karao be kewe nanŋaŋ tio. ☆

Tai ka sua
(Mt 5:13; Mk 9:50)

³⁴ “Tai, ina koron ambainana. Tamen sombe isaana, nako tuurpe mini be parei? Som. ☆

³⁵ Tana ko tipiri ma ila ne. Pa irao ipembeze toono mini som. Mi irao totooro raama bapalo tieene be tuurpe mokleene pa na som. Tana ka uraata sa mini som. Sua ta anso ma ima na. Mi niom so talŋoyom, inako kelej mi kakam nŋar pa.”

15

Sua tooronana pa sipsip ta imbiizi
(Mt 18:12-14)

¹ Aigule ta na, wal pakan ta tiyyo takesŋan i zinŋan wal sananŋan pakan tila ma timokor la ki Yesu be tilen sua kini. ² Tabe zin tutu kan mi zin nŋarŋan ki tutu timanŋa, to tikam nŋunŋunŋunŋun ma tiso: “Wai, parei ta to ti leleene pizin wal sananŋan ma zinŋan tikanan kini la mbata?” ☆

³ To Yesu ikam sua tooronana tainŋi pizin. Iso: ⁴ “Lak, kozobe tomtom tiom tasa imborro zin sipsip tomtoto lamata, mi sombe tasa imbiizi, inako

☆ **14:32:** 2Kor 5:20 ☆ **14:33:** Lu 5:11,28; Pil 3:7+ ☆ **14:34:** Ibr 6:4-6 ☆ **15:2:** Lu 5:30; Nŋo 11:3; Ga 2:12

ikam parei? Ni ko izem zin tomtu paŋ lamoro mata mi paŋ (99) tana ma timbotmbot su lele bilimŋana, mi ila iru sipsip tamen ta isaŋsaŋ na. ✧

⁵ Iru i, iru i ma sombe indeeŋi, to iwiti ma iuri se regeene, ⁶ mi ikwaari ma imiili pa kar. Tona iboobo wal kini mi zin wal ta ruumu kizin timbot kolouŋana na ma timar, mi iso pizin. Iso: ‘Ouo, kamar ma tulup ti mi itinŋan menmeen ti. Pa sipsip tio ta imbiriizi, ta inŋi andeenŋi kek.’ ✧

⁷ “Nio aŋso kat piom. Tomtom sananŋana sa isombe itooro leleene, na kar saamba kan ko tikam mbulu raraate men. Ko tikam orooro biibi isala, mi lelen ambai kat pa tomtom tina ma ilip pa wal tomtu paŋ lamoro mata mi paŋ (99) ta tindemeere sorok kembei zin wal ndeeŋeŋan mi titooro lelen som.

Sua tooroŋana pa pat ta imbiriizi

⁸ “Mi moori sa, sombe ni le pat milmilŋan laa-muru imbotmbot, mi so tamen sa imbiriizi, inako ikam parei? Ni ko itun lam, mi isiiri ruumu leleene ma ipitiiri kat, ma irao indeeŋe pat tana. ⁹ Mi re beso indeeŋe, nako loŋa mi iboobo zin wal kini mi zin moori ta timbotmbot kolouŋana na, mi iso pizin: ‘Ouo, kamar ma tulup ti mi itinŋan menmeen ti. Pa pat tio ta imbiriizi, ta inŋi andeenŋe kek.’

¹⁰ “Nio aŋso kat piom: Sombe tomtom sananŋana sa itooro leleene, na zin aŋela ki Anutu tikam mbulu raraate men. Ko menmeen zin biibi kat pa tomtom tamen ŋonoono tana.”

✧ 15:4: Mbo 119:176; Ezek 34:11,16; Lu 19:10 ✧ 15:6: 1Pe 2:25

Sua tooroŋana pa tomtom ta iur kat leleene pa lutuunu bizin ru

¹¹ To Yesu ikam sua tooroŋana tiŋgi. Iso: “Kembei ta tomtom ta, ni lutuunu bizin ru. ¹² Timbot ma lwoono ta na, lutuunu kaimernana i imanŋa to iso pa tamaana. Iso: ‘Taman, rai koron ku ma nio leŋ imar pataaŋa.’ Tabe taman irai koron ma kolmanŋana lene, kaimernana lene.

¹³⁻¹⁴ “Aigule pakan ilae, to lutuunu kaimernana i, iyauyau koron kini ta boozomen, mi iko ma ila lele molo. Ila ipet lele tana na, ipasaana pat kini ma imap pa mbulu sorokorok ta boozomen. To isu imbot ŋoobo. Mi peteele biibi isu lele tana. Tabe ikam ma mbotŋana kini ambai som kat. ¹⁵ Tona ila ma iwi kartu ta, beken a ikam uraata pini. Ila to tomtom tina iŋgo i ma ila be imboro zin ŋge kini. ¹⁶ Mi ni ra, peteli ma isaana kat. Tabe irru zaala be ikam ŋge kini kizin risa ma ikan be ikoto keteene pa. Tamen tiyok pini som.

¹⁷ “Imbotmbot ma ŋgar kini ipet, to itwer la pa mboti ki tamaana zinan mbesoŋo kini. Iso: ‘A tina ko! Taman mbesoŋo kini na, iŋga tikan tikan ma som, mi ka lwoono isu imborene. Mi nio tiŋgi, iŋgi be aŋmeete pa koŋ kini i. ¹⁸ Kena ko aŋmanŋa ta buri mi aŋla ki taman. Mi sombe aŋla aŋpet kini, to aŋso pini ta kembei. Aŋso: Taman, nio aŋkam sanaana pa Anutu mataana, mi aŋkam ŋoobo mbulu pu. Nio sananŋon kat. ✧

¹⁹ Tana kozo paata yo be lutum mini pepe. Mi parei, ko irao yok pio be aŋkam uraata pu kembei mbesoŋo?’

²⁰ “Tona ni iman̄ga na imiili ma ila ki tamaana. Iwwa ma ila na, molo mi tamaana ire la pini. Ikilaali, to leleene isaana pini mi iloondo ma ila. Ila to, isou i mi itan̄. ²¹ To ni iso pa tamaana. Iso: ‘Taman̄, nio an̄kam sanaana pa Anutu mataana, mi an̄kam ŋoobo mbulu pu. Nio sanan̄ŋon̄ kat. Tana kozo paata yo be lutum mini pepe.’

²² “Tamen tamaana iyembut sua kini, mi iboobo zin mbesoon̄o kini ma timar, mi iso pizin. Iso: ‘Loŋa mi kakam mburu ndabok̄ŋana kat imar be lutun̄ izeebi pa. Mi kakam kukuugu tio isala namaana, mi kakam kumbu keteene ila kumbuunu.

²³ Mi kala ma kere mbili ndekndek̄ŋana tasa, to kupuni be takam kini biibi mi lelende ambai pini.

²⁴ Pa lutun̄ ti, iti toso ko ni imeete ma ila ne kek. Tamen ni imeete som. Mataana yaryaara, mi koozi imar ipet mini. Ni, toso ko imbirizi kek. Tamen som. Koozi tendeen̄ji mini.’ Tana tilup zin ma tikan kini mi menmeen zin. ☆

²⁵ “Tikamam, mi lutuunu ta kolman̄ŋana i, imbot mokleene mi imar. Iwwa ma imar igarau ruumu, mi ileŋ tizze kombom mi tirakrak ma kal̄ŋan iza-lla. ²⁶ Tabe imar na, iboobo mbesoon̄o ta, mi iwi i. Iso: ‘In̄ga wal kal̄ŋan izalla paso? Uraata sa?’

²⁷ Mi mbesoon̄o ipekel kal̄ŋaana ma iso: ‘E, tomom leleene ambai kat mi ipun mbili ndekndek̄ŋana ta. Pa tizim ri ta toso ko imeete, ta imiili ma imar imbotmbot a.’

²⁸ “Tomtom kolman̄ŋana i ileŋ sua tana na, ke-teene malmal mi mburaana be ilela ruumu som. Tabe tamaana iyooto ma ipet kini, to iman̄man̄ji be ilela. ²⁹ Tamen ni ipekel tamaana kal̄ŋaana ma iso:

☆ **15:24:** Ep 2:1,5

‘Re. Ndaama ndaama ta tamar i, mi nio anʒooro la kalɲom pa tasa? Som. Nio anɲelmbel mbesooŋo pu. Mi nu kam kosa sa pio som. Mekmek lutu-unu sorokɲana tomuni, nu kam tasa pio bekenan niamɲan waenɲ bizin amkan mi menmeen yam pa? Som. ³⁰ Mi lutum tina, ni ila ma ziɲan moori zaala lwoono kan tipasaana koronɲ ku ma imap, mi imiili ma imar na, nu ŋgal mbili ndekndekɲana ma isala ki mini. Re. Mbulu ku tina indeeɲe?’

³¹ “To tamaana iso pini. Iso: ‘O lutuɲ, nu ituru ta tombotmbot i. Mi koronɲ tio ta boozomen, ina nu ku tau. ³² Mi tizim ri ta toso ko ni imeete ma ila ne kek, ta koozi imiili ma imar mataana yaryaara. Ni, toso ko imbirizi kek. Mi som. Koozi tendeenji mini. Tana sombe takam kini biibi mi menmeen ti pini, ina indeeɲe.’”

16

Sua tooronɲana pa mbesooŋo sananɲana ta iru zaala be imbot ambai pa kaimer

¹ Yesu ikam sua tooronɲana tiɲgi pizin nanɲanɲ kini. Iso: “Lwoono ta na, mbio uunu ta, ni le mbesooŋo ta imborro koronɲ kini. Mi biibi kini ilenɲ kembei mbesooŋo tana ikamam kat uraata som, ² to iboobi ma imar, mi iso pini. Iso: ‘Lak, nio anɲenɲ sua pakan pa uraata ku, mi anɲute som: Ko ŋonoono, o ŋonoono som? Tana uraata ta kamam na, karau men mi beede ka sua ise ro, mi kam ma imar be anɲiiri. Pa iɲgi be nu map pa uraata i.’

³ “Mbesooŋo imbot ma som, to iso pa itunu. Iso: ‘Wai, iɲgi ko anɲkam parei? Pa iɲgi be biibi tio iyembut yo pa uraata i. Mi nio mburonɲ irao be anɲkam uraata mat kana som. Mi koɲ mianɲ be

anşuŋ zin wal pa leŋ pat.’ ⁴ Imbotmbot mi irru ŋgar. To ŋgar ta ipet pini. Tana iso: ‘Aa, buri! Motoŋ iŋgal zaala ta kek. Ingi ko ankam mbulu tabe ikam zin tomtom ma lelen ambai pio. Beso anmap pa uraata, tona tomtom pakan ko tiboobo yo ma anla ruumu kizin mi anbot se kizin.’

⁵ “Tana imanğa na iso la pizin wal tataŋa ta len mbun imbot la ki biibi kini na be timar. Tomtom mataana kana imar ipet kini na, mbesoŋo iwi lae pini. Iso: ‘Ai, nu mbun ku piizi?’ ⁶ Mi ni ipekel ma iso: ‘Ŋgere kesŋana tomtu lamata.’

To iso pini: ‘Is, kam mbun ku ka ro ti, mbulem su, mi beede karau tomtoru laamuru men ise. Mi pakan imborene.’ ⁷ To iwi lae pa toro. Iso: ‘Mi nu na, mbun ku piizi?’

Ni ipekel ma iso: ‘Bek tomtu lamata ta bokbok pa kini wit.’

To mbesoŋo iso pini: ‘Is, kam mbun ku ka ro ti, mi beede tomtu paŋ men ise. Mi tomoota imborene.’

⁸ “Biibi ileŋ mbesoŋo kini sananŋana tana urunu, to iwit zaana. Paso, ni ikam kat ŋgar mi indeeŋe zaala tabe imbot ambai pa.

“Tomtom ta titoto ŋgar ki toono na, tilip pa zin wal ta timbot la mat ki Anutu leleene. Pa zin wal toono kan na, len ŋgar biibi mi tiute kat zaala tabe tikam mbotŋana ambainana isu toono. Mi ŋgar tana, ta ikamam peeze pizin pa mbulu ta tiparkamam pizin. ✧

⁹ Tana niom ta kembena. Kuru zaala be kombot ambai. Karai koroŋ tiom ki toono pizin tomtom. Naso lelen piom. Mi sombe koroŋ ta boozomen ki

✧ **16:8:** Yo 12:36; Ep 5:8; 1Tes 5:5

toono imap, tona tikam yom raama lelen ambai, mi kala muriyom ta saamba a, mi kombotmbot ma alok. ✧

Koroŋ saamba kana ta koroŋ ŋonoono.

¹⁰ “Tomtom ta sombe mataana ise mi imboro kat koroŋ musaana, nako irao imboro koroŋ biibi tommini. Mi tomtom ta sombe ikam pakaamŋana mi ipasaana koroŋ musaana, nako ipasaana koroŋ biibi tommini. ✧

¹¹ Tana niom sombe komboro kat koroŋ toono kana som, inako Anutu indemeere yom pa koroŋ ŋonoono ki saamba be parei? ¹² Mi parei, sombe tomtom sa iur koroŋ kini ima be komboro, mi sombe komboro kat som, na asiŋ ko ikam leyom koroŋ ŋonoono ma ima be komboro? Som.

¹³ “Tomtom sa ko irao be imbeeze kat pa bibip ru na som. Pa ina ko iur leleene pa ta, mi ileŋ la sua kini. Mi toro, nako iur koi pini mi irepiili i. Tana niom sombe kembeeze pa Anutu mi koroŋ sa ki toono, nako karao som.” ✧

¹⁴ Zin tutu kan na, matan moniŋan. Tana tilen sua ki Yesu tana, to tikam sua repiiliŋana pini. ¹⁵ Tabe Yesu iso pizin: Iso: “Niom kaka-mam mbulu tiom ambaimbaiŋan ilala tomtom matan bekena tire yom kembei wal ndeenŋoyom. Tamen Anutu, ni iute leleyom ma imap. Mi kelen! Koroŋ ta tomtom tire kembei koroŋ ŋonoono mi tipakur, ina Anutu ire kembei koroŋ sananŋana kat, mi leleene pa risa som. ✧

Tutu ki Anutu mi peeze kini

✧ **16:9:** Mt 6:19+; Lu 12:33 ✧ **16:10:** Lu 19:17+ ✧ **16:13:** Mt 6:24 ✧ **16:15:** Mbo 7:9; Mt 23:28; Lu 10:29, 18:9+

16 “Tomtom timbot la zaala ki Mose ziŋan Anutu kwoono bizin ma imar imiili su ta Yoan ikam yok pizin tomtom. To peeze ki Anutu ipet mat, mi ka tomtom bizin timaŋga be tisoyaara uruunu. Tanata tomtom tikam kaisiigi mi tirru zaala be timbot lela peeze kini mi tilela kar kini. ☆

17 “Saamba mi toono ko timbiriizi ma tila len. Tamen tutu ka bude kimbiŋana risa ko irao imbiriizi ma ila lene na som. ☆

18 “Tomooto sa sombe iziiri kusiini ma ila lene, mi iwoolo moori toro, na ni ipasaana ula ka tutu. Mi sombe tomooto sa iwoolo moori ta kusiini iziiri i na, na ni tomini ipasaana ula ka tutu.” ☆

Mbio uunu mi Lazarus

19 Yesu ikam sua tooroŋana tiŋgi. Iso: “Kembei ta mbio uunu ta. Aigule ta boozomen, ni irru pa mburu totoŋan ta ŋgezeŋana kat. Mi mbotŋana kini na, ambai komboono. Mi imbomboorene ta kembei. 20 Mi tomtom sorokŋana ta, ni imbotmbot tomini. Zaana Lasarus. Ni mbetmbeete iloli ma sik, mi ila ikenne su mbio uunu tana kataama kini kwoono. 21 Pa peteli ma isaana. Tana ilala tina be ikanan ka kini muunu ta itoptop pa mbalia ki mbio uunu mi tiwirri pera mat na. Ni imbotmbot tina, mi me tilala be tinemnem mbetmbeete kini.

22 “Ikamam ta kena kena ma ra, imeete. To aŋela tikami ma isala saamba, mi tiuri la muriini ndabokŋana ta imbot isu Abaraam zilŋaana uunu. Mi mbio uunu tomini, ni imeete ma titwi i.

23 “Mi isula Andewa ma ire yoyouŋana biibi kat. Be mataana isala kor na, ire la pa Abaraam ziru

☆ **16:16:** Mt 11:12+; Ro 10:4 ☆ **16:17:** Mbo 119:89; Yesa 40:8; Mt 5:18; Lu 21:33; 1Pe 1:25 ☆ **16:18:** Mt 5:32, 19:9; Ro 7:2+; 1Kor 7:10+

Lasarus timbutultul ma timbotmbot. ²⁴To iboobo. Iso: ‘Oo taman̄ Abaraam, muṅai yo lak! Ngo Lasarus ma imar iur nama lutuunu isula yok, mi ipembeze mion̄ risa. Pa in̄gi an̄re yoyouṅana biibi isu you tin̄gi.’ ✧

²⁵Tamen Abaraam iso: ‘Ooi lutuṅ, motom la pa mbotṅana ku ta kam su toono na. Ambai komboono. Mi Lasarus na, imbot ṅoobo kat. Tana buri, ni leleene ndabok mi imbotmbot ambai su kar taṅgi, mi nu rre yoyouṅana biibi isu tana.’ ✧

²⁶Mi re lele sipkatṅana biibi ta imbotmbot la mazwanda i. Sombe tomtom tiam tasa leleene be ima, nako irao som. Mi niom ta kembena, tiom tasa ko irao imar ti na som.’

²⁷“To mbio uunu itan̄roro i ma iso: ‘O taman̄, kena ṅgo Lasarus ma imiili ma isula ki wal tio ta timbot taman̄ ruumu kini na, ²⁸bekena isope zin. Pa tizin̄ bizin lamata, ta timbotmbot a. Kokena timar sorok lele tin̄gi. Pa lele tin̄gi ambai som kat.’ ✧

²⁹Mi Abaraam iso pini ta kembei. Iso: ‘Mi tizim bizin tiute sua ki Mose mi Anutu kwoono bizin pakan kek. Sombe tilen̄ la kalṅan, inako timbot ambai.’ ✧

³⁰“Mi mbio uunu ipekel mini ma iso: ‘E-e taman̄, ina irao som. Bela tomtom meeten̄ana sa iman̄ga, mi ila ma iso zin, tona tiurla mi titooro lelen.’

³¹Tamen Abaraam iso: ‘Ina na som. Sombe tilen̄ la Mose zin̄an Anutu kwoono bizin kalṅan som, nako irao tiurla ki tomtom ta burup ma iman̄ga pa naala i som tomini.’ ” ✧

✧ **16:24:** Yesa 66:24; Mk 9:48 ✧ **16:25:** Mbo 17:14; Lu 6:24

✧ **16:28:** Ngo 2:40 ✧ **16:29:** Yesa 8:20; Yo 5:39-47; Ngo 15:21

✧ **16:31:** Yo 11:44+, 12:10+

17

Watjana ka sua

(Mt 18:6-7,21-22; Mk 9:42)

¹ Yesu iso pizin nanjan kini ta kembei. Iso: “Watjana boozo kola indeene zin tomtom, mi ikam zin ma titop pa sanaana. Mi tomtom ta sombe iwe zaala pa tomtom toro be itop pa sanaana, na ra, tembeli kek. ² Sombe tikam pat biibi ma timbit ila ngureene, mi tila tipundu i sula mozo lukutuunu ma ila lene, to ambai. Kokena imbot, to iwe zaala pa zin nanjan poponjan taingi ma kizin tasa itop pa sanaana. ³ Tana motoyom ingalngal ituyom!

“Tonmatizij ku tasa isombe ikam njoobo mbulu sa, na yaambi. Mi sombe ilej la kaljom mi itoro leleene, to motom mbiriizikaala sanaana kini mi lelem ambai pini. ✧

⁴ Sombe ni ikam njoobo mbulu pu pa lamata mi ru pa aigule tamen, mi imama mi izzo pu ta kembei: ‘Nio lelej ipata pa mbulu ta ankam pu na,’ to motom mbiriizikaala sanaana kini mi lelem ambai pini mini.”

⁵ To ngonana kini timanga mi tiso pini. Tiso: “Merere, nakena kozo pombol urlajana tiam ma imbol kat!”

⁶ Merere ipekel kaljan ma iso: “Niom sombe leyom urlajana risa, inako karao be koso pa ke biibi tingi ta kembei: ‘Puru itum, mi la mender sula mozo lukutuunu.’ Mi ke tana ko ilej la kaljoyom. ✧

Mbesoonjo ki Merere ko ikam mbulu pareijana?

✧ **17:3:** Mt 18:15; Ep 4:32; Yems 5:19+ ✧ **17:6:** Mt 17:20; Mk 11:23

7 “Kozobe lem mbesoonjo sa ta ikelel toono pu, som imborro mbili ku, mi sombe rou ma uraata kini imap, mi imar pa ruumu, nako so parei pini? Ko lonja men mi so pini be ila keteene su mi ikan ka kini? 8 Som. Nu ko so pini ma sombe: ‘La, kelu mi urpe koŋ kini, mi mbesmbeeze pio ma ankan ma anwin munju, mana nu kadoono ketem su mi kan kom.’ ✧ 9 Mi parei? Sombe mbesoonjo ku tana ileŋ la kalŋom, mi ikam uraata ta boozomen tana, ko iur mataana pu be pakuri? Som. Pa ina ni uraata kini. 10 Ina raraate men piom. Sombe kakam uraata boozomen ta Anutu iur ma nomoyom, na kozo koso men ta kembei. Koso: ‘Amkam mbulu sa tabe tipakur yam pa i na som. Pa niam inŋi mbesoonjo sorok ki Anutu. Tabe motoyam inŋalŋgal uraata tiam mi amkamam.’ ” ✧

Yesu iurpe tomtom laamuru ta mbetmbeete sananjana ikam zin

11 Yesu iwwa be isala pa Yerusalem. Mi ila ma indeeŋe lele pakaana ki Samaria mi Galilea kan kambasa, to isombe ilela kar ta. 12 Iwwa ma ilela, mi tomtom metenjan laamuru ki kar tana tise kini. Zin tina mbetmbeete sananjana ikam zin. 13 Tana timbot molo, mi tiboboobo la pini ma tiso: “Yesu, biibi tiam, munjai yam lak!” ✧

14 Yesu ire zin, to leleene isaana pizin ma iso: “Kala ma koso ituyom pizin patoronjana kan.” Tana tizemi, mi tipa ma tila. Tiwwa pa zaala lwoono, mi mete iko pizin ma kulin inŋeeze. ✧

✧ **17:8:** Lu 12:37 ✧ **17:10:** Mt 25:30; 1Kor 9:16+ ✧ **17:13:** Wkp 13:45+ ✧ **17:14:** Lu 5:14

¹⁵ To kizin ta i, ire itunu kembei kuliini ingeeze na, kaljaana izalla mi iwidit Anutu uruunu, mi imiili ma ila ki Yesu mini. ¹⁶ Ila ipet kini, to itop su kumbuunu uunu, mi ipakuri raama leleene ambai kat. Mi tomtom tina, ni Yuda som. Ni ki Samaria. ☆

¹⁷ Tabe Yesu iso: “Wai, niom tomtom laamuru, ta anjurpe yom ma kuliyom ingeeze na. Mi lamata paŋ tila parei? ¹⁸ Parei ta lele toro ka tomtom taiŋgi itutamen imiili ma imar be ipakur Anutu zaana?” ¹⁹ To Yesu iso pini. Iso: “Manga mi la raama lelem ambai. Pa urlaŋana ku, ta iuulu u.” ☆

Peeze ki Anutu ko ipet mat ŋiizi?

²⁰ Zin tutu kan pakan timaŋga mi tiwi Yesu ma tiso: “Peeze ki Anutu ko ipet mat ŋiizi?”

Yesu ipekel kwon ma iso: “Peeze ki Anutu ko ipet mat be tomtom tire pa matan na som. ²¹ Tana tomtom sa ko irao iso: ‘Kere. Peeze ki Anutu tis’, o ‘imbot taŋga,’ na som. Pa peeze ki Anutu imbot la leleyom.” ☆

Nol ki Tomtom Lutuunu be imiili (Mt 24:23-28,37-41; Mk 13:14-23)

²² Yesu iso pizin nangaŋ kini. Iso: “Mazwaana sa kola imar. Tona niom ko kakam siliigi be loŋa kere nol ki Tomtom Lutuunu ipet. Tamen ko loŋa kere na zeen. ²³ Tana kere yom. Pa wal pakan kola tiso piom ta kembei: ‘A, kere itunu tis!’, som ‘Itunu taŋga!’ Tamen niom kelenj la sua kizin pepe, mi kala kagaaba zin pepe. ☆

☆ **17:16:** Yo 4:9 ☆ **17:19:** Mt 9:22; Lu 7:50 ☆ **17:21:** Yo 18:36; Ro 14:17 ☆ **17:23:** Lu 21:8; 2Tes 2:1

24 Pa sombe nol ki Tomtom Lutuunu ipet, inako ni isu kembei ta lolo niini iyaara ma ikakat saamba. ☆

25 Tamen mbulu tana ko ipet loŋa na zen. Pa bela Tomtom Lutuunu imbot mi ibaada pataŋana boozomen. Mi tomtom ta koozi timbotmbot i kola tititi. ☆

26 “Nol kini isombe igarau, nako tomtom tika-mam mbulu raraate men kembei ta mazwaana ki Noa na. ☆

27 Indeeŋe tana, tomtom matan lawelawe, mi tikanan ma tiwinin, mi tiparwolwoolo zin, ma ila indeeŋe kat aigule ta Noa ilela woŋgo. Tona nonor ipet ma ipambiriizi zin ma timap ma tila len.

28 “Mi ina ko raraate kembei ta mazwaana ki Lot na tomini. Pa indeeŋe tana, tomtom tikanan ma tiwinin, tiparŋgimgiimi koronŋ kizin, tiwaswaaza kini, mi tiwwo ruumu ma ila 29 indeeŋe aigule ta Lot izem kar Sodom. To you raama ka kakoi ta kuziini sananŋana kat na, imbot saamba mi baram baram su, mi ipambiriizi zin ma timap ma tila len. ☆

30 Mi nol ki Tomtom Lutuunu tabe iswe mburaana ma ipet mat i, ko raraate men tau. ☆

31 “Nol tana isombe ipet, mi sombe tomtom sa imbot ruumu kini ka pooto, na irao imiili ma ilela ruumu be iyo mburu kini na pepe. Mi sombe tomtom sa imbot mokleene kini mi ikamam uraata, na ni ta kembena. Irao imiili ma iyo mburu kini na pepe. ☆

☆ 17:24: 1Tes 4:16+ ☆ 17:25: Mk 8:31; Lu 9:22 ☆ 17:26: Un 6:5–7:1 ☆ 17:29: Un 18:20–19:25; 2Pe 2:6; Yud 7 ☆ 17:30: 2Tes 1:7+ ☆ 17:31: Mt 24:17+; Mk 13:15+

³² Pa motoyom ingal mbulu ta ipet pa Lot kusiini na. ✧

³³ Tomtom ta sombe ngar kini ilala pa mbotjana ki toono mi ikiskis, inako ila lene. Mi tomtom ta sombe ngar kini ilala pa mbotjana ki toono som, inako imbot ambai. ✧

³⁴ “Nio anso piom. Indeenje mbenj tana, sombe tomtom ru tikeene sala mbalia ta, nako tiyake ta, mi tizem ta ma imbot. ✧

[³⁵ Mi sombe moori ru tikamam uraata ila mbata, inako raraate men. Tiyake ta, mi tizem ta ma imbot. ³⁶ Mi sombe tomooto ru tilup zin pa uraata su mokleene, nako tiyake ta, mi tizem ta ma imbot.”]

³⁷ Nanjanj kini tilej sua tana, to tiwi i. Tiso: “Merere, mbulu ta zzo pa i, ko ipet swoi?” Yesu ipekel kwon ma iso: “Kere. Lele ta sombe koronj buzaananjana sa imbotmbot pa, inako man ankor tila mi tindoundou pa be tikan.” ✧

18

Tusunj taparpaara. Naso tere nonono

¹ To Yesu ikam sua tooronjana tingi pizin nanjanj kini bekena ipaute zin be tisonj taparpaara, mi nin gesges pa pepe. ✧

² Iso: “Kembei ta kar ta, biibi kizin ta itirtiiri sua i, ni imototo Anutu som, mi ikamam ngar pizin tomtom som. ³ Mi kar tana na, ka nora ta imbotmbot tomini. Ni koronj to inoknok lalanjana ki biibi tana, mi itanroro i ta kembei: ‘Uulu yo pa sua tio lak! Mi ur kadoono pa konj koi.’

✧ **17:32:** Un 19:26 ✧ **17:33:** Mt 10:39; Lu 9:24; Yo 12:25

✧ **17:34:** Mt 24:40+; 1Tes 4:17 ✧ **17:37:** Mt 24:28 ✧ **18:1:** Ep 6:18; Kol 4:2; 1Tes 5:17

4 “Maŋaana molo ta ila kek na, ni inoknok ta kembei. Mi biibi tana leleene be ileŋi som. Ma kaimer to isu mi iso pa itunu ma iso: ‘Nio ti aŋmototo Anutu som, mi aŋkamam ŋgar pa tomtom sa som. 5 Tamen niŋ gesges kek pa norabi ti pataŋana kini ta imarmar tio pa i. Tana ko aŋre i mi aŋuuli pa sua kini. Kokena aŋuuli som, to inoknok ma ko ikelwai motoŋ ma isu lene.’ ” ✧

6 To Yesu iseŋge sua ma iso: “Lak, sua ta ti-iriŋana ka tomtom sananŋana tana iso na, kelenŋ kek? 7 Sombe tomtom sananŋana ta kembeia ileŋ norabi tana sua kini mi iuuli, na Anutu ko ikam parei pizin wal ta itunu ipeikat zin mi ikam zin ma tiwe lene na? Sombe zin titaŋroro i pa mbenŋ ma aigule, ko ileŋtut zin? ” ✧

8 Som. Ko loŋa men mi ikam mbulu ndeenŋana ma iuulu zin pa pataŋana kizin. Tamen wal urlaŋan ta kembei, sombe Tomtom Lutuunu imiili ma imar mini, ko indeeŋe sa imbot su toono?” ✧

Tapakur itundu pepe

9 Yesu ikam sua tooroŋana tiŋgi pizin wal pakan ta tire zitun kembei zin ndeenŋan, mi matan repilpiili tomtom pakan. ✧

10 Iso: “Lwoono ta na, tomtom ru tisala Urum Merere be tisunŋ. Ta na, tomtom tutu kana. Mi toro na, tomtom ta iyyo takesŋana i. 11 Ni ta tutu kana na, ila to, imender mi isunŋ la leleene ta kembei. Iso: ‘O Anutu. Nio leleŋ ambai kat pu. Pa nio ti mbulu tio ipa ndel pa wal pakan. Aŋkamam kuumbu som, aŋkamam ŋoobo zin tomtom som, mi

✧ 18:5: Lu 11:7+ ✧ 18:7: Mbo 88:1; Tur 6:10 ✧ 18:8: 2Tim 3:1+ ✧ 18:9: Lu 16:15

aŋbulmbuulu zin moori som. Mi nio kembei ta to ta iyyo takesɲana tinga na som. ✧

12 Nio ti aŋkamam katkat mbulu. Pa aigule ruruɲa ikot wik tataɲa na, aŋgalsek ituɲ pa kini kanɲana mi aŋzuɲzuɲ men. Mi koronɲ tio ta boozomen na, aŋpetpeete ma iwe uunu laamu-ruɲa, mi aŋkamam tataɲa ma iwe lem.' ✧

13 “Ni izzo ta kembei, mi tomtom ta iyyo takesɲana i, ilela to imbot lae zilɲaana. Mi mataana ise kor som. Ituundu mi itaɲ. Paso, leleene ipata pa sanaana kini. Tana iso men ta kembei: ‘O Anutu. Nio ti, tomtom sananɲonɲ. Muɲai yo lak!’ ” ✧

14 To Yesu iseɲge sua kini mi iso: “Nio aŋso kat piom: Tomtom ta iyyo takesɲana i, ta ikam kat mbulu pa Anutu mataana. Tana ni iyooto ma ila na, Anutu ire i kembei tomtom ndeeɲɲana. Mi ni ta tutu kana i, na som. Pa tomtom ta sombe ipakur itunu na, Anutu ko ikoto i. Mi tomtom ta sombe ikoto itunu, na Anutu ko ipakuri.” ✧

*Yesu ipombol zin nanɲaɲ munmun
(Mt 19:13-15; Mk 10:13-16)*

15 Tomtom pakan tikam pikin munmun ma tila ki Yesu bekena iteege zin. Mi nanɲaɲ kini tire zin, to timaɲga mi tiɲasaara zin.

16 Tamen Yesu iboobo zin pikin ma timar kini, mi iso: “Ai, kapakaala zin paso! Pa peeze ki Anutu ka tomtom bizin, ina ta kembei. Tana kezem zin ma timar. ✧

✧ **18:11:** Yesa 1:15; Tur 3:17 ✧ **18:12:** Mt 23:23 ✧ **18:13:** Mbo 51:1; Yesa 57:15 ✧ **18:14:** Lu 14:11; Ro 4:5; Yems 4:6; 1Pe 5:5+ ✧ **18:16:** 1Kor 14:20; 1Pe 2:2

17 Nio anso kat piom. Bela kotooro ngar tiom ma kewe kembei ta zin pikin, tona karao be kombot la peeze ki Anutu mi kelela kar kini.” ✧

*Mbio uunu ta ila ki Yesu
(Mt 19:16-30; Mk 10:17-31)*

18 Tomtom peeze kana ta kizin Yuda, ni imar ki Yesu, mi iwi i ma iso: “Mos katuunu, nu ambainom. Ko ankam parei mi Anutu ikam mbotjana mata yaryaaranana pio?”

19 Yesu ipekel kwoono ma iso: “Parei ta nu sombe nio ambainon? Anutu itutamen ta ni ambainana. Tomtom toro sa som. 20 Tutu, nu ute kek: ‘Pasaana ula pepe, pun tomtom ma imeete pepe, kem pepe, pombol sua pakaamjana pepe, mi lem nger pa tomom ma nom mi mbeeze pizin.’” ✧

21 To tomtom tana ipekel ma iso: “Wai, tutu sonana? Tutu ta boozomen tana, ta nanganjon mi anto anto ma imar indeenje koozi.” 22 Yesu ilej to iso: “Ambai. Mi koron tamen ta so kam, to imap. La mi kam ngomo pa koron ku ta munjana men, mi rai ka pat pizin wal ta sorrokjan i. Naso kam lem koron nonono su kar saamba. To mar mi to yo.” ✧

23 Tomtom tana ilej na, leleene ipata. Paso, ni le koron boozo kat.

24 Yesu ire kembei tomtom tana leleene ipata, to isu mi iso: “Zin wal ta mbio uunu na, inako ipata pizin be tiwe Anutu lene mi timbotmbot lela peeze kini leleene. ✧

✧ **18:17:** Mt 18:3 ✧ **18:20:** Kam 20:12+; Ro 13:9 ✧ **18:22:** Mt 6:19+; Lu 12:33; Ngo 2:45; 1Tim 6:17+ ✧ **18:24:** Lu 8:14; 1Tim 6:9+; Yems 5:1+

²⁵ Kere. Mbili sa isombe itoombo be iloondo pa sor sumbuunu, ko irao? Som. Mi zin mbio uunu na, ka ngar tamen tau. Sombe zitun titoombo be tiwe Anutu lene mi timbot lela peeze kini leleene, inako ipata kat pizin. Tirao som kat.”

²⁶ Tabe zin wal ta tileŋleŋ Yesu na, tisu mi tiso: “Wai, kena ko asiŋ tabe Anutu ikamke i ma imboto ambai?”

²⁷ Mi Yesu ipekel kwon ma iso: “Tomtom zitun sombe titoombo, nako tirao som. Mi Anutu na, ni itat pa kosa sa som.”

²⁸ To Petrus imanga mi iso: “Mi parei pa niam ti? Pa ingi amzem koron tiam ta boozomen ma imborene lup mi amtoto u i.” ✧

²⁹ Yesu iso pizin ma iso: “Nio aŋso kat piom. Tomtom sa sombe mataana ise pa peeze ki Anutu, mi izem ruumu kini, som kusiini, som toŋmatiziŋ kini, som tamaana ma naana, som lutuunu bizin, ³⁰ inako ikam kampeŋana biibi isu toono ma ilip kat pa koron ta izem na. Mi kaimer ko ikam mbotŋana mata yaryaaraŋana tomini.”

*Yesu iso mini pa meeteŋana kini ma iwe tel pa
(Mt 20:17-19; Mk 10:32-34)*

³¹ To Yesu ikam zin nangaŋ kini laamuru mi ru ma tilae, mi iso pizin. Iso: “Keleŋ. Ingi be tasala pa Yerusalem i. Mi sua boozomen ta Anutu kwoono bizin tibeede pa Tomtom Lutuunu na, kola iur ŋonoono. ✧

³² Pa ni ko tiuri ila zin wal ta Yuda somŋan i naman. Mi zin ko tipeŋeu i, mi tipamianji, mi tipureskaali. Mi ko tibalisi, mi tipuni ma imeete.

✧ **18:28:** Mt 4:19+; Lu 5:11 ✧ **18:31:** Mbo 22; Yesa 53:3+; Mt 16:21; Lu 24:44

³³ Tamen ko ka mbeŋ iwe tel pa, tona burup ma imanŋa mini pa naala.” ³⁴ Yesu izzo na, nanŋan kini tikam nŋar pa sua kini risa som. Pa ka uunu ike pizin.

*Yesu iurpe tomtom matapisŋana ta
(Mt 20:29-34; Mk 10:46-52)*

³⁵ Yesu ila igarau kar Yeriko, mi indeeŋe tomtom matapisŋana ta. Ni imbutultul su zaala zilŋaana be izunzun le koron. ³⁶ Mi ileŋ iwal biibi timar mabe tizemzemi ma tila, to iwi zin. Iso: “Ou, parei?”

³⁷ Mi zin tiso pini ta kembei: “Wai, Yesu ki Nasaret ta imar ma iŋgi be ila i.”

³⁸ Tomtom tana ileŋ, to kalŋaana biibi ma iso: “Yesu, Dabit Lutuunu, muŋai yo lak!”

³⁹ To zin tomtom ta muŋa kan i tiŋasaara miili pini be imaane. Tamen ni iboobo mini mi kalŋaana kat ma iso: “Oo Dabit Lutuunu, muŋai yo lak!”

⁴⁰ Tabe Yesu imender, mi iso pizin be tikami ma imar. Imar kolouŋana na, Yesu iwi i. Iso: ⁴¹ “Nu lelem be anŋkam parei pu?” Mi ni iso: “Merere, nio leleŋ be urpe moton mi anŋre lele.”

⁴² To Yesu iso pini ma iso: “Re lele lak! Uraŋana ku ta iuulu u.” ⁴³ To loŋa men, mi tomtom matapisŋana tana mataana ikam pak mi ire lele. Tana itoto Yesu mi ziŋan tila, mi ipakurkur Anutu zaana. Mi iwal biibi ta timbotmbot mi tire mos tina na, timap ma tipakur Anutu zaana tomini. ☆

19

Yesu ma Sakaius

¹ Yesu iwwa ma ilela pa kar Yeriko. ² Mi tomtom ta imbotmbot, zaana Sakaius. Ni biibi kizin wal ta tiyyo takesɲan i. Mi ni mbio uunu kat. ³ Sakaius tana leleene be iute Yesu ni tomtom pareiɲana. Tana ikam kinkiini be ire i. Tamen ni kumbuunu katɲana mete. Tabe irao ire i na som. Pa iwal biibi. ⁴ Tana iloondo ma imuunɲu ma ila to, ire ke ta. Tana isala ma imbotmbot, beso Yesu imar to ire i. ⁵ Yesu iwwa ma ila mi indeeɲe ke tana uunu. To mataana sala pa Sakaius, mi iso pini. Iso: “Sakaius, nol ku ta koozi be aɲma ruumu ku. Tana loɲa mi su.” ⁶ Sakaius ileɲ na, leleene ambai kat pa Yesu. Tana karaukarau ma isu, mi ikami ma ziru tila ruumu.

⁷ Tamen iwal biibi tire Yesu ikam mbulu tana na, irao lelen som. Tabe tikam ɲunuɲunuɲ pa ma tiso: “Wai, to ti ila ma iwe leembe pa tomtom sananɲana taɲga paso?”✧

⁸ Sakaius isu to iso pa Yesu. Iso: “Merere leɲ! Koronɲ tio, ko aɲpeete ma pakaana ila pizin wal sorrokɲan ta buri. Mi sombe aɲwatke leɲ koronɲ ki tomtom sa, nako aɲkot pa paɲ.”✧

⁹ To Yesu iso: “Koozi Anutu ikamke ruumu ti ka tomtom bizin kek. Pa tomtom ti, ni tomini Abaraam poponɲana kini.”✧

¹⁰ Mi Tomtom Lutuunu, ni imar be iru zin tomtom ta tisaɲsaɲ pa Anutu zaala kini na mibe ikamke zin.”✧

*Uraata ta Merere iur mar namanda na,
matanda iɲgal be takam
(Mt 25:14-30)*

✧ **19:7:** Lu 5:30, 7:34, 15:2 ✧ **19:8:** Kam 22:1+; Wkp 6:1+; Lu 3:13 ✧ **19:9:** Ga 3:7,29 ✧ **19:10:** Mbo 23; Ezek 34:11+; Lu 15:1+

¹¹ Indeeŋe tana, Yesu imar igarau kar Yerusalem kek. Mi ikamam sua pizin tomtom ma tileŋleŋ. Mi zin tiso ko molo som, to Anutu iswe peeze kini ma ipet kat mat. Tana Yesu ikam sua tooroŋana taiŋgi pizin.✧

¹² Iso: “Kembei ta tomtom ta. Ni zaana biibi, mi iso ila lele pakaana toro ta imbot molo na, be tiuri ma iwe king pa itunu lele kini. Ma ko kaimer to imiili ma imar mini. ¹³ Tana iboobo mbesooŋo kini laamuru ma timar, to irai pat milmilŋan ma irao zin makin, mi iso pizin. Iso: ‘Nio iŋgi be anla i. Mi pat ta ankam ma irao yom kek. Sombe anla anbotmbot taŋga, na niom bela kakam uraata pa pat tana, be ipeebe.’ Ni iso sua ma imap, to imaŋga pa pai ma ila.✧

¹⁴ “Mi tomtom tana, lele kini ka tomtom bizin lelen pini som. Tana tiŋgo wal pakan ma tito i ma tila pa lele molo tana, mi tiso ka sua ta kembei. Tiso: ‘Tomtom taiŋgi, niam leleyam be ni imboro yam ma iwe king piam na som.’✧

¹⁵ Tamen zin bibip ki lele toro tana tileŋ la kalŋan som. Mi tiur tomtom tana ma iwe king pa lele kini. Tona ni imiili ma ila kar kini mini. Ipet to, iso la pizin mbesooŋo kini ma timar be tiso i pa uraata kizin. Ko tiyaaru pat pispiziŋa pa pat ta muŋgu ni ikam pizin na.

¹⁶ “Tomtom mataana kana imar to iso: “Biibi, pat milmilŋana ta, ta ur mar tio, ta ankam uraata pa ma ipeebe laamuru tomen tis.’ ¹⁷ Biibi ileŋ to iso pini. Iso: ‘Yo barau! Nu mbesooŋo ambainom

✧ **19:11:** Nŋo 1:6 ✧ **19:13:** Ro 12:6+; 1Kor 12:7+; Ep 4:7-13

✧ **19:14:** Yo 1:11

kat. Pa motom seŋom mi kam kat uraata pa koronj musaari. Tana ko aŋuru ma mboro kar laamuru.*

18 “Mi mbesooŋo toro imar to iso: ‘Biibi, pat milmilŋana ta, ta kam mar tio ta aŋkam uraata pa ma ipeebe pat lamata tomen tis.’ 19 Tana biibi iso pini. Iso: ‘Kena ko nu mboro kar lamata.’

20 “Tona mbesooŋo toro ta iwe tel pa i, imar na iso: ‘Biibi, re pat milmilŋana ku ta tis. Nio aŋzuk pa kawaala pakaana taiŋgi, mi aŋturke lem koronj ma imbotmbot. 21 Pa nio aŋmoto u. Nu tomtom toro. Pa nu muŋaiŋai zin tomtom risa som. Mi mbotmbot se wal pakan uraata kizin tieene.’

22 “To biibi tana ipekel kwoono ma iso: ‘O nu tina, mbesooŋo sananŋom kat! Sua ta ipet pa itum kwom, ta iwe uunu pu be aŋgal motom mi aŋur kadoono pu. Pa nu sombe nio tomtom toro. Mi aŋmuŋaiŋai zin tomtom som. Mi nu so nio aŋbotmbot se wal pakan uraata kizin tieene na? 23 Nakena uunu parei ta nu ur pat tio tana ilela ruumu pat kana be ipeebe som? Naso aŋmar to aŋkam pat tio ŋonoono mi leŋ gegeene ri isala ki.’

24 “To iso pizin wal pakan ta timendernder kolouŋana na. Iso: ‘Pat ta imbot la to tina namaana, katatke pini, mi kakam la ki mbesooŋo ta itekteege pat laamuru na.’ 25 Mi zin ta timbotmbot na tiso: ‘E-e, biibi. Ina ila ki tomtom toro. Pa ni na, ikam laamuru kek.’ 26 Tamen biibi tana iyembut sua kizin ma iso: ‘Som. Pa nio aŋso kat piom: Zin wal ta sombe len koronj mi tikam uraata pa, inako tikam len koronj pakan ma isala ki. Mi tomtom ta

* 19:17: Mt 24:45+; Lu 16:10; 1Kor 4:2

so le koron ri, mi ikam uraata pa som, inako titatke koron tana pini, mi ni imbot sorok.*

27 Mi kon koi bizin ta lelen be anwe king mi anboro zin som na, kakam zin ma kamar, mi kakas zin su kereŋ uunu ma timap.’ ”

Yesu isala pa Yerusalem

(Mt 21:1-11; Mk 11:1-11; Yo 12:12-19)

28 Yesu ikam sua tooronana tana makin, to imanja mini ma imuungu, mi iwal biibi tito i ma zinan tisala pa Yerusalem. 29 Ila ila ma igarau pa kar Betpage mi Betania ta timbot pa abal Olib lwoono na. To ingo nanŋan kini ru be timuungu ma tisala. 30 Iso: “Kozo kasala pa kar ta imbot mar kembei. Beso kala kepet kar, to ko kere donki poponana ta, ta timbiti lae ma imbotmbot. Ina tomtom sa mbuleene ise ndemeene mi ipa pa zen. Kuputke i, mi kakami ma kimiili ma kusu. 31 Mi sombe tomtom sa iwi yom ma iso: ‘Wai, ina uunu parei ta kuputke i na?’ To koso ta kembei: ‘Merere, ni le uraata ri pini.’ ”

32 Beso ziru tila na, tire koron ta boozomen timbotmbot la murin kembei ta ni iso na. 33 Tila ma tiputkewe donki, mi katuunu bizin tiso la pizin ma tiso: “Ai, niomru kuputke donki tiam tana paso?” 34 To ziru tipekel kwon ma tiso: “Merere, ni le uraata ri pini.”

35 Tiso ta kembei, to tikam donki ma tisula ki Yesu. To tikinke mburu kizin mat kana, mi tipeele sala donki ndemeene. Mi tiuulu Yesu be isala. 36 Ni ise donki ma ilala na, zin timuŋmuungu pini

* 19:26: Mt 13:12; Mk 4:25; Lu 8:18

mi tiwar mburu kizin mat kana su zaala beken a tipakuri.

³⁷ Tila ma tizirir pa dogo ma tisula be tisala mini pa Yerusalem, to zin iwal ta titoto i ŋan i, menmeen zin biibi kat. Mi timaŋga mi kalŋan izalla ma tipakurkur Anutu zaana. Paso, tikam ŋgar pa uraata bibip boozomen ta tire kek na.

³⁸ Tana kalŋan izalla ma tizzo:

“Merere ko ipombol king ti ma ikampe i!

Pa ni ikam Merere ruŋguunu ta imar i.

Anutu ta imbotmbot saamba a leleene iluumu pizin wal kini.

Tana tapakur zaana biibi ma isala kor kat!”[☆]

³⁹ Tabe zin tutu kan pakan ta ziŋan tiwwa i, tiso lae pa Yesu. Tiso: “Biibi, peteke zin nanŋaŋ ku be timaane lak!” ⁴⁰ Tamen Yesu iso pizin: “Wa! Kozobe zin wal taŋgi timaane, so pat timaŋga ma tikam orooro biibi.”[☆]

Yesu itaŋ pa Yerusalem

⁴¹ Yesu iwwa ma ila mi ire sala pa Yerusalem, to leleene isaana pa mi itaŋ. ⁴² Mi iso: “O niom Yerusalem koyom, koozi kozobe kuute zaala tabe kombot ambai pa i, so ambai. Mi iŋgi som. Pa zaala tana, ike piom.”[☆]

⁴³⁻⁴⁴ Tana mazwaana sa kola imar. To koyom koi bizin timar ma tiliu yom, mi tiurpe len zaala be tilema kar tiom. Mi ko irao koko na som. Pa tiliu yom kek. Tana ko timaŋga piom, mi tikas yom ramaki lutuyom bizin ma kamap lup. Mi ko tireege kar tiom ma isu lene. Ka koronŋana risa ko imbot se muriini mini som. Paso, Anutu, ni ima

[☆] **19:38:** Mbo 118:26; Lu 2:14; Ro 5:1; Ep 2:14 [☆] **19:40:** Hab 2:11 [☆] **19:42:** Mt 13:13+; Ro 11:8

piom kek be iuulu yom tau. Tamen niom kikilaali som.”✠

*Yesu iziiri zin tomtom pa Urum Merere
(Mt 21:12-17; Mk 11:15-19; Yo 2:13-22)*

⁴⁵ Yesu iwwa ma ilela siiri ki Urum Merere leleene, mi ire zin wal tikamam ngomo pa koron kizin. To imanɔgayaara zin, mi iziiri zin ma tipera mat, ⁴⁶ mi iso: “Tibeede sua ki Anutu pataaŋa kek ta kembei:

Urum tio, ina sunɔjana muriini.✠

“Tamen niom kakam ma iwe kembei sumbuunu ta zin kuumbu kan tikewe lela i!” ✠✠

⁴⁷ Indeeŋe mazwaana tana mi ila, Yesu keteene isu som. Aigule ta boozomen na, ilala Urum Merere mi ikamam sua pizin tomtom. Tabe zin patoronɔjana kan ziŋan zin ngarɔjan ki tutu mi zin peeze kan tirru zaala be tipuni ma imeete.

⁴⁸ Tamen tikam ma som. Pa iwal biibi timokorkor la kini be tileŋ sua kini.

20

*Zin bibip tiwi Yesu pa asiŋ ta iuri pa uraata kini
(Mt 21:23-27; Mk 11:27-33)*

¹ Aigule ta na, Yesu, imbotmbot lela siiri ki Urum Merere leleene, mi ikamam sua pizin tomtom mi izzoyaryaara uruunu ambainana pizin. Mi zin bibip kizin patoronɔjana kan, ziŋan zin ngarɔjan ki tutu mi zin peeze kan tilup zin mi tila tipet kini.

✠ **19:43-44:** Mika 3:12; Lu 21:6 ✠ **19:46:** Yesa 56:7 * **19:46:** Yesu iyaamba zin paso, koron ta tomtom tiŋgingiimi lela urum be tikam patoronɔjana pa i, na katuunu bizin tiurur kadon ma isala ta kor a. Mi tipase pa urum tana be ikamke zin pa Anutu kete malmal kana kini. ✠ **19:46:** Yer 7:11

² To tiso pini ta kembei. Tiso: “Ai, nu so yam lak. Uraata ta kamam na, nu zom pa? Mi asiŋ iuru pa?”✠

³ Yesu ipekel kwon ma iso: “Wiŋana tiom tana ambai. Mi nio aŋsombe aŋwi yom pa tio ta i. ⁴ Lak, Yoan ta muŋgu ikamam yok pizin tomtom na, asiŋ iuri pa uraata kini? Ni ta imbotmbot saamba a, som zin tomtom?”

⁵ Mi zin tipekel karau som. Tiparwwi zin ma tiso: “Wai, iŋgi kozo ko toso parei? Pa sombe toso: Ni ta imbotmbot saamba a iur Yoan pa uraata kini, to ni ko iso piti ta kembei: ‘Kena parei ta niom kuurla kini som?’ ⁶ Mi sombe toso: ‘A Yoan, tomtom tiuri pa uraata kini’, ina kozo ko iwal biibi ti timaŋga piti mi tipun ti pa pat. Pa timap ma tiurla kat ta kembei: Yoan ni Anutu kwoono ŋonoono.”✠

⁷ Tana zin tiso: “Ii, niam ti amute som. Yoan uraata kini tana imar ki parei?” ⁸ To Yesu kadoono isu mi iso pizin ta kembei: “Kenako nio tomini, irao be aŋso yom pa Ni ta iur yo pa uraata tio i na som.”

*Sua tooroŋana pa zin wal uraata kan
(Mt 21:33-46; Mk 12:1-12)*

⁹ Tona Yesu imaŋga mini mi ikam sua tooroŋana taŋgi pizin iwal. Iso:

“Kembei ta tomtom ta, ni ipaaza ke baen isula toono kini, mi izem la kizin uraata kan naman be matan pa. To imaŋga ma izem kar kini, mi ila imbot lele pakaana toro.✠

✠ **20:2:** Yo 2:18; Nŋo 4:7 ✠ **20:6:** Mt 14:5; Lu 7:29 ✠ **20:9:** Mbo 80:8+; Yesa 5:1+

10 Imbot imbot ma indeenje mai ki baen kejana, to ingo mbesoonjo kini ta ma ila kizin uraata kan, bekena ikam kana baen nonon pakan ma imar. Tamen mbesoonjo kini tana iwwa ma ila mi ipet kizin uraata kan na, tibalisi. To tiseri ma namaana men mi imiili ma ila ne. 11 Tona baen katuunu ingo mbesoonjo kini toro ma ila. Tamen ni tomini, tibalisi mi tipamianji. To tiseri ma namaana men mi imiili ma ila ne. 12 Tona baen katuunu ingo mbesoonjo kini toro ma iwe tel pa ma ila. Beso ila ipet na, ni tomini, tipuni tipuni ma runguunu isaana, to tiseri ma ila ne.

13 “Baen katuunu ire ma som, to isu na iso: ‘Wai, a ingi kembei men, mana ko ankam parei? Kenako ango itun lutun tamennana ila. Pa ni, nako len nger pini mi tipou i.’

14 “Tana ingo lutuunu ma ila. Beso ber na, molo mi, uraata kan tiparso pizin ma tiso: ‘Ouo, kere. Inga biibi itunu lutuunu ta imar a. Ni tabe imender pa koron ti pa kaimer. Lak, kozo tupuni ma imeete. Naso koron ti imbot ma iwe lende.’✧

15 Tana ni ipet, to tiyaaru tataati pera siiri nde-meene, mi tipuni ma kup.”✧

Yesu iso sua tana ma imap, to iwi zin. Iso: “Lak, ina kozo ko baen katuunu ikam parei pizin wal tana? 16 Ni kola imar mi ikas zin ma timetmeete lup, mi ikam baen lene kini tana ma iur la wal pakan naman be timboro kat.” Zin iwal tilej sua kini tana, to tiso: “E-e, so kembena pepe.”✧

17 To Yesu igeede zin mi iso: “Nakena ko parei pa sua ki Anutu ta isombe:

✧ 20:14: Mt 27:18 ✧ 20:15: Ibr 13:12 ✧ 20:16: Ngo 13:46, 28:28

Pat ta zin ruumu poŋana kan matan repiili mi
tipiri lae lene na,
pat tamen tana, ta ko tipamender ruumu sala ma
imbol. ☆

¹⁸ Mi wal ta so titutkat zin sala pat tana, inako
tisaana kat. Mi sombe pat tana itop sala ŋwan ma
ipun zin, inako tiron murummurum ma imap.”☆

¹⁹ Zin ŋgarŋan ki tutu ziŋan zin bibip kizin pa-
toronŋana kan tileŋ sua tooronŋana tana na, tiki-
laala kembei Yesu iso sua tana ise kizin tau. Tana
tisombe tikiskisi pataaŋa. Tamen timoto kan pizin
iwal biibi. Tabe tikami som.

Wiŋana pa takes piriŋana
(Mt 22:15-22; Mk 12:13-17)

²⁰ Zin ŋgarŋan ki tutu ziŋan zin bibip kizin pa-
toronŋana kan tirru Yesu le uunu. Tana tiŋgo
tomtom pakan ta tipakaam kembei zin lelen kat
be tileŋleŋ sua ki Yesu. Tamen zin tila be tireuti
mi titoombi pa wiŋana pakan. Beso ipekel ŋoobo
sua, to iwe le uunu be tiuri ila gabana ki Rom
namaana. ²¹ Tana zin pautu tana tila ma tiso lae
pa Yesu. Tiso: “Mos katuunu, niam amute: Nu
nin tomtom sa som, mi lae ki tomtom sa som. Nu
tomtom ki zzo sua ŋonoono men, mi paute katkat
zin tomtom pa Anutu zaala kini. ²² Tana so yam
lak. Tutu kiti iso parei? Iti sombe tigiibi takes ila
ki Kaisa, ko indeeŋe, som som?”

²³ Tamen Yesu, ni iute pakaamŋana kizin kek.
Tana isu mi iso pizin. Iso: “Pat ta tiwirri pa takes
na, kakam tasa imar ma aŋre.” ²⁴ Tikam ta ila kini,

☆ **20:17:** Mbo 118:22 ☆ **20:18:** Yesa 8:14+; Dan 2:34+

to iwi zin. Iso: “Lak, asiŋ runguunu mi zaana ti?”
To tiso: “Ina Kaisa tau.”

²⁵ To Yesu iso: “Tana. Koronj ta Kaisa zaana pa na, ambai be imiili ma ila ki itunu. Mi koronj ki Anutu, to ila ki Anutu.”☆

²⁶ Yesu ipekel ma len sua sa som. Timaane men. Pa titoombo be tipakaami ila iwal biibi matan, tamen tirao som.

Wal meeteŋan ko timaŋga mini, som som?

(Mt 22:23-33; Mk 12:18-27)

²⁷ Zin sadusi na, zin Yuda pakan ta tiurla kembei Anutu ko ipei zin meeteŋan ma timaŋga mini som. Tana Yesu imbotmbot, mi zin sadusi pakan timar kini mi tiwi i ta kembei. Tiso:☆

²⁸ “Mos katuunu, Mose ibeede tutu piti ta kembei: Sombe tomooto sa iwoolo moori ma tipeebe sa som, mi imeete, to tiziini bela iwoolo ka nooro. Beso ipeebe ma inŋi, to pikin ikel toono kolmanŋana ta imeete na.”☆

²⁹ Lak, lwoono ta na, tonmatiziŋ lamata mi ru. Timbotmbot ma munŋamunŋa iwoolo. Mi ikam kelŋana sa som, mi imeete. ³⁰ To tiziini ta ito i na ikam ka nooro. Mi tipeebe sa som, mi ni tomini ra, imeete. ³¹ To tiziini ta iwe tel pa na, ikam mbulu raraate men. Ta kembei kembei ma zin lamata mi ru tana, timetmeete lup. Mi len kelŋan sa som. ³² To kaimer na, moori tomini, ni imeete. ³³ Lak, indeeŋe mbeŋ kaimer ma zin meeteŋan tisombe timaŋga mini pa naala, nako moori tina iwe tomtom inŋoi kusiini? Pa zin lamata mi ru ta tiwooli na.”

☆ **20:25:** Un 1:27; Lu 23:2; Ro 13:7; 1Pe 2:17 ☆ **20:27:** Ngo 23:8

☆ **20:28:** Lo 25:5

³⁴ Yesu ipekel kwon ma iso: “Zin tomooto ma moori ta timbot su toono ti na, tiparwolwoolo zin. ³⁵⁻³⁶ Mi zin wal ta Anutu ire zin kembei wal ndeenjan, mi ipei zin ma timanga mini be timbot kar kini, nako irao be tiwoolo mini som, mi timeete mini som. Pa zin ko kembei ta zin anjela. Mi manganana kizin ta ko iswe kembei zin Anutu lutuunu bizin.✧

³⁷ Mi niom na, sombe kakam kat ngar pa sua ki Mose, so kikilaala kembei Mose tomini iso zin meetenjan ko timanga mini. Ingi anso pa sua ta ni ibeede pa mazwaana ta Anutu ipet kini na. Indeenje tana, Anutu iwe kembei you ta ikanan la ke leleene na, mi iso pa Mose ma iso: Nio ingi Anutu ki Abaraam, Isak, mi Yakop.✧

³⁸ Sua tana iswe kembei zin matan yaryaara ma timbotmbot raama Anutu. Mibe timeete ma tila len kat, so ni irao ipaata itunu be Anutu kizin na som. Pa Anutu wal kini ta boozomen na, timbotmbot matan yaryaara men. Irao meetenjana ikis zin na som.”✧

³⁹ Zin ngarjan ki tutu pakan tilej sua ki Yesu tana, to timanga na tiso: “O mos katuunu, pekelnana ku tana ambai kat.” ⁴⁰ Tana kaimer tomtom tiwi i pa kosa sa mini som. Pa timoto.

Mesia ko iyooto pa Dabit be parei?

(Mt 22:41-46; Mk 12:35-37)

⁴¹ Yesu imanga to iwi zin. Iso: “Lak, parei ta tisombe Mesia, ko iyooto pa king Dabit poponana kini? ⁴² Pa Dabit itunu ibeede sua ise ro ki mboe ta kembei:

✧ **20:35-36:** Yo 1:12; 1Kor 15:42,49,52 ✧ **20:37:** Kam 3:6; Ngo 7:32; Ibr 11:16 ✧ **20:38:** Ro 6:10+, 14:8+

Merere Anutu iso pa Biibi tio.

‘Mar mbulem su ta nomoŋ woono,

⁴³ ma irao aŋkoto kom koi bizin ma mburan imap
kat,

mi kumbum ise ŋguren.’[☆]

⁴⁴ Tana Dabit itunu ipaata Mesia be Biibi kini.
Lak, popoŋana sa ki Dabit ko irao be ilip pini be
parei?”

Mbulu pakurŋana kizin ŋgarŋan ki tutu

(Mt 23:1-36; Mk 12:38-40; Lu 11:37-54)

⁴⁵ Iwal biibi timbotmbot, mi tileŋ Yesu iso pizin
nanŋaŋ kini ta kembei. Iso: ⁴⁶ “Motoyom iŋgalŋgal
ituyom pizin ŋgarŋan ki tutu. Pa zin lelen be
tirru pa mburu kizin ta mololo i. Mi tiwwa pa
kar keteene, bekena tomtom tire zin mi tiso sua
pakurŋana pizin. Mi sombe tilela pa lupŋana muri-
ini, som tila pa kini kanŋana, to loŋa mi tiserseere
ma tila be mbulen se mbalia mataana kana ta
zin wal zanŋan murin na. ⁴⁷ Mi zin koroŋ to
tiwadatkewe zin noroŋa, bekena tikem len ruumu
kizin ramaki mburu kizin. Mi tipakamkaam ma
tikamam sunŋana molo. Tana kadoono tabe tikam
pa mbulu kizin tana, ko sorok som kat.”

21

Nora ta ipiri pat sula Anutu pelpeele kini

(Mk 12:41-44)

¹ Yesu imbotmbot mi mataana ila na, ire zin
mbio uunu ta tiurur pat izulla kolekta muriini i.

² Molo som na, ire nora ta. Ila to ipiri pat siŋsiŋŋan
ru ta munmun i. ³ Ire i, to iso: “Ai, kere nora

[☆] **20:43:** Mbo 110:1; Nŋo 2:34+; 1Kor 15:25; Ibr 1:13

tuunu tɪŋga. Nio aŋso kat piom. Pat ta ni ipiri sula kolekta na, ilip pa zin tomtom ta boozomen tɪŋgi. ⁴ Paso, zin pakan na, koronj kizin boozo imbotmbot mi tipiri rimen. Mi ni na som. Pat kini ri tabe imboro i, ta imap lup ma isula. Tana itunu ko imbot sorok.” ☆

*Yesu iso pa Urum Merere reegeŋana
(Mt 24:1-2; Mk 13:1-2)*

⁵ Timbotmbot, mi nanŋaŋ kini pakan tisu to, kwon imbesmbeeze pa Urum Merere. Tiso: “Urum ta a, tipo ma tipenŋeeze pa pat ndabokŋan ta kan mos yaryaaraŋan ma ambai kat! Pa tomtom boozomen lelen ambai pa Anutu tabe tipiri naman pa.”

⁶ Tana Yesu isu to iso pizin. Iso: “Kere. Koozi iti tombotmbot mi tere la pa urum tɪŋga. Mi talala ma sombe ka nol ipet, to tireege ma isu lene. Ka koronjana risa ko imbot se muriini mini na som.” ☆

*Pataŋana boozo kola iwedet mana urum reegeŋana
(Mt 24:3-14; Mk 13:3-13)*

⁷ Tabe zin tiwi i. Tiso: “Mos katuunu, sua ta so pa urum reegeŋana na, ko iur ŋonoono ŋiizi? Mi sombe ka nol igarau, inako ka kilalan pareiŋana?”

⁸ To Yesu ipekel kwon ma iso: “Motoyom inŋanŋal ituyom! Kokena wal pakan tipandelndel yom. Pa wal boozo kola timanŋa mi tipaata sorok nio zon mi tiso: ‘Ulaanŋa tabe imar i, na nio tau’, mi ‘Toono swoono ka nol, ta inŋi be ipet i.’ Tamen

niom sombe kelej sua ta kembei, na koto zin pepe.

✧

9 Mi sombe kelej malmal bibip, som wal pakan ta tiparyanḡwiiri zin na urun, na keteyom guruk mi komoto pepe. Pa mbulu ta kembena kola iwedet. Mi toono swoono nako zen.”

10 To Yesu iseenge sua kini ma iso: “Pa toono ta boozomen ka tomtom bizin kola tiparkam malmal pizin. King ta ko ikam malmal pa king ki lele toro.

✧

11 Yenyeenge bibip kola itok toono. Mi peetele, mi mete sananḡan kola ipet pa lele pakan mi ipasaana kat zin tomtom. Mi uraata bibip matakiḡa kola ipet mi ipa sala maḡaanaḡana. Tana motoḡana biibi ko ikam zin tomtom. ✧

12 “Tamen uraata ta boozomen tina ko ipet zen, mi tikis yom ma tiseeze motoyom. Ko tipamender yom lela lupḡana murinmurin, mi tizeebe yom lela ruumu sanaana. Mi ko tikam yom ma tipamender yom la zin king mi zin bibip keren uunu tomini. Paso, niom kezzwe nio uruḡ mi kopombolmbol sua tio. ✧

13 Mi mbulu tana ko iwe zaala piom be kosoy-aara uruḡ pizin. ✧

14 Tana kuurpe ḡgar tiom pataḡa be kemender mbolḡana. Mi kuru ḡgar ma sua tabe koso i pepe. ✧

15 Pa nio ituḡ ko aḡpazal ḡgar mi sua piom. Tana ko kupumun koyom koi bizin kwon, mi kakam zin ma tiru zalan pa sua. ✧

✧ **21:8:** Ep 4:14; 2Tes 2:1+; 1Yo 4:1 ✧ **21:10:** Tur 6:3+
 ✧ **21:11:** Yoel 2:31; Tur 6:12+ ✧ **21:12:** Nḡo 16:23, 22:19,30,
 24:1+, 25:23+; 2Kor 11:24 ✧ **21:13:** Nḡo 4:5+, 9:15, 22:1+, 24:10+,
 26:1+ ✧ **21:14:** Mt 10:19+; Lu 12:11+ ✧ **21:15:** Nḡo 6:10

¹⁶Indeeŋe mazwaana tana na, ituyom tomoyom ma noyom bizin, toŋmatiziŋ tiom, wal tiom, mi toroyom bizin ko tiur yom la koyom koi bizin naman. Mi niom pakan, nako tipun yom ma kemetmeete. ☆

¹⁷Mi tomtom ta boozomen ko timap tiur koi piom. Paso, niom kototo yo tau. ☆

¹⁸Tamen komoto pepe. Nonoono, kuliyom ko ire yoyouŋana. Tamen Anutu ko mataana piom. Tana uteyom ruunu tasa ko irao ila lene na som. ☆

¹⁹Tana kemender mbolŋana mi kikis urlaŋana tiom. Naso kakam mbotŋana mata yaryaaraŋana. ☆

*Pataŋana biibi kat kola ikam zin Yerusalem kan
(Mt 24:15-21; Mk 13:14-19)*

²⁰“Niom sombe kere zin malmal kan timar ma tiliu Yerusalem, tona kuute: Nol tabe tireege Yerusalem ma isu lene, ta ka nol igarau kek.

²¹Mbulu tana iso ipet na, zin wal tau timbotmbot lele pakaana ki Yudea na, loŋa mi tiko ma tisala pa lele abalabalŋana. Mi zin tau timbotmbot kar Yerusalem na, tizem kar biibi mi tiko ma tila len. Mi zin tau timbotmbot Yerusalem zilŋanzilŋan na, kozo tilela kar biibi mini pepe. Kanŋaŋ pataŋa ma tila len. ²²Pa indeeŋe tana, sua boozomen ki Anutu ta tibeede kek na, kola iur nonoono, mi zin Yuda tire kadoono pa mbulu kizin sananŋana. ☆

²³Zin moori ta sombe koponŋan mi zin ta pe-myamŋan pa mazwaana tana, na ra, tembel zin kek. Pa Anutu ko iswe kete malmalŋana pizin

☆ **21:16:** Nŋo 7:59, 12:2 ☆ **21:17:** Mt 10:22; Yo 15:18,20

☆ **21:18:** Mt 10:30; Lu 12:7 ☆ **21:19:** Ibr 10:36; Tur 2:7

☆ **21:22:** Yer 5:29; Dan 9:26+; Hos 9:7; 1Tes 2:14

tomtom ta timbotmbot toono tiŋgi, mi pataŋana biibi ikam zin. ✧

²⁴ Tana tomtom pakan ko timetmeete pa buza kwoono, mi pakan ko tikoki zin ma tila timbot leŋaleŋa pa karkari ta boozomen mazwan. Mi zin wal ta Yuda somŋan i ko tipadagdaaga Yerusalem ma irao mazwaana ta Anutu iur pizin na imap. ✧

Miiliŋana ki Tomtom Lutuunu

(Mt 24:29-31; Mk 13:24-27)

²⁵ “To mbulu pakan ko ipet pa zoŋ ma puulu mi zin pitik be iwe kilalan. Mi toono na, pataŋana ko ikam zin tomtom ma tiseŋeŋe. Pa tai kola isaana ma isaana kat. ✧

²⁶ Mi koron mburanŋan ta timbot sala maŋaanaŋana na, Anutu kola itok zin. Tana tomtom ko tikam ŋgar ma tiso: ‘Wai, pataŋana biibi sa ko iwwa i.’ Tana ko ikam zin ma timoto kan mi mburan imap kat. ²⁷ Tona tomtom kola tire sala pa Tomtom Lutuunu imbot lela miiri tieene, mi imiili ma isu raama mburaana mi azuŋka kini biibi kat. ✧

²⁸ Tana kere, beso uraata ti imanŋanŋa, to le-leyom ambai mi niyom ise. Pa ina be ulaaŋa tiom isu.”

Sua tooroŋana pa ke fik

(Mt 24:32-35; Mk 13:28-31)

²⁹ To Yesu ikam sua tooroŋana tiŋgi pizin. Iso: “Kere la pa ke fik mi ke pakan tomimi, mi kakam ŋgar pa. ³⁰ Sombe tiruŋ, tona kikilaala kembei iŋgi be zoŋ biibi isu. ³¹ Ina zaala raraate men tau pa

✧ **21:23:** 1Kor 7:26 ✧ **21:24:** Mbo 79:1; Lu 20:16; Ro 11:25; Tur 11:2 ✧ **21:25:** 2Pe 3:10+; Tur 6:12+ ✧ **21:27:** Dan 7:13; Mt 26:64; 1Tes 4:16+; Tur 1:7

mbulu ta anzzo yom pa i. Niom sombe kere mbulu ta boozomen tana tiwedet, to kikilaala ta kembei: Ingi be Anutu iswe kat peeze kini ma ipet mat isu toono.

³² “Nio anso kat piom: Wal ta koozi timbotmbot i ko timap pa toono zen, mi tire uraata ta boozomen men taingi ipet. ³³ Saamba ma toono kola timbiri-izi ma tila len. Tamen sua tio na, irao be ila lene na som. Ko imbotmbot men ta kembei. ☆

Tapamatmaata mi matanda ingalngal itundu

³⁴ “Kere yom. Kokena kiwinin ma kakankaana, som kakam ngar boozo pa patajana ki toono, to ikam yom ma kakam ngar pa miilijana ki Tomtom Lutuunu som, mi ni ipamorsop yom kembei ta kilis. Tana motoyom ingalngal ituyom. ☆

³⁵ Pa mbulu tabe ipet pa aigule tana na, tomtom sa ko irao iko pa na som. Ko ise kizin tomtom ta boozomen ta timbotmbot su toono. ³⁶ Tana kapamatmaata totomen, mi kuzunzun Anutu be ipombol yom mibe kemender mboljana. Naso patajana tana irao ipasaana yom som, mi sombe kemender la Tomtom Lutuunu mataana, nako komoto som.”

³⁷ Indeeje mazwaana tana na, aigule ta boozomen, Yesu ilala ma ikamam sua pizin tomtom lela Urum Merere. Beso rorou na, ilala abal Olib be imbotmbot pa mbej. ³⁸ Tana aigule ta boozomen, zon ise na, zin iwal biibi tilala urum leleene be tilej i.

☆ **21:33:** Mbo 119:89; Yesa 40:8; Mt 5:18; 1Pe 1:25 ☆ **21:34:** Mt 24:42+; Mt 25:13+; Ro 13:11+; Ep 5:18; 1Tes 5:2+; 1Pe 4:7; 2Pe 3:10; Tur 16:15

22

Zin bibip timbuuru pa Yesu

(Mt 26:1-5; Mk 14:1-2; Yo 11:45-53)

¹ Timbotmbot ma sunņana biibi kizin Yuda ta tipaata be Pasoba na, ka noligarau be tila tilup zin, mi tikan narabu ta ka yis somņana i.✠

² Mi zin bibip kizin patoronņana kan ziņan zin ngarņan ki tutu na, tilup zin, mi tirru zaala be tipun Yesu ma imeete. Mi lelen be iwal biibi tiute som. Pa timoto zin.✠

Yudas iyok be iswe Yesu

(Mt 26:14-16; Mk 14:10-11)

³ To nangaņ ki Yesu laamuru mi ru tana, tomtom kizin ta, zaana Yudas Iskariot. Ni Sadan izeebi,✠

⁴ to imanga mi ila kizin bibip kizin patoronņana kan mi zin menderņan ki urum, mi ziņan timbuuru pa Yesu. Mi Yudas isotaara zin pa zaala tabe iur Yesu ila naman i. ⁵ Zin tileņ na, lelen ambai mi tiso tikam Yudas le pat. ⁶ Mi ni iyok pa sua kizin. To ila ma iru zaala be iur Yesu ila naman. Mi isombe ikam ki keņana. Kokena iwal biibi tiute.

Nangaņ ki Yesu tiurpe Pasoba ka kini

(Mt 26:17-25; Mk 14:12-21; Yo 13:21-30)

⁷ To aigule tabe tikan narabu ta ka yis somņana i ipet. Mi ina aigule tabe tipun zin sipsip pa Pasoba i.✠

⁸ Tana Yesu inņo Petrus ziru Yoan. Iso: “Niomru kala be kuurpe kanda kini pa Pasoba.”

⁹ To ziru tiwi i. Tiso: “Mi lelem be amla amurpe isu swoi?”

✠ **22:1:** Kam 12:15+ ✠ **22:2:** Mbo 2:2; Nņo 4:27 ✠ **22:3:** Yo 13:2,27 ✠ **22:7:** Kam 12:18+

10 Mi Yesu iso: “Kelela kar biibi, to kere tomooto ta ikwaara yok kuuruḡana mi ikoḡuru yom ma ima. Koto i mi kere, beso isala ruumu tasa, to koto i ma kelela. 11 Mi koso pa ruumu katuunu ta kembei. Koso: ‘Mos katuunu tiam iso pu ta kembei: Ruumu leleene kizin leembe ingoi tabe ziḡan nanḡaḡ kini timbot pa mi tikan Pasoba ka kini i?’ 12 Mi ni ko iso yom pa ruumu leleene biibi ta imbot kor mi tiurpe ma ambai pataḡa kek. Tana niomru kaparaḡraḡ koronḡ ta boozomen isu tana.”

13 Beso ziru tila na, tire koronḡ ta boozomen ila itoptop kat la Yesu kalḡaana. Tana tiparaḡraḡ kini ma koronḡ ta boozomen pa Pasoba.

*Yesu ziḡan nanḡaḡ kini tikan Pasoba ka kini
(Mt 26:26-30; Mk 14:22-26; 1Kor 11:23-25)*

14 Zonḡ isula na, Yesu ziḡan ḡḡonḡana kini tila ma mbulen su pa kini kanḡana. 15 Mi ni isu ma iso pizin. Iso: “Nio aḡurur motonḡ pa mbeḡ ta taḡḡi be itiḡan tumbutultul mi takan Pasoba ka kini tiḡḡi muḡḡu, mana aḡbaada pataḡana mi aḡre yoyouḡana. 16 Mi nio aḡso piom: Imap ta ti. Ko aḡkan Pasoba ka kini mini som ma irao Pasoba ka ḡnonoono ipet isu Anutu kar kini, to aḡkan.”✧

17 To ikam mbooro ma isunḡ pa, mi isara la kizin mi iso: “Kakam mbooro ti mi kiwin ma irao yom.

18 Nio aḡso piom: Nio ko aḡwin baen mini som ma irao Anutu iswe peeze kini ma ipet kat mat.”

19 To ikam narabu ma isunḡ pa, mi itette ma irai pizin mi iso: “Inḡi nio mozonḡ ḡnonoono. Pa nio ko

✧ 22:16: Lu 13:29, 14:15; Tur 19:9

aŋkam muriyom mi aŋmeete piom. Mbulu ti, kozo kakamam bekeno motoyom iŋgalŋgal yo.”✧

²⁰ Tikan kini makin, to Yesu ikam mbulu raraate men tau pa baen. Ikam mbooro, mi iso: “Ingi nio siŋiŋ tabe ireere ma isu piom, mi iurpe zaala popoŋana piom be niomŋan Anutu kaparlup yom ma kewe tamen.”✧

²¹ Mi kelen. Iti ta tombotmbot mi takanan kini ila mbata i, tiom tasa ko iur yo la koŋ koi bizin naman.”✧

²² Pa zaala ta Anutu iur pa Tomtom Lutuunu be ito na, ni bela ito. Mi tomtom tabe iur yo la koŋ koi bizin naman i, na tembeli kek.”✧

²³ Yesu iso sua tana, to naŋgaŋ kini timaŋga mi tiparwwi zin ma tiso: “Wai, kiti asiŋ ta irao ikam mbulu ta kembei?”

Tomtom pareiŋana tabe iwe biibi i
(Mt 20:25-27; Mk 10:42-44)

²⁴ To zin naŋgaŋ timaŋga mi tiparzorzooro pa asiŋ ta ni zaana biibi ma ilip kat.”✧

²⁵ Tabe Yesu iso pizin. Iso: “Mbulu ki toono na, niom kuute kek. Zin king kizin karkari tipakurkur zitun, mi tikototo wal kizin. Mi zin peeze kan kizin lelen be zin wal ta timbot la kopon mbarmaana na, kwon imbesmbeeze pizin pa uraata ta tika-mam na. ²⁶ Tamen niom na, koto zin pa mbulu kizin tana pepe. Tiom tasa isombe leleene be iwe mataana piom, na bela ikoto itunu mi imbesmbeeze piom kembei ta tiziyom bizin ta kaimernan

✧ **22:19:** 1Kor 10:17 ✧ **22:20:** Kam 24:8; 1Kor 10:16; Ibr 9:12+, 10:10 ✧ **22:21:** Mbo 41:9; Yo 13:21+ ✧ **22:22:** Ngo 1:6, 2:23 ✧ **22:24:** Mk 9:34+; Lu 9:46

i tikamam. Mi tomtom ta so ikamam peeze piom, na bela ikoto itunu ma iwe kembei ta mbesooŋo.✧

²⁷ Lak, aŋwi yom. Asiŋ ta ni biibi? Ni ta mbuleene isu mi ikan kini, som ni ta iŋgal tomtom kan kini mi imbesmbeeze pizin? Ina tomtom ta mbuleene isu mi ikan na! Mi kere. Inŋi nio aŋbesmbeeze piom kembei ta mbesooŋo i.✧

²⁸ “Nio, pataŋana boozo indenđeene yo. Tamen niom kezem yo som, mi inŋi kagabgaaba yo men.✧

²⁹⁻³⁰ Ambai. Mi Tamaŋ Anutu, ni iur yo be aŋkam peeze pa koron ta boozomen. Tana nio ta kembena. Inŋi aŋur yom be kaimer to kombot sala muriyom peeze kana isu kar tio, mi kakam peeze pa zin Israel un bizin laamuru mi ru. Mi ko itiaŋan takanan ma tiwinin ila mbata ma tombotmbot.”✧

Yesu iso Petrus ko iwatkaali
(Mt 26:31-35; Mk 14:27-31; Yo 13:36-38)

³¹ Yesu isu to iso pa Petrus. Iso: “O Simon, Simon, re u! Pa inŋi Tomtom Sanaana, irru zaala be itok urlaŋana tiom.✧

³² Tamen nio aŋsuŋ pu kek: Kokena zem kat urlaŋana ku. Tana kaimer ma sombe urlaŋana ku imiili ma imbol mini, tona pombol toŋmatiziŋ ku ti.”✧

³³ Tabe Petrus isu mi iso: “Merere, inako zin pakan. Mi nio na, irao aŋzemu na som. Som ma som kat! Sombe tiuru la ruumu sanaana, inako ituru mi tala. Miso tipunu ma meete, nako tipun yo tomini ma ituru mi temetmeete raraate!”

✧ **22:26:** 1Pe 5:3 ✧ **22:27:** Mt 20:28; Lu 12:37; Yo 13:12+; Pil 2:7

✧ **22:28:** 2Kor 1:7; 2Tim 2:12 ✧ **22:29-30:** Mt 19:28; Lu 14:15;

Tur 3:21, 19:9 ✧ **22:31:** 2Kor 2:11; 1Pe 5:8 ✧ **22:32:** Yo 17:9+, 21:15+

34 To Yesu iso pini. Iso: “Petrus, nio anso kat pu. Mbeŋ ta koozi, nu kola watkaala zoŋ pa tel, mana man itaŋ.”

Yesu isope zin nanŋaŋ kini pa mburu tabe tikam mi tipa raama i

35 Tona Yesu iwi zin nanŋaŋ kini ma iso: “Lak, muŋgu indeeŋe ta anso yom pa uraata na, anso piom ta kembei: Kapa raama kautu pepe, pelpeelee pepe, mi kumbuyom keteene pepe. Tana nomoyom men mi kala. Mi parei, mazwaana tana, niom kuru zoloyom pa leyom koron sa, som som?” Mi zin tiso: “Som. Niam amrao pa koron ta boozomen.”☆

36 To Yesu iso: “Tana. Tamen buri, sombe kala, na kala raama kautu tiom mi pelpeelee tiom. Mi sombe tomtom sa, ni le pat be inŋiimi buza som, na kozo ila mi inŋomoono mburu kini bekena inŋiimi le buza tasa. 37 Pa nio anso kat piom. Mbeŋ ta koozi, sua ta tibeede muŋgu kek na, ko iur nonoono ise tio. Sua ta kembei: Zin tire i kembei ta tomtom sananŋana sa. Pa sua boozomen ta muŋgu tizzo se tio, inŋi buri be iur nonoono i.”☆

38 Nanŋaŋ kini tiso: “Merere, buza ru tis.” Yesu iso pizin: “Ina irao.”

*Yesu isuŋ su lele Getsemane
(Mt 26:36-46; Mk 14:32-42)*

39 Yesu ito mbulu kini ta ikamam na, mi izem kar biibi be isala abal Olib. Mi nanŋaŋ kini tito i ma ziŋan tila. 40 Tila tipet, to iso pizin. Iso: “Niom

☆ 22:35: Mt 10:9; Lu 9:3 ☆ 22:37: Yesa 53:12; Lu 24:26+

kombotmbot ti mi kusunj. Kokena toombojana sa ikam yom.”☆

⁴¹ To izem zin, mi ilae ri na, ingun kumbu mbukuunu mi isunj. ⁴² Iso: “O Tamaŋ, sombe lelem, na tatke mbooro taingji pio. Ingi nio aŋso. Mi nu itum tau.”☆

⁴³ Ni izunzunj, mi aŋela ta, imbot saamba mi isu kini be ipomboli. ⁴⁴ Pa Yesu leleene ipata mi ikamam sunjana mboljana kat. Tabe ikam ma mburaana be imap. Tana ka uze raama sinj ndonjonj sula toono.☆

⁴⁵ Isunj makinj, to imanja, mi imiili ma ila be ire zin nanjanj kini. Mi zin tikeene ma tizemke zin kat. Pa lelen isaana kat, tabe ka malainjana ikam zin. ⁴⁶ Tana ni isu na iso pizin. Iso: “Wai, kekeene rimos! Kamaŋga mi kusunj. Kokena toombojana ikam yom to kotop.”

Tikam Yesu

(Mt 26:47-56; Mk 14:43-50; Yo 18:3-11)

⁴⁷ Yesu izzo sua tana, mi molo som na, Yudas iyaaru zin iwal ma timar. (Yudas tana, ni tomtom ta ta imbot la Yesu nanjanj kini laamuru mi ru na.) Ikonjuru Yesu ma ila, to imbenbeenje pini. ⁴⁸ Mi Yesu iso pini: “Wai Yudas, ingi mbenbeenje pa Tomtom Lutuunu be uri la ka koi bizin naman?”

⁴⁹ Nanjanj kini ta timbotmbot raami na, tire ma irao lelen som kat. To tiso: “Merere parei, ko ampas buza mi amkas zin?”

⁵⁰ To tomtom kizin ta, ni imanja na ipas buza kini, mi ipiri na isap tomtom ta taljaana woono ma itop su. Tomtom tana, ni mbesoonjo ki biibi kizin

☆ **22:40:** Mt 6:13 ☆ **22:42:** Mt 6:10; Yo 6:38 ☆ **22:44:** Yo 12:27; Ibr 5:7

patoronjana kan. ⁵¹Tamen Yesu iso: “Hait, imbot. Kezem zin mi tikam.” To iteege lae pa mbesoonjo tana taljaana, mi iurpe ma ambai mini.

⁵²Mi Yesu iso pizin patoronjana kan zinan zin menderjan ki urum, mi zin mboronjan ta timar be tikam i na. Iso: “Wai, nio ti tomtom malmaljon sa, ta kamar ramaki buza ma zaaba be kakam yo i? ⁵³Aigule ta boozomen ta itinan tombotmbot la Urum Merere kwoono mi anjamam sua piom na. Parei ta kakam yo pataaja som? Ambai. Kakam yo lak. Pa inji mazwaana ta zugut mburaana ikamam peeze. Tana nol tiom ta ti.”[☆]

Petrus iwatkaala Yesu zaana

(Mt 26:57-58,69-75; Mk 14:53-54,66-72; Yo 18:12-18,25-27)

⁵⁴To tikiskis Yesu, mi tikami ma tila ruumu ki biibi kizin patoronjana kan. Mi Petrus, ni itokel-keele zin ma ila. ⁵⁵Mi tomtom pakan tindou you isu biibi ruumu kini kwoono, mi timbutultul ma timbotmbot. Tana Petrus ila igaaba zin. ⁵⁶Molo som na, mbesoonjo moori ta, ni imar ma ire Petrus imbotmbot you uunu. To igeedi ma iso: “To ti, ni tomini zinan Yesu tiwwa.” ⁵⁷Tamen Petrus iwatkaali ma iso: “Wa moori, nu so sorok. To tana, nio ajute i som.”

⁵⁸Timbotmbot, mi tomtom toro imar. Mi ikilaali to iso: “Ai, nu tana tomini, niomjan tau.” Tamen Petrus iso: “E-e. Nio som kat.”

⁵⁹To timbotmbot ma molojana ri, mana tomtom toro ire i. To imanja na kwoono imbol ma iso: “Ouo, to ti, inji zin tau! Pa ni sa tomtom ki Galilea na.” ⁶⁰Tamen Petrus iso: “Ai, sua ku tana, nio

[☆] 22:53: Lu 19:47, 21:37; Yo 12:27

aŋute risa som.” Indeeŋe kat Petrus izzo sua tana na, man itaŋ. ⁶¹ To Merere itoori mi mataana ila ki Petrus. Mi Petrus ire i, to mataana la pa sua ta muŋgu Yesu iso pini na. Sua ta isombe: “Mbeŋ ta koozi, nu kola watkaala zoŋ pa tel, mana man itaŋ.” ⁶² Tana Petrus imaŋga mi iyooto ma ipera mat, to itaŋ ma iyeryer.

Tipeŋeu Yesu mi tipuni
(Mt 26:67-68; Mk 14:65)

⁶³⁻⁶⁴ Indeeŋe tana, zin mendernan ta timborro Yesu na, timaŋga be tipeŋeu i. Tisu to, tizuk mataana mi tiununi. Mi tiwwi i ma tizzo: “O Anutu kwoono, so lak. Asinŋ ta ipunu na?” ⁶⁵ Mi timbel sua repiiliŋana pini.

Tipamender Yesu isu zin peeze kan keren uunu
(Mt 26:59-66; Mk 14:55-64; Yo 18:19-24)

⁶⁶ Timbotmbot ma ila berek, to zin peeze kan kizin Yuda, zinan zin bibip kizin patoronŋana kan, mi zin nŋarŋan ki tutu tilup zin, mi tikam Yesu ma ila imender su keren uunu. Mi tiwi i ma tiso: ⁶⁷⁻⁶⁸ “Lak, sombe nu Mesia, na so kat ta buri!”

Yesu ipekel kwon ma iso: “Sombe aŋso piom, na niom ko kuurla kalŋon som. Mi sombe aŋwi yom pa koron sa, na niom ko kepekel som tomini.

⁶⁹ Tamen koozi mi ila na, Tomtom Lutuunu ko mbuleene su Anutu mbolkenkenŋana namaana woono.” ✧

⁷⁰ Tabe tilup kwon ma tiso: “Kena ko nu Anutu Lutuunu tau?” Yesu ipekel kalŋaana ma iso: “Sua ta ituyom koso na.”

✧ 22:69: Mbo 110:1; Dan 7:13; Ngo 7:56; Ibr 1:3, 8:1

⁷¹ Tona timanga mi tiso: “Oo imap. Turu tomtom toro be iso ka sua paso? Buri na tapas kat sua ila itunu kwoono i.”

23

Yesu imender su Pilatus kereene uunu
(Mt 27:1-2,11-14; Mk 15:1-5; Yo 18:28-38)

¹ Tona zin bibip timap ma timanga mi tikam Yesu ma tiuri la ki Pilatus. ² Mi tingal sua boozo pini. Tiso: “Tomtom tingi, niam amkami paso, ni ipandelndel yam Yuda mi isokere zin iwal be tipiri takes ila ki Kaisa pepe. Mi ipakuri ma iso ni Mesia mi king.”[☆]

³ Tabe Pilatus iwi Yesu ma iso: “Parei, nu tana, ta king kizin Yuda?” Yesu ipekel kwoono ma iso: “Sua ta so na.”[☆]

⁴ To Pilatus iso pizin bibip kizin patoronjana kan zinan zin iwal biibi. Iso: “To ti, nio andeenje le uunu sa isaana som.”[☆]

⁵ Tamen zin kwon imbol ma tiso: “Ai, to tina, ni ikamam sua pizin tomtom mi ikurru lelen pa lele ta boozomen tiam Yuda. Imanja su ta Galilea, mi imar imar, ma ingi buri ipet taingi.”

Tiur Yesu ila ki Erot

⁶ Pilatus ilenja sua kizin tana, to iwi zin ma iso: “O to ti, ni ki Galilea?” Mi zin tiso: “E, ni tomtom ki Galilea.”

⁷ Pilatus ilenja kembei Yesu imar pa lele pakaana ta Erot ikamam peeze pa na, to iuri ma ila kini. Pa indeenje mazwaana tana, Erot, ni imbotmbot Yerusalem tomini. ⁸⁻⁹ Mazwaana molo ta ila a, Erot ilenjenja Yesu uruunu mi ikam kinkiini be ire

[☆] **23:2:** Mt 17:27; Lu 20:25; Ngo 17:7 [☆] **23:3:** 1Tim 6:13

[☆] **23:4:** 1Pe 2:22

i. Pa leleene be ire Yesu itooro mos pakan. Tana Yesu ila ipet kini, to ni leleene ambai mi ikam wiņana boozo pini. Tamen Yesu ipekel sua sa som.✧

¹⁰ Mi zin bibip kizin patoronņana kan, ziņan zin ņgarņan ki tutu ta timbotmbot na, timbel sua ņgalņana pa Yesu. ¹¹ Mi Erot ziņan zin malmal kan kini na, tikam mbulu repiilinņana pa Yesu mi tipeņeu kati. Tisu to, tiur mburu ambaimbaiņan ise regeene, mi tipimiili i ma ila mini ki Pilatus. ¹² Munġu na, Erot ziru Pilatus tiparwe kan koi. Tamen indeeņe aigule tina mi ila, to ziru tiparlup zin mi lelen par pizin.✧

Pilatus iyok be tipun Yesu ma imeete

(Mt 27:15-26; Mk 15:6-15; Yo 18:39–19:16)

¹³ Yesu ila ipet ki Pilatus mini, to ni iboobo zin bibip kizin patoronņana kan ziņan zin peeze kan mi iwal biibi ma timar, ¹⁴ mi iso pizin. Iso: “Niom tana, ta kakam tomtom tinġi ma imar tio, mi koso ni ikurru zin iwal lelen. Mi ituyom kombotmbot mi aņtiiri sua kini na, aņdeeņe kembei ni le uunu sa isaana kembei ta kozzo na som. ¹⁵ Mi Erot tomini iru le uunu ma som. Tanata ipimiili i ma imar kiti. Tana to ti, ni le uunu sa tabe imeete pa i som. ¹⁶ Kenako aņbalisi men, mi aņzemi ma ila?” [¹⁷ Indeeņe lupņana biibi tana na, Pilatus bela izem tomtom tasa ma iyooto pa ruumu sanaana ma ila lene.]

¹⁸ To iwal biibi tilup kwon, mi kalņan izalla ma tiso: “To tana, puni ma imeete. Mi Barabas na, zemi ma iyooto mi imar tiam.” ¹⁹ Barabas

✧ **23:8-9:** Yesa 53:7; Lu 9:9 ✧ **23:12:** Nġo 4:27

tina, ni imbotmbot lela ruumu sanaana paso, igabgaaba wal pakan ta timanġa ma tikam malmal pa gabman ki Rom isu Yerusalem, mi tipun tomtom pakan ma timetmeete.

²⁰ Pilatus, ni leleene be izem Yesu ma ila lene. Tana itoombo sua pizin mini. ²¹ Tamen kalġan izalla ma tizzo ta kembei: “Puni sala ke pambaaraġana, puni sala ke pambaaraġana!”

²² Tinoknok to Pilatus iso la pizin mini ma iwe tel pa. Iso: “To ti, aġpuni sorok paso? Ni ikam mbulu sananġana sa? Nio aġre kembei ni le uunu sa tabe imeete pa i som. Inġi ko aġbalisi men, mi aġzemi ma ila ne.”

²³ Iso ta kembei, tamen zin tiyok som. Timap ma kalġan izalla be ipun Yesu ma imeete sala ke pambaaraġana. Tana Pilatus itoombo be ipeteke zin ma irao som. ²⁴⁻²⁵ To ileġ la kalġan, mi izem tomtom ta zin iwal lelen pini na, ma iyooto pa ruumu sanaana. Ni ta igabgaaba zin wal ta tikamam malmal pa gabman ki Rom mi tipun wal pakan ma timetmeete na. Mi Yesu na, Pilatus ito iwal biibi tana lelen, mi iuri la zin malmal kan naman be tipuni ma imeete.

Tikam Yesu ma tila be tipuni

(Mt 27:32-44; Mk 15:21-32; Yo 19:17-27)

²⁶ Tana zin malmal kan tikam Yesu, mi tiwwa ma tila pa zaala na, tise ki tomtom ta ki Kairini, zana Simon. Ni iwwa ma imar be ilela pa kar biibi. To tisasaara lae pini, mi tiur ke pambaaraġana ki Yesu ise regeene ma kadoono ikwaara. Mi ito Yesu ma ziġan tila. ²⁷ Mi zin iwal biibi kat ta titoto Yesu ma tilala. Mi moori boozomen ta ziġan tiwwa na,

lelen isaana pini mi tikamam tinjiizi biibi. ²⁸ Tamen Yesu itoori mi iso pizin. Iso: “Niom Yerusalem nan, katan pio pepe. Katan pa ituyom mi lutuyom bizin. ²⁹ Pa kaimer nol tasa kola ipet, to tomtom ko titwer mi tiso ta kembei: ‘O tina! Zin moori ta tipepeebe som, mi zin tau len pikin somnan i, na lelen ambai pa kampejana ta ise kizin i!’[☆]

³⁰ Indeeje mazwaana tana, tomtom kola timanga mi tiso pizin abal ta kembei: ‘Kopol salakaala yam mi kokoto yam!’[☆]

³¹ Tana niom motoyom ingal ituyom. Pa sombe tikam mbulu ta kembei pa tomtom ta le uunu sa isaana som, nako mbulu parejana ipet piom?’[☆]

Tipun Yesu sala ke pambaaranana

³² Mi wal sananjan ru tomen, ta tikam zin ma tila be tipun zin raama Yesu. ³³ Timar ma tipet lele ta zaana ‘Tomtom Uteene Putuunu’ na, to tipun Yesu zinan wal ru tana la ke pambaaranan, mi tipamender zin. Wal ru tana, ta imbot la Yesu namaana woono, mi toro imbot la ki nas.

³⁴ Timbotmbot mi Yesu iboobo. Iso: “O Tamañ, reege sanaana kizin. Pa mbulu ta tikamam i, zin tikankaana pa.” To zin malmal kan tisombe tiparra mburu kini. Tana tikam mbulu ta, be tire so tomtom tabe ikam so mburu i.[☆]

³⁵ Mi zin iwal biibi na, timendernder mi tirre la pa Yesu zinan wal ru tana. Mi zin peeze kan tomini timbotmbot mi timbel sua repiilijana pini ma tiso: “Ni imbot be iuluulu zin wal pakan. Mi ni itunu

☆ **23:29:** Mt 24:19; Lu 21:23 ☆ **23:30:** Yesa 2:19; Hos 10:8; Tur 6:16 ☆ **23:31:** 1Pe 4:17+ ☆ **23:34:** Mbo 22:18; Mt 5:44; Ngo 3:17, 7:60

na som. Sombe ni Mesia mi Anutu iroogi, nakena ikamke itunu lak!”✠

³⁶ Mi zin malmal kan tomini tipeŋeu i. Tila kini mi tikam yok pakpakŋana mi tisara sala pini be iwin.✠

³⁷ Mi tiso pini ma tiso: “Nu sombe king kizin Yuda, na kamke itum lak!” ³⁸ Mi bude ta imbot sala Yesu ke pambaaraŋana kini uteene, ta iso ta kembei: “Ingi king kizin Yuda.” ³⁹ Mi wal sananjan ru ta timbotmbot sala ke pambaaraŋan na, kizin ta ikam sua repiiliŋana pa Yesu ma iso: “A, nu ta sombe nu Mesia na? Nakena uulu itum mi niamru tomini.”

⁴⁰ Tabe toro iŋasaara lae pini ma iso: “Hai, nu moto kom pa Anutu som? Nu ituru ko temetmeete raraate kembei ta ni. ⁴¹ Mi patanana ta ituru tabaada i, ingi indeeŋe men. Paso, ikot mbulu kiti sananjanana. Mi ni na, le sanaana sa som.”✠

⁴² To iso mini. Iso: “Yesu, sombe lela kar ku, na motom ŋgal yo.” ⁴³ To Yesu iso pini. Isombe: “Nio anso kat pu: Koozi, ko ituru tombot lele ta ndabokŋana kat.”

Yesu imeete

(Mt 27:45-56; Mk 15:33-41; Yo 19:28-30)

⁴⁴⁻⁴⁵ Zonj mataana ikam kembei palakuutu ma ingi, to zonj mataana imeete mi zugut biibi izuk toono tana ma imap, mi imbot ma irao zonj mataana ikam tel. To kawaala biibi ta ipakaala urum leleene ta potomŋana kat na, rek ma iwe ru.✠

✠ **23:35:** Mbo 22:7 ✠ **23:36:** Mbo 69:21 ✠ **23:41:** Lu 23:33; Yo 8:46; Ibr 4:15 ✠ **23:44-45:** Yoel 2:31; Ibr 9:3,8

⁴⁶ Mi Yesu kalɲaana biibi ma iso: “Tamaɲ, iɲgi aɲur ituɲ ima nomom i.” Iso ta kembei, mi iy-ataaɲa ma ka bolboolo ipol.✠

⁴⁷ Biibi kizin malmal kan ire mbulu ta ipet, to iwit Anutu uruunu ma iso: “Nɔnoono kat. Tomtom ti, ni tomtom ndeeɲɲana kat. Ni le uunu sa isaana som.” ⁴⁸ Mi iwal biibi ta timar be tire len uraata tana na, nɲar kizin ipet, to lelen ipata mi titaɲtaɲ mi timilmili ma tila kar.

⁴⁹ Mi Yesu gaabaɲana ta boozomen ziɲan zin moori pakan ta ziɲan Yesu timbot Galilea mi timar na, timendernder moloɲana ri mi tirre la pini.✠

Titwi Yesu

(Mt 27:57-61; Mk 15:42-47; Yo 19:38-42)

⁵⁰⁻⁵¹ Yuda ta, ni zaana Yosep mi kar kini ta Ari-matea. Mi ni tomtom ambaiɲana mi ndeeɲɲana, mi iurur mataana pa peeze ki Anutu be ipet mat. Mi ni imbot la lupuuɲu biibi kizin peeze kan kizin Yuda tomini. Tamen mbulu ta zin tikam pa Yesu na, ni igaaba zin pa som. ⁵² Tana indeeɲe ta Yesu imeete na, ni ila ki Pilatus, mi iwi i be ikam Yesu putuunu mi ila itwi i. ⁵³ Pilatus iyok pini, to ila ikam Yesu ma isu pa ke pambaaraɲana, mi izuki pa kawaala kokouɲana, mi ila iuri lela raɲ sumbuunu ta tiurpe pataaɲa kek ma iwe naala na. Naala tana tiur tomtom sa ilela zen.

⁵⁴ Aigule tana na, zin Yuda be tiparaɲraɲ koron kizin ta boozomen bekena keten su pa aigule potomɲana. Mi iɲgi rou, tana aigule potomɲana imar igarau kek.

✠ **23:46:** Mbo 31:5; Nɲo 7:59; 1Pe 2:23 ✠ **23:49:** Mbo 38:11; Lu 8:2+

⁵⁵ Zin moori Galilea kan ta titoto Yesu na, zinan Yosep tila ma tipet naala uunu. Mi tire Yesu putuunu ka nakene, ⁵⁶ to timiili ma tila kar, mi tiparaŋraŋ Yesu le ŋgere ta kuzinŋan i. Mi aigule potomŋana ki Anutu imar kek. Tana tikam uraata sa mini som. Tito tutu kizin ma timbot kar mi keten su.

24

Yesu burup ma imanŋa mini pa naala

(Mt 28:1-10; Mk 16:1-8; Yo 20:1-10)

¹ Aigule potomŋana imap mi aigule mataana kana ipet, to mbenbenŋana mi zin moori tikam ŋgere kuzinŋan ta tiurpe kek na, mi tila be tilou naala. ² Tila tipet na, tire pat biibi imbot naala kwoono mini som ma kembei ta tipatimbil ma ilae. ³ To tilela. Tilela na, tire Yesu putuunu imbot mini som. ⁴ Tabe tikam ŋgar boozo. Molo som na, wal ru ta tiru pa mburu milmilŋana kat na, tipet kizin. ☆

⁵⁻⁶ Zin moori tire zin aŋela na, timoto. Tabe tiŋgun kumbun mi tituundu su toono. Mi wal ru tana tiso pizin. Tiso: “Ai, niom na kamar ma kuru tomtom mata yaryaaraŋana ila meeteŋan murin paso? Ni imbotmbot ti mini som. Imanŋa kek. Parei, sua ta muŋgu iso yom su Galilea na, mo-toyom mbeleele? ⁷ Ta isombe: ‘Tomtom Lutuunu, bela tiuri la zin wal sananŋan naman, mi tipuni ma imeete sala ke pambaaraŋana. Mi ko mbenj iwe tel pa, to imanŋa mata yaryaara mini.’ ” ☆

⁸ Zin tiso, to zin moori matan la pa Yesu sua kini tana.

☆ **24:4:** Ngo 1:10 ☆ **24:7:** Lu 9:22, 18:31+

⁹ To zin moori tizem naala, mi timiili ma tila, mi tisotaara zin nanḡan laamuru mi ta, mi wal pakan. ¹⁰⁻¹¹ Moori tana zan ta kembei: Maria ki Magdala, Yoana, Maria toro ta Yems naana i, mi zin moori pakan tomini. Tiso zin nḡonana pa mbulu boozomen ta ipet pizin na. Tamen zin nḡonana tiurla som. Pa tiso ko tiyo kwon ma nḡi. ¹² Mi Petrus, na som. Imanḡa mi iloondo ma ila ta naala uunu a. Ila ipet na, ituundu mi mataana ilela. To ire kawaala ta tizuk Yesu pa na men ta imbotmbot. Mi koron toro sa som. Tana izem naala mi imiili ma ila. Mi ikam nḡar boozo pa mbulu ta ipet na.

Yesu ipet ki nanḡan ru isu zaala ta ila pa kar Emaus na
(Mk 16:12-13)

¹³ Aigule tamen ta tina na, Yesu nanḡan kini ru tisombe tila pa kar Emaus. Kar tana, imbot molo ri pa Yerusalem. ¹⁴ Ziru tiwwa mi tiparzzo pizin pa mbulu boozomen ta ipet na. ¹⁵⁻¹⁶ Sua izalla ma tiwwa, mi Yesu itoto zin ma ila ise kizin. To zinan tiwwa ma tila. Tamen koron sa ikam ma tirao be tikilaali som. ¹⁷ Ni isu na iwi lae pizin. Iso: “Ou, niomru kozzo pa so sua i?”

To ziru timender mi tigeede lae pini. Tamen nḡar kizin sa ambai som mi lelen ipata. ¹⁸ Tana kizin ta, ta zaana Kelopas na, imanḡa to iwi lae pa Yesu. Iso: “Wai, a nu tina ko mbot swoi ta kam wiḡana ta kembena? Mbulu ta neeri nḡonoono ipet na, tomtom boozomen ta timbot Yerusalem a tiute makin. Mi nu itum tamen som?”

¹⁹ Tabe ni iwi zin ma iso: “So mbulu i?”

To ziru tiso: “Wai, mi mbulu ta tikam pa Yesu ki Nasaret na. Ni Anutu kwoono ŋonoono. Sua kini mi uraata kini ta mburaanaŋana men. Tabe ikam ma niam tomtom boozomen amre i kembei ni, Anutu imbotmbot raami. ☆

²⁰⁻²¹ Mi amdemeere kembei ni ulaaŋa biibi tabe ikamke zin Israel pa pataŋana kizin. Tamen zin bibip kizin patoronŋana kan ziŋan zin peeze kan kiti tiuri sorok ila gabana ki Rom namaana. To ni iur sua ma tipuni ma imeete sala ke pambaaraŋana ta uriizi. ☆

²² “Tamen mankwooni mbulu toro ipet piam. Zin moori tiam pakan ta mbenbenŋana mi tila naala uunu. ²³ Tamen tila na, tire i som. Mi mbulu toro ipet pizin tomini. Aŋela pakan tipet kizin, mi tiso pizin ta kembei: ‘Yesu imbot mataana yaryaara.’ ²⁴ To timiili ma timar mi tisotaara yam. Tabe ammurur, mi wal tiam pakan tila be tire. Beso tila na, kembei ta zin moori tiso na. Tiru Yesu ma som. Tinji tabe ikam yam ma amkam ŋgar boozo.” ☆

²⁵ Yesu imaŋga mi iso pizin. Iso: “Wai, niom tina leyom ŋgar som? Sua boozomen ta Anutu kwoono bizin tiso na, parei ta kuurla karau som? ²⁶ Pa sua imbot pataaŋa kek ta kembei: Mesia bela ire yoyouŋana mi ibaada pataŋana boozomen ta kembei, to isala kar saamba be ikam zaana biibi.” ☆

²⁷ To ni ipei ŋgar kizin pa sua matamur boozomen ta izzie kini na. Ipit la ta Mose ibeede

☆ **24:19:** Mt 21:11; Yo 6:14; Nŋo 2:22 ☆ **24:20-21:** Lu 1:68, 2:38, 19:11; Nŋo 1:6, 13:27+ ☆ **24:24:** Yo 20:3+ ☆ **24:26:** Lu 9:22; Nŋo 17:3; Ibr 12:2; 1Pe 1:10+

na, mi imar imar ma indeenje sua ki Anutu kwoono bizin ta boozomen. ☆

²⁸ Tiwwa ma timar kwa uunu, to ni be izem zin mi kanƙan ma ila. ²⁹ Tamen ziru tiruuti. Tiso: “Ai, la pepe. Miili ma mar mi itinƙan tombot. Pa inƙi rou kek.” Tana Yesu ila ma zinƙan timbot.

³⁰ Tila timbotmbot ma inƙi be tikan kini. Tana Yesu ikam narabu ma isun pa, to itete mi isara la pizin. ³¹ Tona matan ikam pak, mi tikilaali. Tamen ni karau men mi imbirizi la mazwan. ³² Ziru tipargeede zin ma som, mi tiso: “Wai, tamar pa za-ala, mi ni iwesweeze sua ki Anutu piti na, lelende ikam uraata biibi kat. Tayamaana kembei ta you iƙanan lela lelende i.”

³³ To ziru burup na tizem kini kanƙana, mi timiili mini pa Yerusalem. Tila na, tindeenje zin nanƙan laamuru mi ta, ta zinƙan wal pakan tilup zin ma timbotmbot. ³⁴ Ziru tipet na, zin wal ta tilup zin na, tiso pizin ma tiso: “Nonoono kat. Merere, ni imanƙa mi ila ipet ki Simon kek.” ☆

³⁵ Tona ziru tomini tiso pizin pa mbulu ta ipet pizin su zaala lwoono na. Mi tiso pizin ta kembei: Indeenje ta ni itete narabu na, matan ikam pak.

Yesu ipet kizin nanƙan kini

(Mt 28:16-20; Mk 16:14-18; Yo 20:19-23; Nƙo 1:6-8)

³⁶ Ziru tizzo sua, mi molo som na, Yesu itunu ila ipet la mazwan mi iso pizin. Iso: “Leleyom ambai.”

³⁷ Tamen zin timorsop, mi motoƙana biibi ikam zin. Pa tiso ko tire kon. ³⁸ To Yesu iso pizin. Iso:

☆ **24:27:** Un 3:15; Lo 18:15; Mbo 22; Yo 1:45 ☆ **24:34:** 1Kor 15:4+

“Wai, parei ta kakamam ngar boozo mi leleyom iwe ru? ³⁹⁻⁴⁰ Kere zaaba kwo muriini ta imbot la nomoŋ ma kumbuŋ i. Ingi nio ituŋ tau. Kamar mi ketege kat yo. Kon, ni mazaana mi tiroono kembei nio i? Som.” ☆

⁴¹ To zin menmeen zin biibi. Tamen lelen iwe ru mi tikamam ngar boozo. Tabe Yesu isu to iso pizin: “Lak, kini sa imbotmbot i?” ☆

⁴²⁻⁴³ Tana tikam ye neeneŋana suruunu ila kini, to tirre i mi ni ikan. ⁴⁴ Tona Yesu iso pizin. Iso: “Kere. Sua ta muŋgu itinŋan tombotmbot mi aŋzzo yom pa, ta ingi koozi iur ŋonoono i. Pa sua ta imbot la Mose tutu kini, mi bude ki Anutu kwoono bizin, mi mboe pakan tomini, sua matamur ta munŋaana men ta tiso se tio i, na bela iur ŋonoono.” ☆

⁴⁵ Iso ta kembei, to ipei ngar kizin pa sua ki Anutu ta tibeede kek na, bekena tiute kat ka uunu. ☆

⁴⁶ Iso: “Sua imbot pataaŋa kek ta kembei: Mesia, ni bela ire yoyouŋana, mi imeete ma aigule iwe tel pa, tona imanŋa mini. ☆

⁴⁷ Mi uraata tinŋi, bela tisoyaara uruunu su Yerusalem muŋgu, mana ila ma irao karkari ta boozomen. Ko tiso ta kembei: Tomtom bela titooro lelen mi tizem mbulu kizin sananŋana, mi tiurla ki Mesia, tona Anutu ireege sanaana kizin. ☆

⁴⁸ Mi niom ta kere kat uraata tainŋi pa motoyom na, bela kala mi kopombol ka sua. ☆

☆ **24:39-40:** 1Yo 1:1 ☆ **24:41:** Yo 21:5; Nŋo 10:41 ☆ **24:44:** Mbo 2, 16, 22, 69, 72, 110, 118 ☆ **24:45:** Nŋo 16:14 ☆ **24:46:** Nŋo 17:3 ☆ **24:47:** Mt 28:19; Nŋo 1:8, 2:38; Nŋo 10:42+, 13:38; 1Tim 3:16 ☆ **24:48:** Yo 15:27; Nŋo 1:8,21+, 2:32

49 Tamen kala loŋa pepe. Kombotmbot kar ti mi kazza ma irao sua mbukŋana ki Tamaŋ iur ŋonoono piom, mi ango mburaana ta imbot kor a ma isu isalakaala yom, to kala.” ☆

*Yesu isala pa saamba
(Mk 16:19-20; Nŋo 1:9-11)*

50 Timbotmbot ma Yesu ikam zin nanŋaŋ kini ma tila tigarau kar Betania. To iwit namaana isala kor, mi ipombol zin. 51 Ipombolmbol zin, mi Tamaana ikami ma izem zin mi isala pa saamba. ☆

52 Tana zin tire i to, tilek kumbun mi tipakuri. Imap na, timiili mini ma tila Yerusalem raama lelen ambai mi menmeen zin biibi kat. ☆

53 To indeeŋe tina mi ila na, tiluplup zin lela Urum Merere ka siiri leleene, mi tipakurkur Anutu zaana. ☆

☆ **24:49:** Yesa 44:3; Yoel 2:28; Yo 14:16, 15:26, 16:7; Nŋo 1:4, 2:4; Ga 3:14 ☆ **24:51:** Yo 20:17 ☆ **24:52:** Yo 14:28, 16:22 ☆ **24:53:** Nŋo 2:46, 5:42

**Anutu Sua Kini Potomaxana
Genesis, Exodus, Ruth, Psalms, Proverbs, Jonah, and
The New Testament in the Mbula Language of Papua
New Guinea
Sampela hap Buk Baibel long tokples Mbula long
Niugini**

Copyright © 1996 The Bible Society of Papua New Guinea

Language: Mbula

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-08-31

PDF generated using Haiola and XeLaTeX on 11 Nov 2022 from source files dated 9 Oct 2020

a815c47a-4c36-5240-a396-70cbd5e9b593